

**BOSNA I HERCEGOVINA  
FEDERACIJA BOSNE I HERCEGOVINE  
Tuzlanski kanton  
GRAD TUZLA  
GRADSKO VIJEĆE**

# **S T E N O G R A M**

**SA DVADESETPRVE SJEDNICE GRADSKOG VIJEĆA TUZLA ODRŽANE  
30. NOVEMBRA 2022. GODINE U POSLOVNOM OBJEKTU „GRAFIČAR“ SA  
POČETKOM U 10,00 SATI.**

**- SJEDNICI PRISUSTVUJE 31 VIJEĆNIK.**

**U Tuzli, novembar 2022. godine**

## **NATAŠA PERIĆ – predsjedavajući Gradskog vijeća Tuzla**

Pozivam vijećnike da uđu u salu.

(Intoniranje himne Bosne i Hercegovine.) Poštovani vijećnici Gradskog vijeća Tuzla, obrađivači materijala, predstavnici medija, otvaram 21. redovnu sjednicu Gradskog vijeća Tuzla.

Konstatujem, da prema evidenciji Stručne službe Gradskog vijeća, sjednici prisustvuje 29 vijećnika od ukupnog broja vijećnika, a svoje kašnjenje su najavili vijećnica Merima Softić Sprečić i vijećnik Senad Mehmedinović i predlažem da opravdamo privremeno odsustvo.

Obavještavam vijećnike da su samostalni vijećnici Hasib Hirkić i Lejla Osmančević 11.11.2022. godine, dostavili obavijest Gradskom vijeću Tuzla, da su u skladu sa članom 22. stav. 5. Poslovnika Gradskog vijeća Tuzla, formirali zajednički klub samostalnih vijećnika, te da će predsjednik kluba u narednom periodu biti Hasib Hirkić, a zamjenik predsjednika Lejla Osmančević. Istog dana samostalna vijećnica Lejla Osmančević je dostavila obavijest da je istupila iz Kluba samostalnih vijećnika, u čijem sastavu su bili Omer Delalić, Sabiha Mujkanović Mujačić i ona.

Takođe vas obavještavam da je Gradska organizacija SDP BiH Tuzla 21.11.2022. dostavila obavijest o zamjeni predsjednika Kluba vijećnika SDP BiH u Gradskom vijeću Tuzla, u kojoj je navedeno da će u narednom periodu funkciju predsjednika Kluba vijećnika SDP BiH u Gradskom vijeću obavljati vijećnik Anel Ibeljić.

Podsjećam vijećnike da su dobili juče elektronskim putem, a danas na ulazu u salu i printani poziv za održavanje Vanredne sjednice Gradskog vijeća Tuzla, koja će se održati u petak, 02.12.2022. u sali za sjednice Gradskog vijeća, sa početkom u 10,00 sati.

Podsjećam vijećnike da su uz materijale za današnju sjednicu dobili i zapisnik, a svaki Klub vijećnika i Stenogram sa 20. redovne sjednice Gradskog vijeća Tuzla, održane 27.10.2022.

Da li ima primjedbi na zapisnik? Ako nema, pozivam vijećnike da se izjasne vezano za zapisnik sa 20. redovne sjednice.

Glasanje je okončano.

Konstatujem da je Zapisnik sa 20. redovne sjednice Gradskog vijeća održane 27.10. usvojen sa

27 glasova za, nije bilo protiv i nije bilo suzdržanih.

Za današnju 21. redovnu sjednicu Gradskog vijeća predlažem Dnevni red koji ste dobili u materijalu za sjednicu i stavljam na izjašnjavanje predloženi Dnevni red.

Molim vijećnike da se izjasne.

Glasanje je okončano.

Konstatujem da je Dnevni red usvojen sa, predloženi Dnevni red usvojen sa

28 glasova za, nije bilo protiv i i nije bilo suzdržanih.

**- Usvajanje Skraćene verzije Zapisnika sa 20. redovne sjednice Gradskog vijeća Tuzla, održane 27.10.2022. godine**

### **1. VIJEĆNIČKA PITANJA I INICIJATIVE**

#### **2. RAZMATRANJE I USVAJANJE:**

**a) NACRTA PROGRAMA RADA GRADSKOG VIJEĆA TUZLA ZA 2023. GODINU**

**b) ODLUKE O NAČINU PROVOĐENJA JAVNE RASPRAVE**

#### **3. RAZMATRANJE I USVAJANJE:**

**a) NACRTA REGULACIONOG PLANA PROSTORNE CJELINE ZBR „STARA KASARNA – KAMPUS UNIVERZITETA U TUZLI“**

**b) NACRTA ODLUKE O PROVOĐENJU REGULACIONOG PLANA PROSTORNE CJELINE ZBR „STARA KASARNA – KAMPUS UNIVERZITETA U TUZLI“**

**c) PROGRAMA JAVNE RASPRAVE O NACRTU REGULACIONOG PLANA PROSTORNE CJELINE ZBR „STARA KASARNA – KAMPUS UNIVERZITETA U TUZLI“**

**4. ODLUKA O IZMJENI ODLUKE O PRISTUPANJU IZRADI ZONING PLANA REKREACIONE ZONE “ŠIČKI BROD” U TUZLI**

**5. RAZMATRANJE I USVAJANJE :**

**a) RJEŠENJA O RAZRJEŠENJU DVA ČLANA GRADSKE IZBORNE KOMISIJE TUZLA**

**b) IZVJEŠTAJA O PROVEDENOJ PROCEDURI ZA IMENOVANJE DVA ČLANA GRADSKE IZBORNE KOMISIJE TUZLA PO JAVNOM OGLASU ZA IMENOVANJE DVA ČLANA GRADSKE IZBORNE KOMISIJE TUZLA, OBJAVLJENOM 3.10.2022. GODINE U “VEČERNJEM LISTU” I NA WEB STRANICI GRADA TUZLA ([www.tuzla.ba](http://www.tuzla.ba))**

**c) RJEŠENJA O IMENOVANJU DVA ČLANA GRADSKE IZBORNE KOMISIJE TUZLA**

**d) RJEŠENJA O IZMJENI RJEŠENJA O PRENOSU OVLAŠTENJA ZA OBAVLJANJE POSLOVA KOJIMA SE VRŠI RASPOLAGANJE SREDSTVIMA GRADSKE IZBORNE KOMISIJE TUZLA**

**6. ZAHTJEV SAMOSTALNOG SINDIKATA DRŽAVNIH SLUŽBENIKA I NAMJEŠTENIKA U ORGANIMA DRŽAVNE SLUŽBE, SUDSKOJ VLASTI I JAVNIM USTANOVAMA U FBIH, SINDIKALNA ORGANIZACIJA GRADA TUZLA I SINDIKALNA ORGANIZACIJA PVJ TUZLA ZA ISPLATU JEDNOKRATNE POMOĆI I USKLAĐIVANJE OSNOVICE ZA PLAĆE SA POVEĆANIM TROŠKOVIMA ŽIVOTA**

**7. RAZMATRANJE I USVAJANJE:**

**a) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM - OMLADINSKI KOŠARKAŠKI KLUB „SLOBODA „ IZ TUZLE**

**b) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM - UDRUŽENJE OSOBA SA INVALIDITETOM „DUGA“ IZ TUZLE**

**c) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM - PLANINARSKO DRUŠTVO „HRID“ TUZLA**

**d) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM - „TEKSTIL“ D.O.O. TUZLA**

**8. RAZMATRANJE I USVAJANJE ODLUKE O ZAKUPU STANOVA U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RASPOLAGANJA**

**9. RAZMATRANJE I USVAJANJE IMOVINSKO PRAVNIH ODLUKA I RJEŠENJA:**

**a) Odluka o prodaji nekretnina u vlasništvu Grada Tuzle neposrednom pogodbom radi rekonstrukcije, dogradnje i nadogradnje zgrade Vlade Tuzlanskog kantona i radova vanjskog uređenja terena oko zgrade Vlade Tuzlanskog kantona u Tuzli**

**b) Rješenje o imenovanju Komisije za provođenje postupka pregovaranja za prodaju nekretnina u vlasništvu Grada Tuzle neposrednom pogodbom radi rekonstrukcije, dogradnje i nadogradnje zgrade Vlade Tuzlanskog kantona i radova vanjskog uređenja terena oko zgrade Vlade Tuzlanskog kantona u Tuzli**

c) Odluka o prodaji idealnog dijela nekretnine u suvlasništvu Grada Tuzla i davanju saglasnosti na zaključenje ugovora o prodaji

d) Odluka o zasnivanju služnosti na nekretnini u vlasništvu Grada Tuzla ( u korist Mrkonjić Nike)

e) Odluka o zasnivanju služnosti na nekretnini u vlasništvu Grada Tuzla ( u korist Jedrinović Vladimira)

f) Zaključak o odbacivanju, kao preuranjenog zahtjeva Ramić Halida za zakup parcele označene kao k.č. broj 2979, KO Tuzla II

**10. RAZMATRANJE INFORMACIJE O UPRAVLJANJU I ODRŽAVANJU ZAJEDNIČKIH DIJELOVA I UREĐAJA ZGRADA**

**11. RAZMATRANJE IZVJEŠTAJA KOMISIJE ZA IZBOR I IMENOVANJA**

**12. TEKUĆA PITANJA**

Prelazimo na prvu tačku to su:

### **VIJEĆNIČKA PITANJA I INICIJATIVE**

Krećemo sa VIJEĆNIČKIM PITANJIMA.

Vijećnica Selma Čatibušić. Izvolite.

#### **SELMA ČATIBUŠIĆ – vijećnik Platforme za progres**

Evo ovako, dobar dan svima.

Prvo vijećničko pitanje: Da li će doći do realizacije moje inicijative još od prije dvije godine, koja se odnosi na osvjetljavanje, zaštitu i tablu kod spomenika i kipova koji su značajni za naš grad? Ima obrazloženje u inicijativi.

I drugo vijećničko pitanje: Kolke su mogućnosti da Grad Tuzla napokon u narednoj godini nabavi i postavi nadzorne kamere za početak na dječijim igralištima, parkovima i u užoj jezgri grada, a poželjno je da obuhvati i čitav grad? Ujedno ovo prilažem i kao eto inicijativu.

#### **NATAŠA PERIĆ**

U redu hvala. Vijećnik Damir Muratović. Izvolite. (DAMIR MURATOVIĆ – Prilažem). Prilažete. Vijećnik Anel Ibeljić. (ANEL IBELJIĆ – Prilažem). Dobro. Vijećnica Ana Pejić. (ANA PEJIĆ - Prilažem). Prilažete. Vijećnik Admir Čavalić. Ne prilaže.

#### **ADMIR ČAVALIĆ – vijećnik Stranke za Bosnu i Hercegovinu**

E hvala puno predsjedavajuća.

Dakle, prvo vijećničko pitanje: Zašto se još uvijek ne održavaju izbori mjesnih zajednica grada Tuzla? Znamo da je prošlo više od godinu dana od usvajanja statuta. Međutim, izbori se još uvijek ne održavaju.

Drugo pitanje: Da li je moguće utrošiti čitav iznos sredstava po osnovu sredstava od naknade za prihode ostvarene radom Termoelektrane Tuzla na smanjivanje zagađenosti u našem gradu, dakle, da se potpuno taj iznos, ovaj, iskoristi, zarad eko svrha, a ne da se koristi za neke druge svrhe, što dozvoljava Zakon o izdavanju i usmjeravanju dijela prihoda preduzeća ostvarenih radom Termoelektrane?

I treće pitanje: Da li je moguće učiniti javna obdaništa kojim upravlja JU Naše dijete Tuzla inkluzivnijim na način da se olakša prijem djece roditelja slabijeg imovinskog stanja u našem gradu? Toliko.

## **NATAŠA PERIĆ**

Dobro. Hvala. Samo malo. Vijećnica Esana Kavazbašić Huskanović.

### **ESANA KAVAZBAŠIĆ HUSKANOVIĆ – vijećnik Platforme za progres**

Dobro jutro svima.

Moje prvo vijećničko pitanje: Koji parametri su korišteni za utvrđivanje validnosti kalkulacije za uvećanje cijene grijanja po metru kvadratnom korisnicima prostora u Javnom preduzeću Inkubator Lipnica?

Kada je planirano asfaltiranje trotoara i parkinga ispred zgrade Pecare 2?

I da li postoji mogućnost odvoza smeća dva puta dnevno iza prodajnog objekta Bingo 2, na Bulevaru?

## **NATAŠA PERIĆ**

U redu. Hvala. Da li još neko ima pitanja? Vijećnik Mehmedinović. Izvolite. Možete samo Esana isključiti mikforon?

### **SENAD MEHMEDINOVIĆ – vijećnik Pokreta demokratske akcije**

Prvo vijećničko pitanje Službi za komunalne poslove, izgradnju i poslove mjesnih zajednica: Koliko puta godišnje ste bili u obilasku mjesnih zajednica? Molim da mi dostavite informaciju koliko puta godišnje su predstavnici Odjeljenja za poslove Mjesnih zajednica bili u obilascima istih? Ukoliko se bilo u obilascima, molim vas da mi navedete koje su to mjesne zajednice?

Drugo pitanje je Službi za komunalne poslove, izgradnju i poslove mjesnih zajednica: Molim vas da mi dostavite informaciju zbog čega su radovi na Sjevernoj saobraćajnici, preciznije na mostu kod Panonskih jezera? Da li je došlo do oštećenja mosta, ako jeste, zbog čega? Iz kojih sredstava se finansiraju radovi na mostu i kolika je vrijednost istih?

Treće pitanje je Centralnom grijanju: Molim vas da mi dostavite informaciju o problemima isporuke toplotne energije na području Tuzle?

Obrazloženje: Proteklih dana veliki broj građana je uznemiren zbog problema sa isporukom toplotne energije. Iz saopštenja za javnost vidi se da su problemi nastali u Termoelektrani Tuzla. Ukoliko raspolazete sa informacijama, molim vas da mi dostavite koji su to tačno problemi nastali u Termoelektrani Tuzla. Da li je to nedostatak energenata, remont ili nešto drugo? Hvala.

## **NATAŠA PERIĆ**

U redu. Hvala. Jeste završili, izvinite? Samo malo. Vi, jeste završili, jel? (SENAD MEHMEDINOVIĆ – Jesam, jesam). Dobro, dobro, pitanja. Samo malo. Elvir Bijedić.

### **ELVIR BIJEDIĆ - zamjenik predsjedavajućeg Gradskog vijeća Tuzla, -vijećnik Socijaldemokratske partije**

Zahvaljujem predsjedavajuća. (NATAŠA PERIĆ – I morate ovo napismeno. To da znate. Ko nije...napismeno). Ja, ja dostavit ću, dostavit ću napismeno. Razumijem. Samo, ovaj da pročitam, pa kratko ću samo, ovaj, vijećničko pitanje Službi za komunalne poslove,

izgradnju i poslove mjesnih zajednica: Da li je i za kada planirana rekonstrukcija ulice Babice Laude u naselju Krojčica, Mjesna zajednica Kreka? A dostaviću to svakako pismeno. Hvala.

## **NATAŠA PERIĆ**

U redu. Vijećnik Omer Berbić. Izvolite.

## **OMER BERBIĆ**

Hvala. Evo mene zanima pod broj jedan: Ko je nadzorni organ na radovima na Zlokovcu, pošto znamo da su to radovi koji se četiri pet mjeseci, ovaj, rade, a još uvijek nisu završeni do kraja? Tako da je to prvo vijećničko pitanje.

Drugo: Ko je nadzorni organ na, na, na radovima na mostu kod Panonike, ovaj, to je ovaj most kojeg je i kolega Mehmedinović spominjao, ovaj, i taj most je pravo dobro pitanje s obzirom na to da je napravljen jedan saobraćajni kolaps, a vidimo da nerijetko nema niko da radi na njemu u toku radnog vremena?

I treće vijećničko pitanje: Ko je nadzorni organ na radovima kod Doma zdravlja? Isto tako radovi kod Doma zdravlja su izrovljeni, ostavljeno, ovaj, ništa se nije pokrenulo, ovaj, već više mjeseci, tako da evo generalno tri pitanja nadzornim organima, jer mislim da su nadzorni organi najveća boljka ovog grada. Hvala.

## **NATAŠA PERIĆ**

Dobro. Hvala. Da li još neko ima vijećničko pitanje?

Ako ne, prelazimo na **VIJEĆNIČKE INICIJATIVE**.

Vijećnik Senad Mehmedinović. Izvolite.

## **SENAD MEHMEDINOVIĆ**

Prva vijećnička inicijativa: Ured gradonačelnika, pa evo i VD gradonačelnika i Službi za komunalne poslove, izgradnju i poslove mjesnih zajednica: Inicijativa za reorganizaciju ili reduciranje nadležnosti Službe za komunalne poslove, izgradnju i poslove mjesnih zajednica.

Služba za komunalne poslove, izgradnju i poslove mjesnih zajednica je jedna od najsloženijih Službi u smislu nadležnosti. Shodno nadležnostima koje ima, logično je da konzumira najviše budžeta, te je samim time i za očekivati da najveći broj inicijativa i vijećničkih pitanja bude upućeno prema istoj. Iako svjestan obima posla Službe, od praćenja stanja pa do poslova u vezi s upravljanjem, građenjem, rekonstrukcijom, održavanjem i zaštitom lokalnih cesta i tako dalje, smatram da bi Služba trebala i mora biti efikasnija, ažurnija, organizovanija i odgovornija prema vijećnicima koji su glas građana u Vijeću. Nažalost, sve veći broj građana je nezadovoljan radom Službe koja, možda i iz opravdanih razloga ne može odgovoriti na potrebe zajednice, te s toga predlažem reorganizaciju iste ili reduciranje nadležnosti. Reduciranje nadležnosti bi podrazumijevalo postupak podjele Službe u dvije nove i to na primjer Služba za lokalnu samoupravu, koja bi se bavila mjesnim zajednicama, infrastrukturom, cestama i tako dalje, te Služba za komunalne poslove, koja bi između ostalog bila nadležna za rad preduzeća i ustanova koji se bave pitanjima komunalne problematike. To je prvo.

Druga inicijativa je Turističkoj zajednici grada Tuzle: Inicijativa za pokretanje interaktivne turističke mape sa objektima koji su pristupačni osobama sa invaliditetom.

Obrazloženje: Ratificiranjem Konvencije o pravima osoba sa invaliditetom Bosna i Hercegovina se između ostalog obavezala za poštivanje člana 9. koji govori o pristupačnosti. Inkluzivni turizam ili takozvani pristupačni turizam izveden iz deklaracije o razvoju zajednica predstavlja turizam i putovanje koje je dostupno svim ljudima, te omogućava uživanje svima prema principima univerzalnog dizajna. Svjetska turistička organizacija Ujedinjenih nacija ističe važnost i potrebu za pristupačnošću unutar turističke industrije i osim što predstavlja ključno pitanje ljudskih prava, povećanje pristupačnosti je i poslovna prilika za destinacije i preduzeća da inkluzivnije prihvate sve posjetitelje i povećavaju prihode. Pozitivno je da se u Tuzli konstantno radi na promociji turizma i podizanju kvalitete turističke ponude, a sve s ciljem povećanja broja posjetitelja našem gradu. Kako bi grad Tuzla bila još više konkurentnija na turističkom tržištu, predlažem da se napravi interaktivna turistička mapa sa objektima u našem gradu, koji su pristupačni osobama sa invaliditetom. U interaktivnu mapu mogu se unijeti slike javnih ustanova, ustanova kulture, turistički i gastronomski sadržaji i tako dalje. Interaktivna mapa može biti objavljena na zvaničnoj stranici Turističke zajednice grada Tuzla.

## **NATAŠA PERIĆ**

U redu. Hvala. Vijećnica Selma Ćatibušić. Izvolite.

## **SELMA ĆATIBUŠIĆ**

Evo ovako. Ja za dana imam tri vijećničke inicijative.

Prva vijećnička inicijativa odnosi se na kompletnu rekonstrukciju Plavog mosta kod Tehnološkog fakulteta. Da skratim obrazloženje. Ovaj most je više puta bio prepravljan i popravljani. Međutim, i dan danas nije kako treba u funkciji i da ne bi došlo do neke nesreće, obzirom da veliki broj studenata, pogotovo tamo prelazi. Smatram da bi ovaj most morao kompletno da se rekonstruiše.

Druga vijećnička inicijativa. Ovo ću naravno i kroz diskusiju jeste uvrštavanje u Pravilnik ili Odluku o zakupu stanova u vlasništvu Grada Tuzle, na kojima Grad Tuzla ima raspolaganje i kategoriju žena žrtva nasilja i samohrane majke žrtve nasilja, u kategoriji u članu 8. ove Odluke. Vive Žene su svima nama već poslale ovu inicijativu, ali evo ja je ujedno i prilažem.

I treća vijećnička inicijativa odnosi se na stavljanje u funkciju još jedne gradske česme, odnosno, razmatranje mogućnosti na stavljanje u funkciju još jedne gradske česme u gornjem dijelu glavne gradske jezgre, tačnije u blizini Ismeta i Meše ili u samom Gradskom parku i imenovanje iste u „Česmu tuzlanskih žena“. Više puta sam vodila diskusiju o tome da nažalost žene, pogotovo one zaslužne u našem gradu, iako smo na neki način sve zaslužne, nemaju dovoljno počasti, obzirom da se imena ulica koje nose žena, svega ih je deset, tačnije devet i po, jer je jedna ulica muž i žena, odnosno bračni par. Smatram da, to jeste teška procedura preimenovanje nekih ulica i to može dugo trajati, ali evo ovo je način da imamo još jednu gradsku česmu koja će ići u korist našim građanima i građankama, a ujedno da odamo počast na simboličan i dobar način našim zaslužnim tuzlankama. Eto hvala.

## **NATAŠA PERIĆ**

U redu. Hvala Selma. Vijećnik Damir Muratović. (DAMIR MURATOVIĆ – Prilažem). Prilažete. Dobro. Vijećnik Anel Ibeljić (ANEL IBELJIĆ – Prilažem). Dobro. Hvala. Vijećnica Ana Pejić (ANA PEJIĆ - Prilažem). Dobro. Vijećnik Nikica Vidović. Izvolite.

## **NIKICA VIDOVIĆ – vijećnik Hrvatske demokratske zajednice BiH**

Sve vas lijepo pozdravljam. Imam tri vijećničke inicijative.

Vijećnička inicijativa kojom se poziva nadležna služba i gradonačelnik Tuzle da ispita mogućnosti izrade energetskih audita za objekte mjesnih zajednica, institucija, objekata Doma zdravlja i drugih objekata kako bi mogli aplicirati na ozbiljnije projekte za energetske učinkovitost kako na višim razinama vlasti tako i u EU.

Obrazloženje: Stanovnici Tuzle žele smanjenje zagađenja zraka, manje troškove i veću kvalitetu života. Poznato je da objekti mjesnih zajednica i drugi objekti ne posjeduju Energetski audit i kao takve ih ne možemo prezentirati i aplicirati na mnoge projekte vezane za energetske učinkovitost, rekonstrukciju, obnavljanje i slično. Izradom dokumentacije otvaraju se vrata za projekte i povlačenje sredstava za uređenje, poboljšanje energetske učinkovitosti i druge benefite za objekte u vlasništvu grada Tuzla. Stanovništvo je vidno nezadovoljno i razočarano stanjem mnogih objekata mjesnih zajednica i drugih gore navedenih objekata, tako da žurno treba pristupiti realizaciji navedene inicijative. Tražim i očekujem da nadležna gradska služba i gradonačelnik, ramotri ovu inicijativu, te žurno pristupi realizaciji iste.

Druga vijećnička inicijativa kojom se poziva nadležna služba i gradonačelnik Tuzle da ispita mogućnost izrade nogostupa na dionici prometnice prema Husinu u ulici Zvonka Cerića, gdje su radovi u tijeku ili da se u narednoj fazi i dionici unaprijed predvidi izradu nogostupa od početka prometnice do takozvanog klizišta ili u najboljoj varijanti do raskrižja kod Doma na Husinu.

Obrazloženje: Poznato je da je navedena prometnica prema Husinu u jako lošem i dotrajalom stanju i potrebna je obnova iste. Kako bi prometnica bila uvjetnija i kvalitetnija za život stanovništva i najmlađih, potrebno je uraditi nogostup koji koristi veći broj stanovnika, jer svima nam je poznato da nije sigurna prometnica niti za vozila, a posebice za pješake. Stanovništvo je vidno nezadovoljno i razočarano dosadašnjim razvojem ovog dijela prometnice i stanjem same prometnice, kojom se prometuje ogroman broj malih vozila, a nerijetko i velika vozila kojima nije dozvoljeno prometovati. Tražim i očekujem da nadležna služba i gradonačelnik razmotri ovu inicijativu, te žurno pristupi realizaciji iste.

I treća kojom se poziva nadležna služba i gradonačelnik Tuzle da ispita mogućnost redovitijeg čišćenja snijega u Mjesnoj zajednici Gornja Obodnica i da se doda dionica čišćenja od Zelenog kamena do groblja, koja se do sada nije čistila. Poznato je da u zimskom periodu prve pojave snijega u Mjesnoj zajednici Gornja Obodnica, s toga da je u više navrata zatraženo formiranje punkta sa mašinama, koje bi u danom momentu brže reagirale i očistile prometnice. Kada se pojavi u gradu snijeg u Gornjoj Obodnici, već napada desetak centimetara. Čišćenje dionice od Zelenog kamena do groblja bi mnogo značilo stanovništvu, te bi bilo dobro planirati čišćenje te dionice tijekom ove i narednih zima. Stanovništvo je vidno nezadovoljno i razočarano dosadašnjim čišćenjem. Tražim i očekujem da nadležna gradska služba i gradonačelnik razmotri ovu inicijativu, te žurno pristupi realizaciji iste. Hvala vam.

## **NATAŠA PERIĆ**

U redu. Hvala. Vijećnik Admir Čavalić.

## **ADMIR ČAVALIĆ**

Hvala predsjedavajuća.

Prva inicijativa, dakle, da se povećaju plate radnicima koji imaju minimalna primanja u Komunalcu Tuzla. Zbog aktuelne inflacije i ekonomske krize, dakle, činjenica je da ovi radnici



rade teške, ovaj, fizičke poslove, a da imaju, među najmanjim, najmanja primanja u komparaciji sa drugim poduzećima, javnim poduzećima i ustanovama.

Druga inicijativa je da se, malo prije evo što je i kolegica Selma govorila, dakle, za ove Vive Žene, da se, dakle, taj član 8. izmjeni Odluke o zakupu stanova u vlasništvu Grada Tuzla, kako bi integrisali, dakle i prepoznali žene žrtve nasilja u porodici i samohrane majke, da one mogu dobiti stan, dakle, od strane Grada Tuzla. Mislim da je to vrlo dobra stvar i da treba ubuduće služba da pripremi, dakle, izmjenu odluke u tom pravcu.

I treća inicijativa je da se FC „Salines“ Tuzla uvrsti kao trajna budžetska stavka u Budžet za 2023. godinu. Non stop nam šalju mejlove. Bilo bi dobro da, da reagujemo.

To je što se tiče mojih inicijativa.

Dakle, koristim priliku da vas sve srdačno pozdravim. Da vam se zahvalim na korektnom radu. S ovim se ja, dakle, opraštam od Gradskog vijeća Tuzla. Pripremio sam tamo kolače, dakle, bujrum na pauzi, ovaj, hvala vam puno što ste bili vrlo dobre kvalitetne kolegice i kolege i eto što god da treba za našu Tuzlu, dakle, u Federalnom parlamentu, što god treba za vas, dakle, da vas mogu pomoć, posavjetovat kao profesor ekonomije ili slično, stojim na raspolaganju. Hvala vam još jednom.

## **NATAŠA PERIĆ**

Hvala i vama. I vama sve najbolje u ime Vijeća. Vijećnik. Samo malo. Samo malo. Vijećnik Alen Kapidžić.

## **ALEN KAPIDŽIĆ – vijećnik Socijaldemokratske partije**

Hvala predsjedavajuća. Pa inicijativa se. Upućujem inicijativu Službi za komunalne poslove, izgradnju i poslove mjesnih zajednica. Odnosi se na sanaciju i izgradnju putne infrastrukture i to ulice Donji Mosnik u Mjesnoj zajednici Mosnik i ulica Medenice 10 u Mjesnoj zajednici Kula. Eto. To je to.

## **NATAŠA PERIĆ**

U redu. Hvala Alene. Vijećnica Esana Kavazbašić Huskanović. Izvolite. Možete samo uključiti? Izvinjavam se.

## **ESANA KAVAZBAŠIĆ HUSKANOVIĆ**

Moja prva vijećnička inicijativa je da se učenicima osnovnih škola u Tuzli omogući besplatno klizanje za vrijeme zimskog raspusta. Molim vas da se učenicima osnovnih škola u Tuzli omogući besplatno klizanje u određenom vremenu u toku radnih dana. Smatram da ova inicijativa bi animirala osnovce da izađu iz kuće, odvoje se od društvenih mreža, druže se i ujedno bave sportskom aktivnošću. Mnoga djeca nemaju mogućnost doći na klizanje, jer im roditelji to ne mogu omogućiti. Obzirom na cijenu karata i iznajmljivanje klizaljki, to predstavlja veliki izdatak za roditelje. Mogli bi im, ma primjer, omogućiti besplatno klizanje u periodu od 11,00 do 15,00 sati, svaki radni dan za vrijeme raspusta, jer u tim terminima klizalište nije previše posjećeno i ne bi predstavljalo veliki gubitak dobiti za Javno preduzeće Panonika Tuzla.

Moja druga inicijativa je da se postavi usporivač brzine u ulici Armije Bosne i Hercegovine 136. Molim vas da se postavi usporivač brzine u ulici Armije Bosne i Hercegovine 136, jer tu živi veliki broj stanara, među kojima su i djeca. U blizini se nalazi okuka, koja smanjuje vidljivost vozačima, tako da stanari koji pokušavaju preći na drugu stranu ulice su

ugroženi. Oni su već predali zahtjev gradskim službama sa potpisima svih stanovnika tog dijela. Međutim, nikad nisu dobili odgovor.

Moja treća inicijativa, znači, obratili su se stanari koji žive u zgradi Pecara 2 da postavimo vijećničko pitanje. Pošto nisu dobili odgovor od nadležnih institucija. Kada će biti završeno asfaltiranje trotoara i parking prostor ispred njihove zgrade? Naime, prije par mjeseci radnici Javnog preduzeća Vodovod i kanalizacija su postavili cijevi tu, međutim, iskopane površine nisu vratili u prvobitno stanje. Pošto je zadnjih dana bilo padavina, date površine su oštećene i otežavaju pristup istim površinama. Kada će biti završeno asfaltiranje ovih površina? (NATAŠA PERIĆ – To je ipak vijećničko pitanje, jel tak? Možda ste malo pomiješali). Kao inicijativa da se završi asfaltiranje. (NATAŠA PERIĆ – Dobro, dobro). A ujedno i da neki rok okvirno postave.

## **NATAŠA PERIĆ**

Jel to sve? Dobro. U redu. Hvala. Vijećnik Omer Berbić.

## **OMER BERBIĆ**

Hvala lijepo. Ja ću biti kratak. Prva vijećnička inicijativa jeste da se razmisli o novoj zgradi Doma penzionera, u smislu toga da se postojeća zgrada možda, ovaj, proda, a novac od zgrade da se uzme i uloži, da se napravi moderna zgrada, ovaj, sa svim pratećim sadržajima i da Dom penzionera dobije uslove, ovaj, kakve naši penzioneri očekuju i kako naši penzioneri mogu da dobiju, a ona bi se trebala praviti negdje opet u užoj jezgri, da kažemo grada, na gradskoj, na gradskom zemljištu, ali gdje ima zelenila i gdje ima prostora, ovaj, da se napravi prateći sadržaj za napolje i prateći sadržaj za unutra, a da bude to jedna zgrada modernijeg sadržaja.

Druga inicijativa jeste da se u Domu mladih napravi hab, ovaj, ovu inicijativu ponavljam, da se napravi hab za IT firme, odnosno, za ove IT nomade. To su ljudi koji su samostalni u radu, koji dobijaju posao, ovaj, iz vana i koji su, i koji nemaju stalne kancelarije, ali evo da im se napravi mogućnost da zajedno sa, ovaj, drugim kolegama mogu tu da rade svoj posao i da obavljaju dužnost i taj hab bi trebao da ima neke kancelarije koje bi po potrebi se mogle zakupiti i ovaj i sve moderne sadržaje na neki način u uzoru na Zapadnu Evropu. Evo to je došlo sada i kod nas. Ima i u regionu više takvih habova.

Treća inicijativa jeste da se zaista krene užurbano popravljnje mosta kod Panonike, radi saobraćajnog kolapsa. Svjesni smo da i jedna i druga magistrala su pod saobraćajnim kolapsom, pogotovo ako živite negdje iza Stupina. Na jednoj magistrali ne možemo proć zato što se uvodi centralno grijanje u zgradu. Na drugoj magistrali ne možemo proć zato što se radi most. Velika je glupost raditi obje stvari u isto vrijeme, ali evo da se užurbano to krene i neka bude ako treba po sedam, osam, deset radnika na tom mostu, ali neka se završi za par dana, jer ovakav saobraćajni kolaps u Tuzli nije dugo viđen. Hvala ljepo.

## **NATAŠA PERIĆ**

U redu. Hvala Omere. Da li još neko ima vijećničku inicijativu? Izvolite. Nedžad Jusić.

## **NEDŽAD JUSIĆ – nezavisni vijećnik iz reda nacionalnih manjina**

E, hvala. Poštovana predsjedavajuće, predsjedavajuća, zamjenici predsjedavajuće, sekretaru, kolege i kolegice, vijećnici. Imam jednu inicijativu, ali prije nego što kažem pomenutu inicijativu ovom prilikom želim da se zahvalim Službi za komunalne poslove Grada

Tuzla, koji su prihvatili moju inicijativu, koju sam podnio u prethodnom periodu, da se sanira vodovodna i putna mreža u ulici Branislava Nušića, u Crvenim Njivama, i stvarno su kvalitetno odradili i zahvalnost i od mene i od građana pomenute ulice. To je jedan krak pomenute ulice, a ovom prilikom pokrećem dodatnu inicijativu u istoj ulici, odnosno drugi krak ulice Branislava Nušića, da se sanira takozvani Hadžijin potok, jer jednostavno kroz taj potok često dolazi da plave objekti u tom dijelu ulice, jel sva voda se slijeva sa Ilinčice, jednostavno i ne može, nema dovoljan prolaz vode kroz pomenuti potok. Mislim da su izuzetno mala ulaganja da se to sanira i jednostavno samim tim ćemo zaokružiti pomenutu ulicu sa riješenom kompletnom infrastrukturom i riješićemo pomenuti potok. Hvala.

## **NATAŠA PERIĆ**

U redu. Hvala. Vijećnik Alen Ovčina. Izvolite. Prilažete. Dobro. Da li još neko ima vijećničke inicijative?

Ako ne, prelazimo na drugu tačku:

### **RAZMATRANJE I USVAJANJE POD:**

- a) NACRTA PROGRAMA RADA GRADSKOG VIJEĆA TUZLA ZA 2023. I**
- b) ODLUKE O NAČINU PROVOĐENJA JAVNE RASPRAVE**

Predlagač je: Kolegij Gradskog vijeća.

Obrađivač: Stručna služba.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica, Komisija za mlade, obrazovanje i sport, Komisija za odlikovanja i priznanja, Komisija za predstavke i prijedloge, Komisija za saradnju sa jedinicama lokalne uprave i samouprave, Komisija za zaštitu prava nacionalnih manjina, Komisija za jednakopravnost spolova i klubovi vijećnika.

Ima li potrebe za uvodnim izlaganjem? Dobro.

Ima li potrebe da su pročitaju izvještaji komisija?

Otvaram raspravu. Ispred klubova. Omer Berbić ispred zajedničkog kluba. Izvolite.

## **OMER BERBIĆ**

Hvala ljepo. Pa evo kao i dosad što smo imali program rada Gradskog vijeća (NATAŠA PERIĆ – Molim vas malo tišine, samo), kao i do sada što smo imali program rada Gradskog vijeća, on ovdje ne obrađuje jednu jako bitnu tačku. A to je tačka da nam se gradonačelnik evo na početku godine i na kraju godine obrati sa tim koji su pravci gdje Grad Tuzla treba da ide ove godine, koje su to strateške stvari koje će se napraviti i kako će na kraju krajeva izgledati Grad Tuzla od januara do decembra, do kraja ove godine? I u tom smislu mislim da se ovaj program rada Gradskog vijeća može popraviti, jer Gradsko vijeće treba da bude jedna vrsta upravnog organa, nadzornog organa gradonačelniku i Gradskoj upravi, a gradonačelnik kao šef Gradske uprave bi trebao da izađe, da nam kaže na početku godine, šta su strateški pravci, šta su strateški projekti i kako bi trebalo da izgleda na kraju krajeva Grad Tuzla sa početka do kraja godine, kako bi mi mogli da analiziramo rad gradonačelnika, rad Gradske uprave koju predstavlja i da procjenjujemo njegove menadžerske sposobnosti na osnovu projekata, a ne na osnovu neke lafine, na osnovu nekih stvari s kojim on izlazi u javnost ili na osnovu njegovih političkih uvjerenja i ideoloških mišljenja.

I zato ja bi evo ovdje dao jedan zaključak. (NATAŠA PERIĆ – Ovo vam je kao dio rasprave pošto je nacrt. Mislim samo da kažem, znači, ulazim vam u nacrt i Kolegij će se o ovome izjasnit). Sasvim je ok. Samo ja ovaj kažem da nema... (NATAŠA PERIĆ – Ma ja, dobro, u redu, reko ne mora zaključak sad pisat). Okej. Ništa, evo ja, ovaj, odustajem od zaključka, ali kroz dio rasprave u nacrtu želim da, ovaj, predložim da se evo sada ćemo imati novog gradonačelnika koji pretpostavljam neće biti toliko zatvoren i konzervativan za ovo Gradsko vijeće, koji će poštovati Gradsko vijeće, uvažavati stavove Gradskog vijeća. I mislim da bi novi gradonačelnik trebao da dođe u januaru na Gradsko vijeće, u decembru. U januaru da kaže šta će raditi u decembru, da, ovaj, obrazloži šta je radio, zbog čega nešto nije mogao uraditi, a zbog čega je nešto uradio i više nego onog što je obećao. I mislim da je to jedan način da ovo Gradsko vijeće se i kapacitira i da ovo Gradsko vijeće dobije na težini onako kako ono treba da izgleda, da Gradsko vijeće postane nadzorni i upravni organ ove Gradske uprave, ono što do sada nije bilo barem u ovom mom mandatu.

Zato onaj zaključak koji sam želio da predložim jeste da u januaru dodamo prijedlog, izlaganje gradonačelnika, ovaj, i da u decembru na zadnjoj sjednici, ovaj, jednom godišnje bude izlaganje i gradonačelnik, odnosno podnošenje izvještaja Vijeću o radu gradonačelnika. Hvala ljepo.

**NATAŠA PERIĆ**

U redu. Hvala vam Omere. Vijećnik Alen Kapidžić ispred Kluba SDP-a. Izvolite.

**ALEN KAPIDŽIĆ**

Ništa samo. Replika Omeru. A evo vidim da on to sad u zadnjem dijelu diskusije naglašava, znači, gradonačelnik ima zakonom propisane obaveze da podnosi izvještaj Vijeću. Znači, e sad pitanje dal možemo ovo sad ubaciti drugi put, mada ja nemam ništa protiv, al treba vidjet da li je to moguće shodno zakonu?

**NATAŠA PERIĆ**

Na kolegiju ćemo, ja. U redu. Hvala. Izvolite Omere.

**OMER BERBIĆ**

Ne, ne nije sporno dođe gradonačelnik pones... ali je suština ovdje kada imamo prvog jan...odnosno nekad u januaru kada imamo neki plan rada koji nam se obrazloži, onda kasnije izvještaj, onda mi možemo da usporedimo ono obećanje i ono što se napravilo, i na kraju krajeva da napravimo sum summaris gdje ja ne sumnjam uopšte da će gradonačelnik ovaj novi koji dođe, vjerovatno će da više radi nego prošli, ovaj, tako da ne sumnjam uopšte da će i rezultati koje nam on obeća na početku i koji nam ispuni do kraja, biti jako zadovoljavajući za ovo Gradsko vijeće i za građane grada. (NATAŠA PERIĆ – U redu). Tako da eto samo u tom smislu da Gradsko vijeće to napravi.

**NATAŠA PERIĆ**

U redu. Dobro. Razumjeli smo. Vijećnik Nedžad Jusić. Hvala vam Omere.

## NEDŽAD JUSIĆ

S obzirom da imamo nacrt programa rada Gradskog vijeća za 2023. godinu, između ostalog u oblast boračko invalidske zaštite, stambenih poslova i integraciju raseljenih lica, pod jedan: imamo informaciju o realizaciji aktivnosti na rješavanje stambenih problema raseljenih lica i socijalnih kategorija stanovništva. Između ostalog, rok je oktobar 2023. godine. S obzirom da ovo ulazi u javnu raspravu, ja ako se sjećam, dobro se sjećam 2021. godine, kada smo usvajali pomenutu, u stvari kada smo primili k znanju informaciju o, o realizovanju aktivnostima, jedan od zaključaka je bilo da u informaciju za 2022. godinu dobijemo informaciju sa revizijom dodjele socijalnih stanova i mi smo dobili na jednoj od prethodnih sjednica informaciju da će se u narednom periodu dobiti pomenuta informacija od službe. Ja ne znam dal ćemo imati na decembarskoj sjednici pomenutu informaciju. Al ovo je samo zbog službe da razmisli o tome kada, ukoliko ne budemo imali do decembra, znači u narednoj godini bi trebali raspravljati dal dvije informacije za 2023. i 22-u, jer me stvarno žarko interesuje ta revizija da vidimo kako je i po kojem načinu su dodjeljivani ti stanovi.

Jednostavno, pa možda evo služba, predstavnik službe nek razmisli do usvajanja ovog programa kada bi mogli dobit informaciju za 2022. godinu, kako bi ušlo, ušla u program rada za 2023., ukoliko ne budemo dobili sad na decembrskoj sjednici. Hvala.

## NATAŠA PERIĆ

U redu. Hvala.

Zaključujem raspravu klubova vijećnika.

Otvaram raspravu vijećnika. Zaključujem raspravu vijećnika.

Sad predlažem da predloženi NACRT PROGRAMA RADA GRADSKOG VIJEĆA da ide na usvajanje u ovoj formi, a sve što je proisteklo iz ovih rasprava, da Kolegij Gradskog vijeća, pošto rasprava traje petnaest dana po skraćenoj proceduri da razmori i evo na sljedećoj sjednici ćemo imati. Pa evo molim vijećnike da se izjasne. Dakle, u NACRTU PROGRAMA RADA GRADSKOG VIJEĆA TUZLA ZA 2023. I ODLUKU O NAČINU PROVOĐENJA JAVNE RASPRAVE. Molim vijećnike da se izjasne.

Glasanje je okončano.

Konstatujem da je za NACRT PROGRAMA RADA GRADSKOG VIJEĆA TUZLA ZA 2023. I ODLUKU O NAČINU PROVOĐENJA JAVNE RASPRAVE

23 vijećnika glasala za, niko nije bio protiv i nije bilo suzdržanih.

Prelazimo na treću tačku:

### **RAZMATRANJE I USVAJANJE POD:**

**a) NACRTA REGULACIONOG PLANA PROSTORNE CJELINE ZONA BUDUĆEG RAZVOJA „STARA KASARNA – KAMPUS UNIVERZITETA U TUZLI“**

**b) NACRTA ODLUKE O PROVOĐENJU REGULACIONOG PLANA PROSTORNE CJELINE ZONA BUDUĆEG RAZVOJA „STARA KASARNA – KAMPUS UNIVERZITETA U TUZLI“ I**

**c) PROGRAMA JAVNE RASPRAVE O NACRTU REGULACIONOG PLANA PROSTORNE CJELINE ZONA BUDUĆEG RAZVOJA „STARA KASARNA – KAMPUS UNIVERZITETA U TUZLI“**

Predlagač je gradonačelnik Grada Tuzla.

Obrađivač: Služba za prostorno uređenje i zaštitu okoline i Upravna organizacija Zavod za urbanizam.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline i klubovi vijećnika.

U skladu sa članom 60. Poslovnika Gradskog vijeća Tuzla, na današnju sjednicu Gradskog vijeća pozvani su i:

- projektant Idejnog rješenja Kampusu Univerziteta u Tuzli, gospodin Husejn Dropić, diplomirani inženjer arhitekture i predstavnici Kampusu Univerziteta u Tuzli:
- doktor Aljo Mujčić, redovni profesor, član Operativnog tima za razvoj Kampusu,
- doktor Nermin Sarajlić, redovni profesor, prorektor za naučno-istraživački rad i
- doktor Damir Zenunović, redovni profesor, voditelj Operativnog tima za razvoj Kampusu.

Projektant Idejnog rješenja i predstavnici Kampusu su iskazali potrebu i želju da prisustvuju ovoj sjednici i u ovoj raspravi, da uzmu učešća. Evo ja ću sad u skladu sa članom 68. Poslovnika, pošto je gospodin Nermin Sarajlić, redovni profesor i prorektor za naučno – istraživački rad, izrazio želju da se obrati Vijeću i ja ga pozivam evo da...Izvolite. A poslije njega će gospodin Husejn Dropić. I on je izrazio želju. U stvari on će, jel tako jednu prezentaciju samo ovog Kampusu. Izvolite.

### **DOKTOR NERMIN SARAJLIĆ - redovni profesor, prorektor za naučno-istraživački rad**

Poštovana predsjedavajuća, uvaženi članovi Gradskog vijeća Grada Tuzle, u ime Univerziteta u Tuzli i u svoje ime, izražavam zahvalnost svima onima koji su omogućili da danas na sjednici Gradskoga vijeća raspravljamo o Nacrtu regulacionoga plana prostorne cjeline „Stara kasarna – Kampus Univerziteta u Tuzli“.

Posebnu zahvalnost izražavam Zavodu za urbanizam i u Službi za prostorno uređenje Grada Tuzle, koji su jako profesionalno radili na ovome planu, gdje su bili jako kooperativni s nama i u vrlo kratkom vremenu uradili Nacrt regulacionoga plana.

Uvaženi vijećnici Grada Tuzle u materijalima koji ste dobili, mogli ste primijetiti, odnosno zaključiti da će usvajanjem ovog Nacrta regulacionog plana biti izuzetno velika stvar i za grad Tuzlu i za Univerzitet u Tuzli. Usvajanjem Nacrta regulacionoga plana, Univerzitet u Tuzli će moći, kada se završi kompletna procedura krenuti u izgradnju Kampusu.

Grad Tuzla će time dobiti jedno veliko gradilište. Završetkom kompletnoga procesa, Univerzitet u Tuzli će dobiti moderan Kampus, koji će omogućiti budućim generacijama studenata da na odgovarajućem mjestu mogu sticati znanja i sve druge i provoditi sve druge aktivnosti koje se tiču studiranja i svega onoga što treba jednome studentu da bude akademski građanin naše države.

Grad Tuzla će dobiti veliko gradilište, ali će nakon završetka Kampusu takođe dobiti jednu izuzetno lijepu cjelinu, koja će omogućiti dalji razvoj dijela grada u kome se nalazi ovaj Kampus. Bićemo ponosni kada se završi izgradnja ovoga Kampusu i Grada Tuzla i Univerziteta Tuzla, jer ćemo dobiti još nešto što će na kvalitetan način predstavljati Tuzlu, ne samo u regiji, nego i šire.

Uvaženi vijećnici, nadam se da ćete svojom raspravom danas i konačnim odlučivanjem usvojiti ovaj Nacrt regulacionog plana prostorne cjeline „Stara kasarna – Kampus Univerziteta u Tuzli“. Hvala vam lijepa.

### **NATAŠA PERIĆ**

Hvala vama. Ja ću pozvati gospodina Husejna Dropića. Evo jednu prezentaciju da nam izvrši. Izvolite.

## HUSEJN DROPIĆ - diplomirani inženjer arhitekture

Oprostite malo sam, malo sam požurio, pa sam se malo zadiho, al ispuhaću brzo. Ne znam, žurite vi možda? Evo malo se šalim.

Ja sam Husejn Dropić, vođa tima koji je radio idejno arhitektonsko urbanističko rješenje Univerzitetskog kampusa. Ne znam kolko ste svi upoznati. 2013, 2014. godine, bio je raspisan anonimni natječaj koji je bio međunarodnog karaktera. Prijavilo se, mislim negdje oko dvadeset, dvadesetpet učesnika. Mi smo plasirani u tri, ovaj, nagrađena rada. Naš rad nije bio prvonagrađeni, ali je poslije Senat Univerziteta razmatrao ponovo sve radove i zaključio da je ovaj naš rad najprihvatljiviji. I na osnovu tog, usvojenog, znači, idejnog rješenja, Zavod za urbanizam je preuzeo da radi ovaj današnji koji ćemo vidjeti na Nacrtu regulacionog plana. To je neki mali uvodni dio da, da, ovaj, da ste u toku. To nosi ime eto Regulacioni plan prostorne cjeline „Stara kasarna – Kampus Univerziteta u Tuzli“ i vidjećete sad prvu zonu obuhvata, pa ćemo, ja ću probat stvarno da budem što kraći, da vas mnogo ne zamaram ovim, a poslije ako bude nekih pitanja, eventualno da nešto i odgovorim, što budem mogo, ja ću probat.

Vjerovatno svi znate, to je dio bivše Kasarne, koja je nekad bila Husinska buna, ovaj, nosila je ime i koja je, ovaj, taj Komplex je ukupno 45,76 hektara, sa istočne strane je jednim dijelom ograničen, odnosno definiran. Ova zona obuhvata definirana je putem koji vodi iz grada prema Doknju i Čeliću, a drugim dijelom se ovdje vezuje na rijeku Solinu. Sa južne strane je ova Skojevska ulica koja vezuje ulicu Armije BiH i Klinički centar. Sa zapadne strane su padine Kozlovca i ovdje sa sjeverne strane, Novim naseljem, stambenim naseljem Solina. To je ta zona koja je sad obuhvaćena Regulacionim planom.

Ovdje je sad prikazana koncepcija Regulacionog plana. Inače rekao sam vam malo prije da je ovaj Nacrt regulacionog plana direktan produžetak ovog usvojenog idejnog rješenja i u koncepciji, kompletnoj koncepciji i našoj, mi smo želili i tako smo i gledali. Kampus je jedan živ organizam. To je, u kojem žive prije svega studenti, nastavnici, uposlenici Univerziteta i on bi trebao živjeti životom njegovih stanovnika kroz normalne nastavne procese, kroz odvijanje raznih skupova, konferencija, kulturnih događaja i svih onih aktivnosti koji prate, ovaj, taj mladi svijet. I cijela koncepcija je tako postavljena.

Tako da ovdje na početku, na južnoj strani je taj studentski trg sa zajedničkim sadržajima Univerziteta. Ovdje u sredini je jedan pješačka zona, jedna malo veća, sa sadržajima koji su od, ovdje ima nekih fakulteta, ali ima isto tako sadržaja koji su zajednički za sve studente Kampusa. U ovom dijelu je, ovdje je Fakultet tehničkih nauka. Studentski domovi su postavljeni ovdje uz padinu Kozlovca i ovdje je Fakultet fizičke kulture. Ovdje u ovom dijelu je jedna veća višespratna garaža koja je povezana, koja može biti direktno povezana sa platoom za parkiranje koji se sad koristi, koji sad koristi Klinički centar i njegovi posjetioci, a može se znači pristupiti i odavdje sa, iz, sa ovog nivoa, koji je mnogo niži. Svi znamo vjerovatno grad, ovo je jedna veća visinska razlika. U ovom dijelu Kampusa, ovdje su, ovo što vidite, to je onaj dio stambenih objekata nekadašnje Vranice koji je rekonstruisan, a ovdje imamo zgradu Rektorata, Biblioteku i Prirodno matematički fakultet. Ovoj je hotel za gostujuće profesore. Ovdje je budući Filozofski fakultet, za sad je tu, ovaj, laboratorije Mašinskog fakulteta, smještene u jednom od postojećih objekata. Onda, ovdje, ovdje je Medicinski i Stomatološki fakultet. Onda ovdje imamo grupu fakulteta u one četiri kasarne koje su gore, koje treba redizajnirati. Ovdje je, u ovom dijelu su ti zajednički sadržaji Kampusa. Onda je, ovaj, ovdje se niže Akademija dramskih umjetnosti sa otvorenom pozornicom, jedan objekat za kulturu. Ovdje je gore, ovaj, ambulanta studentska, koja, eto, i ona je vezana na ovaj dio malo bliže Gradini i malo bliže Medicinskom fakultetu. Tu je, ovdje je objekat nekadašnji objekat koji je u dosta dobrom stanju vešeraja, koji će ostati to, ili će biti možda neki drugi sadržaj. Ovdje je grupa tehničkih fakulteta. Reko sam vam studentski domovi i Fakultet fizičke kulture i ovdje su, ovaj, otvoreni i zatvoreni bazen.

Možda je bitno napomenuti saobraćajnicu. Ulica, ulica Armije BiH. Bila bi proširena evo vidite do ove zone, odnosno do poslije prvog ovog ulaza u Kampus i ona nastavlja svoj tok prema, prema Solini, Doknju i Čeliću.

Iz pravca Čelića, odnosno Doknja, imamo ovu saobraćajnicu koja se ovdje odvaja i ona je prostornim planom predviđena da prođe ovdje i da se budućim tunelom nastavi i da izađe tamo u područje Kojšina. To je, a ova osnovna ova postavka unutarnjeg saobraćaja je tako koncipirana da poštuje zatečene saobraćajnice, normalno sa, ovaj, rješenjem, kvalitetnim rješenjem raskrnica unutar ovog Komplexa.

Pored saobraćaja motornih vozila ovdje su obezbijedene i ovaj, i biciklističke staze, tako da praktično ne bi bilo puno tog nekog ni nadzornog kretanja.

Ispod strdentskog trga je kompletno ovdje podzemna garaža.

Ispod ovog dijela ovdje, ispod ovih, ovaj, sadržaja Fakulteta fizičke kulture i sportske dvorane je takođe podzemna garaža. Ovdje imamo jedan manji nadzorni parking i ovdje imamo ovu znači višespratnu garažu koja ima negdje oko sedamsto mjesta za putnička vozila. Tako da imamo ukupno negdje oko hiljadu i po mjesta za pakriranje vozila unutar Kampusa. Eh, ja mislim da možemo dalje.

Ovo je isto, isto što ste malo prije vidjeli, samo što je podijeljeno na dva dijela. Vedit ćemo i onaj drugi dio. Ovo je sad onaj južni dio. Evo tu se malo možda bolje vidi i ovo proširenje ove ulice Armije BiH do ovdje iza ovog prvog ulaza. Imamo inače tri ulaza imaju, sa ove, sa ove saobraćajnice, ove regionalne. Tu je evo orijentacija kolektivna garaža sa dvije ove rampe kojima se penju vozila. Znači, mogu ući ovdje i na nekom zadnjem spratu izlaze na ovaj plato parkinga ispred Kliničkog centra. Možemo dalje.

Evo to je ovaj sjeverni dio sa studentskim domovima, ovaj, tu, ovi, fakulteti, zgradom ovih tehničkih fakulteta, dvoranom sportskom i ovaj, Fakultetom fizičke kulture i ovdje su predviđeni bazeni.

Ako ste primijetili po ovim sadržajima nabrojanim, ovo bi možda, ovaj, nismo išli na to da Kampus dobija, da, da u stvari, da se sad seli grad ovdje u Kampus, odnosno ovi neki, ovaj, sdržaji koji su gradskog karaktera, nego smo išli na to da ovo bude, da čak nekim sadržajima dopunimo manjkavosti koji grad sad ima. I ovo nije, ovo nije zatvoren Kampus, znači nije zatvoren za građane, nego će biti i u funkciji građana. I studenti su jel dio... Možemo dalje.

Evo ovdje su prikazani ovi, ovaj, malo možda se ovdje klasičnije vidi. Vide se malo i ovaj otprilike i oblikovanje objekata. Evo kad krenemo ovdje, evo tog studentskog trga, ulaza dole ovog podzmenog, ovog rektorata, hotela za gostujuće nastavnike Prirofno matematičkog fakulteta, biblioteka. Ovo je tamo ova filozofija, koja bi treba biti na mjestu postojeće laboratorije, ova višespratna garaža, Medicinski i Stomatološki fakultet. Ovdje su one četiri kasarne koje postoje, al bi bile redizajnirane. I ovdje imamo te zajedničke sadržaje u pješakoj zoni za studente, Akademiju dramskih umjetnosti sa otvorenom pozornicom.

Ovo je zgrada ovih, ovaj, reko sam tehničkih fakulteta, evo sportske dvorane, ovaj, Fakultet fizičke kulture i ovdje su bazeni. Ovo je pogled samo sa druge strane. Ovo je pogled sa Kozlovca, a ovo je pogled otprilike sa Badre. Ovo je sad opet pogleda sa južne strane. Ovo je ulica Armije BiH koja se proširuje i produžava, ovaj, prema Doknjum, odnosno Solini, Doknju i Čeliću. Ovo je ova saobraćajnica koja, ovaj, evo ona je ovdje, ovo je...ovdje je ona koja vodi u Klinički centar, ovo je interna saobraćajnica u okviru, ovaj, Kampusa. Evo to je opet jedan od pogleda. To je otprilike to.

Ja mislim, ne znam dal da vas više zamaram, a ako hoćete, mislim moglo bi se o ovom pričati.



## **NATAŠA PERIĆ**

Hvala vam. Hvala gospodinu Dropiću na ovoj lijepoj prezentaciji. Otvaram ra...(vijećnik Mensur Alić govori bez uključenog mikrofona op.a.). Može evo otvaram raspravu.(vijećnik Mensur Alić govori bez uključenog mikrofona op.a.). Aha, hoćete odma ili u diskusiji. (vijećnik Mensur Alić govori bez uključenog mikrofona op.a.). Hajde. Evo otvaram diskusiju. Hajde dobro. Izvolite Mensure.

## **MENSUR ALIĆ – vijećnik Tuzlanske alternative**

Prvo pitanje je: je li projekat glavni urađen?

I drugo pitanje je: ko je investitor?

I treće: rok završetka izgradnje ovakvog Komleksa koji će koštati, ne znam proračunskoj vrijednosti preko milijardu sigurno? Zahvaljujem.

## **NATAŠA PERIĆ**

U redu. Vi ćete na kraju odgovarati na pitanja. Pa evo molim da zapišete. Samo malo. Samo malo. Vijećnik Omer Berbić.

## **OMER BERBIĆ**

Hvala ljepo. Prije svega da pohvalim, ovaj, i ovaj projekat i službu koja je to brzo uradila i mislim da je ovo jedan projekat, ovaj, historijski za grad Tuzlu ukoliko se završe sva pitanja koja je gospodin Mensur, ovaj, spominjao i zaista izgleda onako futuristički i želim da vam se zahvalim, ovaj, prije svega vama gospodine Dropiću, a onda, ovaj, i službi i svim ostalim evo na fakultetu koji su uključeni u ovaj projekat, ovaj, na kraju krajeva evo nadamo se svi da će vjerovatno će to ne znam nakon što se odgovori na ova pitanja ko je finansirao, vjerovatno je to Vlada kantona. Evo nadamo se da će oni, ovaj, ponder dva koji je skinut Sarajevu, a donekle dodijeljen nama, da će se iskoristiti za ovakav jedan projekat, da će se to ići ubrzano i da će uč u neka javno privatno partnerstvo.

Mene zanima samo jedna stvar. Donekle je vezano za ovaj Kampus. Ali šta se dešava sa postojećim zgradama fakulteta? Da li će one biti iskorištene možda za neke IT sektore, za nešto što bi, ovaj, jer koliko god to mi ovdje treba da pazimo na jednu stvar, a to je da nam čaršija ne ostane skroz prazna, pošto trenutno dnevno čaršija nema puno ljudi koji idu kroz čaršiju. Nema, nema poslova i oni kafići koji se ovdje nalaze, par njih su direktno vezani za fakultete koji se ovdje nalaze. Tako da me samo zanima taj dio šta je tu planirano? Da li ćemo možda dobiti neke IT firme koje bi eventualno domjestile gubitak tolikog broja studenata u čaršiji, ovaj, naravno ima tu i sad više, vjerovatno i kreativnijih ideja od ovog. Ali evo to je prva stvar koja mi pada na pamet, ali generalno mislim da, da je fantastičan projekat i naravno da ga se treba podržati na svaki mogući način. Hvala ljepo.

## **NATAŠA PERIĆ**

U redu. Hvala Omere. Vijećnik Anel Ibeljić ispred Kluba SDP-a.

## **ANEL IBLJELIĆ – vijećnik Socijaldemokratske partije**

Hvala predsjedavajuća. Sve vas srdačno pozdravljam. Ja ću takođe zahvaliti se Službi, Zavodu, kao i gospodinu Husejnu Dropiću koji je u stvari kreator svega ovoga i koji je izvršio

danas predivnu prezentaciju. To nam je klasično pokazao kako bi to trebalo da izgleda u budućnosti.

Prema nekim informacijama vlasnik oko 85% ovog zemljišta je u stvari Univerzitet i mislim da će se ovaj projekat u možda nekoj skorijoj budućnosti i realizovati. Stvarno djeluje impozantno ono što je predviđeno.

Ono što mi je posebno zapalo za oko jeste izgradnja, odnosno predviđena izgradnja ove višespratne garaže sa sedamsto parking mjesta kod UKC-a. Naime, tokom prošle godine sam kao jednu od inicijativa predlagao da se riješi stvarno parkinga gore kod UKC-a. Svjedoci smo da korisnici, odnosno pacijenti koji dolaze na UKC tokom jutarnjih sati, pa sve negdje do, do poslije podnevnih sati imaju velike probleme sa parkingom. Parkiraju na trotoare, na neka divlja, divlje parkinge, što bi se reklo. Mislim da će ovo unaprijediti samu uslugu UKC-a, tako što će obezbijediti siguran parking mjesta za sve njihove, ovaj, pacijente. E, hvala vam puno.

## **NATAŠA PERIĆ**

U redu. Hvala Anele. Samo malo. Vijećnik Omer Delalić ispred zajedničkog kluba. Ispred Kluba samostalnih vijećnika. Izvinjavam se. Izvinjavam se.

## **OMER DELALIĆ – samostalni vijećnik**

Hvala predsjedavajuća. Pohvalio bih sve aktivnosti na izradi Regulacionog plana Kampusu Univerziteta u Tuzli, a s obzirom da poznajem neke od pokretača ovog projekta, nadam se da će se ovo i ostvariti.

S obzirom da je evo nacrt prostorne cjeline Kampus Univerziteta u Tuzli u kojem su obuhvaćeni sadržaji fakulteta i studentskog grada, prilikom izrade ovog plana nisu obuhvaćeni sadržaji društvene infrastrukture. Međutim, malo prije smo vidjeli da je i tu obuhvaćeno. A mene kao sportskog radnika najviše interesuje sportski objekti.

Iz informacije koje su mi dostupne u ovom dijelu su planirana izuzetno kvalitetna rješenja. Planirana je izgradnja bazena za čiju je izgradnju i značaj za građane Tuzle i TK više puta isticalo.

Ovaj grad i naj mnogoljudniji kanton to zaslužuju. I nadam se da će se što brže krenuti u realizaciju tih projekata.

Takođe mi je drago da je na ovom prostoru planirana izgradnja kvalitetne sportske infrastrukture, gdje bi se veliki broj sportista, različitih sportova moglo baviti sportom, kao i rekreativci. To bi postaklo i razvoj cjelokupnog sporta u gradu, jer imamo situaciju da u regionu i manji gradovi imaju sportske centre, gdje na jednom prostoru imamo terenu za košarku, nogomet, tenis, bazene i druge sportske objekte. A sami znamo gdje se nalazi sport u regionu, a gdje se nalazi sport kod nas.

Postavio bih samo jedno pitanje. Planirane dimenzije zatvorenog i otvorenog bazena? Hvala.

## **NATAŠA PERIĆ**

U redu. Hvala vam. Vijećnica Selma Čatibušić ispred Kluba Platforme za progres. Izvolite.

## **SELMA ČATIBUŠIĆ**

Evo ovako dobar dan i našim gostima na današnjoj sjednici. Klub vijećnica Platforme za progres također želi da iskaže podršku i evo mogu slobodno reć radovanje ovom budućem

projektu. Mene kao kolegu Mensura također interesuje kada je otprilike rok koji je predviđen za to? Kolega Ćerim je malo prije rekao jednu rečenicu „Ko zna kao Selma možda se mi budemo danas sutra hvalili našim unucima da smo glasali za ovaj jedan vakav projekat“. Mislim da je to jako lijepa rečenica. Samo se ja nadam da ću se prije hvaliti ako ništa, svojoj djeci, a poslije onda unucima, da ne bismo čekali baš toliko dugo.

Ono što mene interesuje jeste da li, mislim, ne znam da li se već to sada može znati, al kada su u pitanju zajednički sadržaji Univerziteta za, za studente, nadam se napokom da je planirana ta čitaonica o kojoj ja govorim stalno, koja će imati određene kapacitete, gdje studenti stvarno će moći učiti tokom 24 sata, jer mi danas na Univerzitetu to nažalost nemamo. Imamo na pojedinim fakultetima par slobodno mogu reći sobica gdje možemo učiti, a studenti koji žive u studentskim domovima, posebno se susreću sa takvim problemima. Pa me onako više interesuje o kakvim sve sadržajima bi se eventualno moglo raditi? I da li su planirani da svi fakulteti definitivno budu u Kampusu?

Tako da u svakom slučaju apsolutno podržavam ovakav projekat. Nadam se i da će Vlada kantona ga podržati, a eto da vidimo ko, ko, ko će biti investitor i da će se i naši eto privatnici možda uključiti u pomoć oko izgradnje ovakvog jednog historijskog projekta, kojim ćemo se svi kad tad, nadam se hvaliti. Eto. Hvala još jednom.

## **NATAŠA PERIĆ**

U redu. Hvala Selma. Sljedeći za riječ se javio vijećnik Nikica Vidović ispred zajedničkog kluba. Izvolite.

## **NIKICA VIDOVIĆ**

Sve vas lijepo pozdravljam, vas kolege vijećnike i vijećnice i naravno naše profesore i goste koji su danas ovdje. Samo sam htio pohvaliti da i nekoliko puta sam govorio da ovakva prezentacija treba biti za svaki regulacioni plan. Ne mora biti ova digitalna. Ali definitivno se vidi koliko smo se više zainteresirali da nas svaki ćošak neke parcele zanima. To je evo, hvala vam što ste nam dali primjer kako u budućnosti ovo da odrađujemo na Gradskom vijeću.

Ono što ću još reći, i evo malo sam se našalio s kolegom, valjda neće biti profesor meriutus 75 plus, moj kolega Senad kad mu budem dolazio na kavu u ovaj Kompleks. Vrlo lijepa stvar da nešto iz vojnog iz nekog ružnijeg ili nečega što mi baš i nismo ponosni prelazi u nešto što je budućnost, a to su studenti i djeca, pa naravno, ovaj, starija djeca, pa evo i njihova djeca. Tako da, da će sigurno ostaviti traga. Ja se evo nadam da će s početka i čim prije biti izgradnja ovog barem parkinga da nam olakša na čitav kolaps oko UKC-a i da će možda taj dio odmah novca i dalje investirati se u dalje objekte, da nekako krene komad po komad ovo raditi, pa da se naravno nekad dočeka i kraj i ovaj izlaz gdje su studentski domovi i sad ne znam s koje će strane ići. Sve pohvale i toliko. Hvala vam.

## **NATAŠA PERIĆ**

U redu. Hvala. Zaključujem raspravu klubova vijećnika. Otvaram raspravu vijećnika. Vijećnica Merima Softić Sprečić.

## **MERIMA SOFTIĆ SPREČIĆ – vijećnik Socijaldemokratske partije**

Hvala predsjedavajuća. Pozdravljam sve prisutne, goste, kolege, vijećnike, vijećnice, predstavnike medija i predlagače materijala koji su radili na ovakvom jednom planskom dokumentu.

Evo kako sam ja znači razumjela. Ovo je ipak jedan planski dokument koji vrlo vjerovatno u nekoj svojoj budućnosti može pretrpjeti određene izmjene. One se tiču vjerovatno tekuće situacije na terenu, analize, tržišta, svih drugih sugestija, diskusija, potreba, tako da vjerujem da će i sigurna sam pretpjet određene izmjene.

Ali ono što smo vidjeli ovdje prezentacijom i ovom planskom dokumentu šta je predviđeno, ovo je zaista pohvalno. Drago mi je, jer sam kao vijećnica i u nekim prethodnim mandatima učestvovala u raspravi koja je bila vezana isključivo za ovaj Kampus. Tako da mi je drago da u budućnosti, evo, ovo će zaista biti jedan pravi mali studentski grad. I to je ono što, što je važno, obzirom da je Tuzla i prepoznat kao univerzitetski grad.

Pohvaljujem sinergiju lokalne uprave viših nivoa vlasti, jer to je vrlo važno kako bi obezbijedili što bolji ambijent i ugodniji život na ovim prostorima.

Vidim da na ovom planskom dokumentu od postojećeg danas stadiona, tu je predviđen Rektorat, Biblioteka, Hotel za gostujuće profesore. To je neki studentski trg. Voljela bih kada bi se razmislilo da u okviru ovog Kampusu se naprave, napravi trim staza, širine jedan metar, dovoljana, ali neke pristojne dužine, kako bi sa jedne strane olakšali rad same Javne ustanove Gradski Tušanj koja je takođe javno dobro i koje građani koriste u svoje rekreativne aktivnosti, a evo smim tim želim zaista da pohvalim ovdje ljude koje su radili na ovom projektu i rečenicu da je Kampus u funkciji građana, odnosno javno dobro, što je za svaku pohvalu. Zato mi je, voljela bih da se evo u budućnosti razmisli o zaključku da se formira jedna trim staza pristojne dužine. Kad kažem pristojne, da evo otprilike znači ljudi koji su stručni mogu da to odrede na kojem bi to lokalitetu bilo, odnosno možda okolo Kampusu. Da ne gubimo sa jedne strane tu rekreativnu aktivnost, iako postoje zaista, ovaj, prekrasne evo ovdje sportski objekti, ali evo neće imati tu trim stazu.

A želim napomenuti da smo u nekim prethodnim periodima srednjoškolskih a evo i mojih dana tu u Kampusu organizovalo se ovaj krosovi za školsko takmičenje, tako da mi je nekako vezan taj period i za tu vrstu ovaj atletske aktivnosti i, i, i, voljela bih, evo da se razmisli o tom prijedlogu. (NATAŠA PERIĆ – Možete samo privodit kraju, pošto je pet minuta). Oću. Oću. U svakom slučaju evo to je jedan ovaj zaključak i svakako pohvaljujem ovakav jedan planski dokument kao, kao sportaš i, i vjerujem da ćete uspjeti u namjeri da nam ovo izgradite.

## **NATAŠA PERIĆ**

Hvala Merima. Obzirom da se ovo radi o nacrtu, znači sve što danas predložite ulazi u dio javne rasprave i uzeće se u razmatranje, tako da znate. Sljedeći za riječ se javio Šefik Husić. Izvolite.

## **ŠEFIK HUSIĆ – samostalni vijećnik**

Hvala vam. Evo ja bih da pozdravim sve kolege i prisutne.

Moje pitanje je prvo znači: koliko košta kompletan ovaj Komplex i ko je investitor? Obzirom da su ovo velike stvari i veliki projekti.

Drugo pitanje je: obzirom da je ovo ne perspektivna vojna imovina koja je u državnom vlasništvu i mislim, ne mislim, nego znam sigurno da nije u vlasništvu Rektorata odnosno Univerziteta. Ma nije sigurno. Znači nije sigurno. Data je samo na korištenje znači onaj Univerzitetu, a nije nikad prevedeno u vlasništvu. To je još uvijek ne perspektivna vojna imovina, znači koja je u državnom vlasništvu. I samo pitam znači do kojeg je evo nivoa došlo to u prevođenju tog zemljišta?

Treće pitanje je znači Klinika za psihijatriju, jel se nalazi u sklopu ovog Komplexa?

A treće je konstatacija znači da ja ovako ko čovjek sam poprilično razočaran, jer kad smo tražili prevođenje znači prevođenje Klinike za psihijatriju u vlasništvo Kliničkog centra,

tad smo došli do podatka da je to zapravo ne perspektivna vojna imovina u vlasništvu države i da to se nikako ne može dodijeliti, znači, bilo kojoj javnoj ustanovi, onaj i bilo mi je ovako interesantno sad kad sam vidio projekat je lijep, sve stoji, al znači ono ključno pitanje moje je, dokle je znači došla ta procedura oko imovinskog statusa?

Četvrta stvar. Znači, također Klinički centar je tražio na ustupanje to zemljište i prevođenje u vlasništvo, iz razloga građenja znači ovog parkinga koji je spomenut sad. Za potrebe Kliničkog centra takođe je dobio isti odgovor da je to ne perspektivna vojna imovina i državno vlasništvo i da se to nikako ne može prevesti i tako dalje. E sad me interesuje ko će prevest? Kako će prevest? Kako će se dobit? (NATAŠA PERIĆ – Jel to sve?).

I još jedna konstatacija samo kažem lijepo je ovo samo mislim da prvo po procentu nataliteta našeg u kompletnoj državi, odnosno procentu pada nataliteta. Pitanje je hoćemo mi imat uopšte studente? Ko će studirat? I tako dalje.

I još jedna stvar, znači, ko će održavat sve ovo? Ko će plaćat održavanje i imamol nešto, znači, što će donosit profit iz svega ovog? Hvala.

## **NATAŠA PERIĆ**

U redu. U reedu. Hvala. Vijećnik Ćerim Rastoder. Izvolite.

## **ĆERIM RASTODER – samostalni vijećnik**

Zahvaljujem se predsjedavajuća. Pozdravljam sve vijećnike i ostale prisutne na današnjoj sjednici, posebno Prorektora i Zavoda za urbanizam. Ovo što nam je danas predstavljen Regulacioni plan, znači, radi se o prostoru Kasarne bivše JNA, koja je nosila naziv Husinska buna, odnosno u državi Bosni i Hercegovini, Kasarna Husein Kapetan Gradašćević. Ja sam igorm slučaja proveo jedno petnaestak godina sa nekim kraćim prekidima u ovoj kasarni i znam otprilike infrastrukturu postojeću i razumio sam sve ovo što nam je danas predstavljeno.

Znači, ovo što je sad kolega Šefik diskutovao. Ova Kasarna kao i Kasarna kojoj smo poslije rata dali naziv Mirsad Fidahić, a koja je predata gdje se nalazi Psihijatrijska klinika su dva različita posjeda. Iznad ove Kasarne sjeveroistočno nalazi se takođe vojni objekti parloge Kozlovac. Karakteristično za sve ove objekte jeste da se radi o imovini koja još nije riješena. Naime, ona se još vodi na Saveznom sekretarijatu za narodnu odbranu, iz razloga što država Bosna i Hercegovina još nije riješila status vojne imovine.

Imaju dva koncepta. Jedan koncept je iz Republike Srpske koji zagovara da se sva imovina da entitetima, a ono što ne treba entitetima da oni daju državi. Drugi koncept je Federacija Bosna i Hercegovina da se ova imovina preda državi, pa država, država da uzme sebi što treba, a što ne treba da da entitetima, ali to je takvo stanje. Nadam se da će se to pitanje brzo riješiti, jer to je jedan od uslova za ulazak Bosne i Hercegovine u NATO. Da se riješi pitanje vojne imovine, jer na prostoru Bosne i Hercegovine kao i našeg grada imaju veliki, veliki posjed možda 20% zemljište koje ima takav status, jer je specifičnost Bosne i Hercegovine bilo u okviru bivše nam države po pitanju vojne imovine kasarni, posjeda i tako dalje.

Ja se sjećam i bio sam tad u službi kad smo prije petnaestak godina, čini mi se da je to bila dvijehiljadesedma ili šesta, kada je Ministarstvo odbrane donijelo odluku da se Jedinice oružanih snaga Bosne i Hercegovine presele iz ove lokacije i da je napuste. Ostalo je nešto manje tehnike gore i da se preda i taj dan je ta lokacija predata Vladi Federacije. Isti dan je Vlada Federacije je predala Kantonu, odnosno Univerzitetu.

Bila su tad neka obećanja da će se to sve uredit, da će to brzo nastavit, međutim došlo se u situaciju da je gotovo 90% te lokacije propalo. Niko to nije koristio. Veliki broj objekata je bio i tako dalje, ovaj, nešto se sa malim kapacitetom koristi, ali sve u svemu to je jedan

zapušten prostor, a ogroman prostor koji je, ovaj, kažem vam u dosta lošem stanju, jer Univerzitet je, jer tad se razmišljanje bilo, daj mi ćemo to preuzet, brzo ćemo to završit, međutim nije to baš tako jednostavno ni lako održavat.

Kad je u pitanju ovaj Regulacioni plan, zaista ja bih reko da se radi o jednom jako dobrom planu, uz napomenu da se radi o velikom ulaganju ovo što su kolege evo i hajd da kažem i Mensur, i Omer i Šefik iznosili, znači, izlagali i ovo sve što je predviđeno zaista je dobro. I to jedan grad kao što je Tuzla zaslužuje da ima. A radi se znači zaista o ogromno ogromnim prostorima i dobro zacrtanom planu. Treba onaj vodit računa znači šta ovo što kaže malo Šefik koliko ćemo mi imat ljudi da studira i tako dalje. Dalje, da li ćemo mi ovim planom, da li će ovim planom samo biti onaj obuhvaćeni a i kako mi kažemo Univerzitet Tuzla jer su državni univerziteti? Da li će bit dozvoljeno i privatnim univerzitetima koji su htjeli mi to priznat ili ne budućnost ne samo ove zemlje, nego širom svijeta. Da li će i oni imat prostora da, da prave objekte ovdje, da koriste te kapacitete, ili će se možda što kaže Omer, što je veoma važno isto pitanje omogućiti univerzitetu fakultetima da preuzmu postojeće u gradu? Znači sve su to pitanja koja, koja, koja, ovaj će biti u razmatarnju.

Ali iskreno se nadam da će se ovome, da će se ovaj Regulacioni plan polako ovaj prihvatati i da će se raditi na njemu, ali da će bit lako, jednostavno neće. Jer ovo što smo mi vidjeli ovdje, ovo su ogromna, ogromna ulaganja i pitanje je vremena koliko će trebati da se to uradi, al projekat ko projekat je znači za svaku pohvalu. Eto toliko. Hvala.

## **NATAŠA PERIĆ**

U redu. Hvala. Replika Šefik Husić.

## **ŠEFIK HUSIĆ**

Ja bih samo da zahvalim kolegi on je ovaj odgovorio na ovo pitanje i obzirom da je čovjek koji zakonski jako puno zna u ovom dijelu oko vojne imovine, znači odgovorio je na ovo pitanje da vjerovatno ovom politikom koja se vodi tako u državi kako se vodi, mi nećemo doć u posjed, znači, te imovine u narednih 15 do 20 godina.

I opet se vraćam na ono pitanje, znači, dal ćemo imat omladinu koja će uopšte studirat tu?

I onda opet dolazim na pitanja da li je ovo isto što je kolega Ćerim rekao, znači, dal je to investicija koja će se u narednom periodu isplatit uopšte?

## **NATAŠA PERIĆ**

Alene. Samo malo. Izvinjavam se. Prvo se Anel javio za repliku. Kome? (ANEL IBELJIĆ – I kolegi Šefiku i kolegi Ćerimu). Izvolite.

## **ANEL IBELJIĆ**

Mislim evo u stvari, ja sam nezvanično dobio podatak da je 85% ove imovine u vlasništvu Univerziteta. Nisam ga stvarno provjeravao. Tačno je i ovo što kaže kolega i Šefik i kolega Ćerim za vojnu imovinu. To je pitanje koje se treba riješit na višim nivoima. Ali upravo sad sam stvarno provjerio, mislim i u, i na portalu Katastar.ba i na E-gruntu. Ove parcele na kojima se, na kojima se nalazi ovaj Regulacioni plan se vode i u katastru i u gruntu na Univerzitetu u Tuzli. Ja ne znam kako je, kako je došlo do te promjene, ne vidi se odavdje, ali stvarno trenutno zemljišno knjižno stanje jeste da je Univerzitet u Tuzli i vlasnik i posjednik ovih, ovih poligona.

E sad šta se desilo u međuvremenu? Da li je to riječ o nekoj vojnoj imovini ili nije? Kako je došlo do tih promjena u zemljišnim knjigama? Stvarno ne znam.

Ali evo, dobro je pitanje mislim ako, (NATAŠA PERIĆ – Pa dobro, na ovo pitanje će odgovorit. Da.) ako imaju u službi odgovor. I mene stvarno interesuje odgovor na ovo pitanje.

## **NATAŠA PERIĆ**

Dobro. Predstavnici Univerziteta ili službe će nam odgovor na ova pitanja koja se...Eh. Replika Alen Kapidžić. Kome izvinite?

## **ALEN KAPIDŽIĆ**

Kolegi Šefiku i kolegi Ćerimu. Pa evo pošto se poteže, mislim prvo da je kažem stvarno ovaj projekat i Regulacioni plan stvarno fantastičan. Dok sam bio član Senata znam da se već prije nekih desetak godina počelo pričat o ovim stvarima. Ja želim ovdje da čestitam menadžmentu Univerziteta, što je napokon evo smogao snage da se uhvati u koštac s ovim problemom.

Kad govorimo o broju studenata, ja ne bi da ulazimo u tu diskusiju. Pa valjda imaju ljudi na Univerzitetu koji razmišljaju, ja...o tim stvarima. Ja stvarno mislim da je i ovaj projekat će značajno doprinijet, znači sami ovi prostorni kapaciteti značajno će doprinijeti kvalitetu nastave. A to će sigurno povećat brojnost studenata, jer Univerzitet u Tuzli je danas jedna ozbiljna institucija, ovaj, u kojoj studiraju sutenti iz svih dijelova Bosne i Hercegovine. I mislilm da je ovo projekat koji će i da su to ljudi ovo o čemu ja govorim da su to ljudi na Univerzitetu sigurno prepoznali, ovaj, i mislim da je bez predmetno raspravljat hožemo li imat studenata.

Što se tiče ova diskusije kad je rok. Imam neke nezvanične informacije, je li, da, da, da će i Vlada kantona izdvajat određena sredstva i Univerzitet u Tuzli, ne znam jesam li u pravu, ali mislim iz tih vlastitih prihoda će se dio sredstava odvajat za izgradnju ovog, ovog Kopleksa, jel. Ali mislim da mi trebamo zajedno nač način kako da, da Vlada kantona i evo i Grad Tuzla na koji način možemo pomoć da ta sredstva se više povećaju ili da se više sredstava izdvaja kako bi se ovaj Kompleks što prije realizovao. Sigurno je da će ovdje u realizaciju u toku ove realizacije bit problema jel, ali evo trebamo svi nač način kako to da, da riješimo. Eto toliko. Hvala.

## **NATAŠA PERIĆ**

U redu. Hvala. Replika. Samo malo. Replika Omer Berbić. Kome? (OMER BERBIĆ - Obojici). Molim? (OMER BERBIĆ - Obojici, obojici). Pa možete samo reć imena, moram... (OMER BERBIĆ – Pa i Šefiku i Ćerimu). Dobro. I Alen je govorio, pa zato.

## **OMER BERBIĆ**

Dobro. Njima dvojici. Svima. Zezam se. Vrlo, ja ću biti vrlo karatak. Prešli smo iz strane struke na stranu politike. I mislim da nije ovdje ni mjesto ni vrijeme da raspravljamo dal će bit studenata, kako će se isfinansirati? Jesu to pitanja koja možda mi trebali da dobijemo ovdje odgovor. Ja se slažem. Ali ne može ni očekivati veći broj studenata, ako ne napravimo neki razvojni projekat. Ne možemo očekivati da će fakultet, odnosno Univerzitet ući u neku, u neki razvoj ukoliko se naprave tehničke mogućnosti.

Ali kada bilo koji student pogleda ovo ukoliko se 60% ovog realizira, kada bilo koji student, ja vam garantujem da će između Tuzle, Bijeljine, ne znam ni ja, ne možemo se mi sa Sarajevom poredit, ali Banja Luke, da će izabrati Tuzlu.

I neću uopšte da ulazim više u meritum ove rasprave, samo hoću da kažem da je sa stručne, sa neke tehničke strane, iako ja nisam arhitektka, meni kao laiku se jako sviđa projekat i hajde da se vratimo možda na taj teren, a da pravnicima pustimo pitanje da li je vojna imovina ili je Univerzitet Kampusa, da pustimo ljudima koji su došli ovdje da odgovore na ova pitanja, evo upravo ova stručna, kada će bit gotov, da li je u pitanju javno privatno partnerstvo?

Ovo pitanje šta će se desiti sa postojećim sa postojećim zgradama i tako dalje, ovaj, a da mi usvojimo ovaj Regulacioni plan ovakav kakav jeste, jer mislim da tu nema nikakve apsolutno smetnje i svi koji su diskutovali do sada su zadovoljni projektom i, i možda ima nekih malih zamjerki, možda je kolega Husić rekao za Psihijatriju ili nešto (NATAŠA PERIĆ – Dobro u nacrtu), ali generalno mislim da, da u globalu mi sada glasamo da bi bilo bez problema jednoglasno i da smo fascinirani generalno, sve što je ovdje prezentovano.

### **NATAŠA PERIĆ**

U redu. Hvala Omere. Replika Šefik Husić. Kome? (ŠEFIK HUSIĆ – Gospodinu Berbiću, Anelu i Alenu). Dobro.

### **ŠEFIK HUSIĆ**

Ovako. Gospodinu Ibeljiću, interesantno je ovo što ste rekli, onaj, ali mislim da to treba provjerit, onaj i to treba dobro provjerit zato što nije to bilo tako jednostavno prevest, obzirom da sam u određenim procesima, znači ispred Kliničkog centra učestvovao, onaj, u tim stvarima. Nije to baš tako bilo jednostavno. Treba to provjerit jel to zakonsko, odnosno formalno pravno? Jel to uredno? (vijećnik Anel Ibeljić govori bez uključenog mikrofona op.a.). Samo evo da završim.

Gospodinu Berbiću, znači, evo ovako to nije nikakva politika. Govorim o stvarima koje su jako bitne, onaj, govorim o stvarima koje su bitne, obzirom da gravitira Kliničkom centru i za Klinički centar. A evo upoznaću vas znači da smo od Univerziteta tražili na ustupanje vešeraj koji se nalazi u sklopu, ovaj, ovog Komplexa, koji je otprilike, znači, radio jednu godinu, dobro očuvan, onaj, nismo dobili, uz obrazloženje da je to ne perspektivna vojna imovina koja pripada državi. A to se dešavalo evo u posljednjih godinu dana. Oba prethodna premijera znači dobili su te dopise i Rektorat se izjasnio znači prema premijerima Vlade da je to zapravo nije u vlasništvu Univerziteta, nego je samo znači dato na korištenje Univerzitetu. Hvala.

### **NATAŠA PERIĆ**

U redu. Hvala. Obzirom da ima puno replika, da bi ovaj prekinuli eventualne nesuglasice i to, ja ću pozvat predstavnike il Univerziteta, službe. Hoćete vi Selma za urbanizam. Molim vas da odgovorite i na ova neka pravna pitanja? Al da završimo onda. Mislim da ne replicirate. Mislim nema potrebe možda za ovolikim replikama ako ćemo sad dobit neka objašnjenja. Jel odosmo stvarno sad u nedogled. Pa imate pravo, nisam rekla, al zašto ne bi čuli sad da gospođa nam objasni, pa ćemo dobit eto odgovore. Izvolite Selma. Selma Imamović, direktorica.

### **SELMA IMAMOVIĆ – direktorica Zavoda za urbanizam**

Pozdravljam sve prisutne. Evo ja ću probat odgovorit na pitanja koja su postavljena. Nadam se da će odgovor zadovoljiti ova možda buduća pitanja koja nam dolaze.



Naime, osnovni pred uslov za izgradnju bilo kakvog objekta u ovom obuhvatu, kao i u mnogim drugim, jeste da bude usvojen Regulacioni plan. Bez uvajanja Regulacionog plana ovo ništa neće bit moguće. Dakle, nikakva intervencija ni na jednom objektu, iz razloga što je prostornim planom grada Tuzla ova prostorna cjelina označena kao zona budućeg razvoja i samim tim je obavezna izrada planskog dokumenta. To je mislim jedini način da bilo ko počne realizaciju bilo kakvog od objekata.

Odgovaraću redom na pitanja kako su ih gospoda vijećnici postavljali, ovaj, neka se naravno preklapaju.

Kao što sam već rekla uslov za izradu i smjernice koje su bile date Zavodu za urbanizam jeste idejno rješenje koje je uradio gospodin Husejn Dropić, odnosno Arhitekstonski atelje „Ambijent“ i plan razvoja Kampusu. Na osnovu ta dva dokumenta Zavod za urbanizam je to samo oblikovao u formu Nacrta regulacionog plana, tako da ne postoje glavni projekti, nego je postojala su idejna rješenja, koja smo mi na neki način upakovali u formu nacrta ovog Regulacionog plana. Dalje aktivnosti naravno zavise od usvajanja planskog dokumenta. Bez dobivanja određenih urbanističkih, lokacijskih informacija ne može se ni pristupiti izradi glavnih projekata, bez obzira koji je investitor. Prema našim podacima koji smo dobili, od resornih gradskih službi, ovaj, u toku je izrada ovog plana, kao i za svaki drugi. Posjedovno gruntovno stanje smo dobili i ovo što je vijećnik Ibeljić spomenuo, prema našim podacima vodi se Univerzitet u Tuzli. Mi imamo u tekstualnom dijelu ovog Regulacionog plana. Vama je dostavljena samo skraćena verzija, ali u uvodu ovog Regulacionog plana je opisan i taj momenat na koji način i kojim dokumentima je Univerzitet došao i u posjed i u vlasništvo ovog zemljišta. Mi to nismo nešto previše analizirali, jer smo dobili takve podatke da su i u posjedu i u gruntu Univerzitet, ali naravno da će se pravna pitanja rješavat u toku ishodovanja bilo kakvih dozvola.

Rokovi za izgradnju na žalost ne ovise o nama previše. Međutim, Univerzitet je usvojio u planu razvoja koji nam je dostavio i koji je sastavni dio na neki način ovog planskog dokumenta, obrazložio da će realizacija Kampusu teći u fazama.

Prva faza realizacije je središnji dio ovog Kompleksa. Mi smo je tako iz plana razvoja Kampusu, ovaj, preuzeli, tako da u prvom momentu ostaje i onaj stadion za koje je gospođa Merima pitala, a on će neko vrijeme još uvijek egzistirat tu. Međutim, ovaj predviđena je izgradnja biciklističke staze koja je širine tri metra i koja je u svakom slučaju uvijek podijeljena na dio pješačke i dio biciklističke, tako da čitavom dužinom Kampusu postoji pješačko – biciklistička staza koja može koristiti u svrhe, ovaj, laganog treninga.

Vijećnik Omer Berbić je postavio pitanja o investicijama. Naravno da će biti moguće imati javno i privatno partnerstvo, da će sigurno neki investitori, ovaj, izrazit želju da rade pogotovu objekte koji recimo nisu u strogoj funkciji, odnosno svi objekti su poslovni, u funkciji su Univerziteta, ali za studentske domove (NATAŠA PERIĆ – Molim vas malo tišine), sportske sale, bazene i bilo šta drugo. Naravno da je uvijek moguće javno i privatno partnerstvo, ali ponovo napominjem da bi Univerzitet ili bilo ko mogao aplicirat i u fondovima. Neophodna je usvajanje planskog dokumenta. Znači, to je zaista prvi korak koji se treba napraviti da bi bilo ko, bilo kakvo partnerstvo, bilo kakav investitor mogao uopšte pomisliti da u nečemu učestvuje. Bez usvajanja planskog dokumenta realizacija nije moguća.

Što se tiče postojeće imovine, to je naravno plan Univerziteta u svom razvoju i strategiji koju mi imamo i možemo, ovaj, dati na uvid bilo kome, a pretpostavljam da je to javni dokument, ovaj, oni su to razmatrali Univerzitet u svakom slučaju objektima kojima raspolaže. Sigurno da će naći interesa i za neki razvoj habova, bit centra ili bilo čega drugog, koji već na kraju egzistiraju u našem gradu i imaju neku tradiciju, tako da ne vidimo da bi to trebalo predstavljat prepreku.

Što se tiče pitanja gospodina Omera Delalića vezano za društvenu infrastrukturu i sportske objekte, bazen je predviđen olimpijskih, ovaj, dimenzija, da zadovolji takmičenja

međunarodnog karaktera. Međutim, opet napominjem to su u pitanju idejna rješenja, ovaj, ni jedan glavni projekat nije urađen, ali u svakom slučaju se vodilo računa da bude multifunkcionalan i u funkciji svih građana i svih sportista.

Što se tiče društvene infrastrukture, ona je obezbijeđena u smislu i ambulante i društvenih ovih studentskih domova, svih sadržaja koji mi u Regulacionom planu svakako moramo unijet i zelene površine i površine za boravak na otvorenom, kao i zatvorenom. Dakle, kompletna društvena infrastruktura koja podrazumijeva obrazovanje isključivo je unešeno u ovaj planski dokument.

Što se tiče cijena i realizacije, mi smo prema razvijenoj bruto površini objekata došli do cijene između osamsto miliona i milijarde za realizaciju ovog projekta. Međutim, svi smo svjesni uz svakodnevne promjene cijena, tako da zaista niti smo to pisali, niti smijemo, jer ne možemo procijenit naravno cijenu koštanja.

Ja se nadam da sam ovaj, što se tiče čitaonica i toga svega, mislim da, da, ovaj je jasno da svaki fakultet će imat izradu glavnog projekta. I to će naravno bit, ovaj, uključeno.

Ostalo ovo što se tiče vlasništva, dakle, naši su podaci da je zemljište u vlasništvu Univerziteta i u okviru objekta, evo gospodin Dropić, ovaj, govori, da je u okviru objekta biblioteke predviđen niz čitaonica za boravak i rad studenata.

## **NATAŠA PERIĆ**

U redu. Hvala vam Selma. Zamoliću vas da ovdje sjednete, pošto još nije diskusija završena. Vjerovatno će bit još pitanja. Samo malo. Mensur Alić. Kao vijećnik. Mislim da je gospođa...Možete Measure.

## **MENSUR ALIĆ**

Zahvaljujem predsjedavajuća. Evo upravo i ovo smo trebali dobiti na početku ovakve odgovore da ne lutamo. Ja samo hoću da kažem da ovi prezentacija ovog projekta, u stvari Regulacionog plana, je urađena na jedan odličan način i da nas ne shvate pogrešno ovi ljudi koji su danas došli ovdje da prikažu nešto što je fantastično urađeno, uz veliku zahvalnost moju i naravno svih vijećnika. Ali ovo jedan dugoročni plan. I zbog toga sam ja postavio pitanje odma na početku. Je li projekat gotov? Kolko košta? I treći ne znam o čemu...Ovo je dugoročni proces jedan koji će trajati najmanje jedno 50 godina. Da bi se sve završilo kompletno. Uzmite samo jedan Regulacioni plan koji smo radili, ovaj, za ovaj dole Nacrt, ja sam ga tad nazvo „Mali Dubai“. I gdje smo došli? Prije tri godine nismo ništa još uradili na njemu. Nema nas nigdje. E zbog toga (NATAŠA PERIĆ – Molim vas malo tišine i pažnje) lijepo je urađeno, sve odlično. Ali ovo moramo shvatiti ozbiljno da je ovo jedan dugoročni plan koji će trajati duže vremena. Šta je važno? A šta je najvažnije ovdje? Da se završi dokumentacija kompletna sva, da bi se radio projekat glavni, jer bez glavnog projekta i svih ostalih dokumenata koji su potrebni da se završe, da se završi sve oko, ovaj, imovinskih odnosa i svega što treba da se uradi, jeste da može se ovo aplicirat. Ovo ne može uradit ni Federacija, ni Bosna i Hercegovina, ni kanton, ni opština. Nema šanse da to može finansijski stići, pogotovo u kakva uvremena ulazimo sa inflacijom i svega sve je manje novca.

Ovdje je potrebno da se može aplicirati prema fondovima Evropskih Unija. Hvala Bogu evo izgleda da će nas malo sasd nekako nas malo tisnut prema Evropskoj Uniji u decembru mjesecu. Time se otvara šansa nama da možemo imati fondove otvorene Evropske Unije, ne samo za ovo nego i za ostalo sve za, za, za sve projekte u ovoj državi Bosni i Hercegovini. Hvala još jednom. Mislim da sam bio jasan (NATAŠA PERIĆ – Jeste). I zahvaljujem se ljudima. Nisam to na početku. Ja sam postavio odma pitanje struci koja radi svoj dio posla i ne

bi se miješao ni u struku ni u ovo, neka radi svako svoj posao zašto je školovan i zašto je naučio i što je struka. Uvijek poštujem samo struku i sve ostalo. Hvala lijepo.

## **NATAŠA PERIĆ**

U redu. Hvala. Sljedeći za riječ se javio vijećnik Elvir Bijedić. Neka se pripremi vijećnik Alen Kapidžić. A nećete vi? Vi odustajete. Dobro. Onda Mišo Tan... Miodrag Tanasilović.

## **ELVIR BIJEDIĆ – vijećnik Socijaldemokratske partije**

Zahvaljujem predsjedavajuća. Zaista ću biti što je moguće kraći, upravo, ovaj, kolega Mensur Alić je rekao ono što sam u značajnoj mjeri htjeo da kažem, dakle, da nam je jako bitno da mi danas usvojimo ovaj Regulatorni plan, odnosno, ovaj prostor Zone budućeg razvoja Stara Kasarna. S obzirom da kad su u pitanju cijene investicije čuli smo evo neke nezvanične informacije. Sasvim sigurno je da je to vrlo teško isfinansirat na bilo kojem nivou u ovoj državi, dakle, ali obzirom da je to, ovaj, dugoročni plan, dugoročne investicije, otvaraju se mogućnosti kroz različite projekte.

Ono što je ovaj meni zaparalo uši ne bih se vraćao, ali pazite studenti, pa možda posmatramo kratkoročno u ovom trenutku koliko ima studenata kako kaže kolega Kapidžić, znaju to ljudi, ovaj, barataju informacijama na Univerzitetu. Ali ovo može sasvim sigurno da bude magnet za kako studenti iz Bosne i Hercegovine, tako za studente, ovaj, iz vana zašto da ne. Mislim, mi sasvim sigurno raspolažemo kvalitetnim kadrom u svakoj oblasti obrazovanja i visoko školstvo, tako da, ovaj, ne vidim niti jedan razlog da to ne bude, ovaj, da to ne bude tako i u perspektivi.

Ono što mene zanima, dakle, kao vijećnika, pa obzirom da je evo ovo diskusija kroz, kroz nacrt, ovaj, će uć u javnu raspravu, dakle, da li je moguće kad je u pitanju infrastruktura razmišljat na način dakle da evo kako je rekla gospođa Imamović, dakle, da se prvo radi infrastruktura. Značajno bi to bilo za grad u smislu rasterećenja saobraćaja koji ide prema, a imali smo obuhvat Stara Majeвица i Zeleni Kamen, dakle, to je planski rađeno tamo, da li je moguće da se rastereti saobraćaj, da se prvo ta infrastruktura?

I da se nadovežem na diskusiju kolege, ovaj, Anela Ibeljića. Da li je moguće započeti recimo u neko skorije vrijeme, ovaj, izgradnju garaže koja bi bila? Znamo da nam je to rak rana kad je u pitanju Klinički centar. Dakle, evo da se samo to uzme u razmatranje, dakle nisam, ovaj te struke, ali da vidim da li je moguće recimo krenuti takvim jednim redoslijedom, ovaj, kada je u pitanju dinamika, dinamika izgradnje, ovaj, u perspektivi.

Još jednom dakle želim da se zahvalim gospodinu Dropiću, ovaj, zaista vrlo impresivno ovo sve izgleda i eto iskreno se nadam, dakle, da će, ovaj, budući studenti i naša djeca imati itekako razloga da ostaju ovdje. Hvala vam.

## **NATAŠA PERIĆ**

Hvala vama. Sljedeći za riječ se javio Miodrag Tanasilović. Neka se pripremi vijećnik Anel Ibeljić. (ANEL IBELJIĆ – Povlačim). Povlačite.

## **MIODRAG TANASILOVIĆ – vijećnik Socijaldemokratske partije**

Zahvaljujem predsjedavajuća. Evo ja ću ovaj biti vrlo kratak obzirom da je gospođa Imamović djelimično odgovorila na neka moja pitanja. Prije svega evo i želim da ovaj izrazim svoje zadovoljstvo izradom ovog Regulatornog plana. Mene zanima, ovaj, da li je evo u sklopu ovog Fakulteta za tjelesni odgoj i sport planiran, dakle, kao što je Merima, ovaj, spominjala i

teren za veliki fudbal i atelska staza? Tako da bi se poklopilo, ovaj, scijela branša sportova, recimo da se mogu klubovi koristiti te sportske objekte.

Takođe vidim tamo da je istaknuto da će svi građani moći koristiti usluge ovih sportskih objekata.

I takođe me zanima da li mogu klubovi koristiti navedene iz grada Tuzle, a i šire? Ovaj, tako da bi se u budućnosti rasteretila, rasteretili postojeći sportski objekti, a to su naravno dvorana Mejdan i stadion Tušanj, ovaj, samim tim Univerzitet bi mogao i ostvarivati, ovaj, prihode od iznajmljivanja istih. I takođe evo i bilo je riječi o tome moglo bi se i organizovati i velika sportska natjecanja i mislim da bi svi trebali, ovaj da jednoglasno podržimo ovaj Regulacioni plan i ovaj ja se iskreno nadam, evo i kolegica Selma je to govorila da će to što prije zaživiti i da ne moramo čekati mi mladi duboku starost da bi koristili, ovaj, usluge Kampusu. Eto toliko. Hvala.

## **NATAŠA PERIĆ**

U redu. Hvala. Vijećnik Nusret Muminović. Nema ga. Vijećnik Zijah Rifatbegović. Izvolite. Evo poslije Zijaha. Izvinjavam se.

## **ZIJAH RIFATBEGOVIĆ – vijećnik Stranke demokratske akcije**

Eh. Hvala vam. Želim sve da vas pozdravim. Zahvaljujem se uvažanim našim profesorima i uvaženom gospodinu Dropiću na prekrasnoj prezentaciji. Kolege koje su imale diskusiju, vrlo su konstruktivne diskusije. Ovdje uopšte nije pitanje da li mi to hoćemo? Nama to treba i to je budućnost i perspektiva ne samo grada Tuzle nego i kantona i regije.

Postavlja se pitanje što je uvaženi kolega ovaj Šefik rekao vlasničkih odnosa? Ovdje imao tri subjekta. Jedan subjekt je Univerzitetski klinički centar, koji je tercijalna ustanova naj jača u državi po uslugama koje pruža i čiji se interesi ne mogu zanemariti u odnosu na Univerzitet koji je najsnažnija naša naučno – nastavna baza kako Kliničkog centra tako i države.

I naravno. Postavlja se sad treći tu subjekt. To je vojska. Kako sam ja mogao razumjeti iz ovih diskusija, ti vlasnički odnosi nisu uređeni. Mi ne možemo donijeti odluku da idemo da gradimo nešto, a da ne ispoštujemo ono što je Klinički centar tražio. Tamo je naša Psihijatrijska klinika. Tamo leže ozbiljni bolesnici. Mi smo u nekoliko navrata, meni je poznato to što je gospodin Šefik govorio. Meni je to poznato. Mi smo u nekoliko navrata tražili da se taj status zgrade definiše. Od 2006. godine mi tražimo da se taj status zgrade definiše. Do danas ga nismo definisali. Mislim da prije ovakvog perspektivnog i dobrog projekta treba uzeti u obzir interese Kliničkog centra koji posjeduje tamo objekte bez kojih u ovom momentu mi ne možemo. Mi negdje oko deset do dvanaest hiljada usluga pružamo u toku dana. Nije sporno sadržaj koji će se imati univerzitetski grad. To je sasvim urađeno na jednoj razini visokoj i svemu ovom ostalom.

Govorim o parkiranju, o gradnji parkirališta i o gradnji svega onog što ide u tom smjeru. Mislim da je to ipak prioritet kada o svemu govorimo riješiti vlasničke odnose. Ne možemo krenuti u projekat od milijardu kovertibilnih maraka. Neće biti milijardu sigurno, a da pri tome ne uvažimo sva dosadašnja potraživanja subjekata o kojima smo govorili. Eh, hvala vam lijepo.

## **NATAŠA PERIĆ**

U redu. Hvala. Vijećnica Esana Kavazbašić Huskanović. U redu. Daću ja, ovaj, priliku svima da odgovore. Evo samo da privedemo kraju diskusiju vijećnika, pa nek odgovore.

## **ESANA KAVAZBAŠIĆ HUSKANović**

Ja neću dugo, ovaj, što se mene tiče želim čestitati svima onima koji su učestvovali u ovom projektu, jer zaista sam iznenađena da je neko uopšte došao na ideju da nešto ovako, na nešto ovako da potroši vrijeme i trud i za projektnu dokumentaciju i ostalo što je trebalo, za idejni projekat da napravi nešto ovakvo u Tuzli.

Većina mojih prijatelja svoju djecu šalju po zapadu na univerzitetu Beč, Njemačku i ne znam ti gdje sve ne, Sarajevo, koji nemaju mogućnosti izaći napolje. Smatram da ovako jedan projekat ako se sprovede u Tuzli, a nadam se da hoće. Ne da će privući studente iz čitave Bosne i Hercegovine, već će privući i studente iz čitavog okruženja.

Znači, ako mi uspijemo realizirati ovako jedan kvalitetan, dobar projekat sa našim stručnim osobljem, sa našim profesorima koji će imat mogućnost za pravi naučno istraživački rad, koji će imat mogućnost da iz...o...prav...školoavanje na evropskom nivou. To će bit fantastično.

Smatram da ove probleme koji su sad u startu jesu problemi, ali nisu razlog da odbijemo ovakav jedan projekat. Te stvari se na kraju krajeva mogu riješiti usput. Mogu se naći kompromis ko u svemu što se nađu, al smatram da, ovaj, ovu ideju ne treba pustiti, da ne treba glasat protiv nje i da je treba po svaku cijenu podržat. Jer nešto ovako ako se napravi u Tuzli, to će nas u intelektualnom smislu izbacit na visok nivo. (NATAŠA PERIĆ – U redu). I to ovako nam zaista treba.

Zaista želim čestitat ljudima koji su došli na ovu ideju, koji su kreirali nešto ovako. Svaka im čast. Zaista sam ponosna na nešto ovako i podržaćemo ih u svakom smislu.

## **NATAŠA PERIĆ**

U redu. Hvala. Ja ću samo zamolit da diskusije vijećnika privodimo kraju, ovaj, samo malo. Pošto je ovo ipak nacrt, mislim, nema potrebe da se sad replicira. Sve što kažete ulazi kao dio javne rasprave i svi koji su uključeni u ovo će da razmotrit sve mogućnosti, tako da vas molim evo da se ne javljamo ako nema potrebe neke posebne.

Vijećnica Selma Čatibušić. Jeste se vi javili? Vi ste se...Dobro. Povlačite. Hvala. Alen Kapidžić. Izvolite.

## **ALEN KAPIDŽIĆ**

Pa samo kratko, ovaj, pošto evo postavljamo pitanje vlasničkog odnosa, ja kolko vidim ovdje da Klinika o kojoj mi govorimo nije u obuhvatu Regulacionog plana. Znači tako je Psihijatrijska klinika. A evo postavlja se stalno pitanje kroz diskusije tih vlasničkih odnosa. Al moramo imat na umu stvarno da, ovaj, prilikom svakog usvajanja Regulacionog plana smo dobijali ovdje i znamo mi to. Ne znam zašto postavljamo to kao problem. Jer u ovoj fazi usvajanja Nacrta regulacionog plana, pa čak i Regulacionog plana, ne trebaju bit u suštini riješeni vlasnički odnosi, nego se to rješava kad dolazi do izgradnje. Ako ja sam dobro shvatio kroz ove sve regulacione planove koje smo usvajali. Eto samo toliko. Hvala.

## **NATAŠA PERIĆ**

U redu. Hvala. Nusret Muminović. Izvolite.

## **NUSRET MUMINOVIĆ – samostalni vijećnik**

Pozdravljam prisutne. Mislio sam da neću nikad dočekat da se složim s Omerom Berbićem, al ovaj put ću se zaista složiti sa ovom njegovom diskusijom. Priča o obrazovanju u Bosni i Hercegovini je nešto za šta ja cijenim i mislim da je možda i jedina mogućnost da ova naša država, društvo izade iz hajd da kažem iz svih mogućih oblika krize.

Ovaj nacrt ovo Vijeće treba podržati, a svim ustanovama i za sva osnovana i za sva pitanja koja su pristekla iz ovih diskusija, neka se u narednom periodu pozabave određene naredne službe. Toliko. Hvala.

## **NATAŠA PERIĆ**

U redu. Hvala. Vijećnik, samo malo. Anel Ibeljić. Anele izvoli.

## **ANEL IBELJIĆ**

Ma ja ću samo kratko rečenicu dvije. Stvarno morao sam se javiti, ovaj, ponukan diskusijom kolege Zijaha. Kratko ću se samo nadovezati. Mi ovdje danas usvajamo Nacrt regulacionog plana, baš kao što je rekao kolega Alen Kapidžić i mi ovdje nismo tu da odlučujemo o tome ko je vlasnik imovine. Znači, nas kao Gradsko vijeće ne treba da interesuje, niti mi možemo raspravljati o tome čije je imovina vlasništvo. Da li je to riječ o perspektivnoj vojnoj imovini, ne perspektivnoj, bilo kakvoj imovini, privatnoj imovini? To stvarno nas ne interesuje. Mi usvajamo znači jedan dokument koji predstavlja plan šta tu treba da bude. E sad dal će to bit privatno vlasništvo, državno, bilo kakav oblik vlasništva? To znači stvarno nas ne zanima i mislim da smo pogrešno krenuli u ovoj diskusiji od starta, (NATAŠA PERIĆ – Dobro. Evo zato imaju...) te tako da mislim trebamo se držat tačke Dnevnom reda.

## **NATAŠA PERIĆ**

Može replika. Zijah Rifatbegović.

## **ZIJAH RIFATBEGOVIĆ**

Nismo mi uopšte, ovaj, nije ništa sporno da mi to hoćemo. Nije uopšte sporno. Ja nisam iz te struke, pa ne mogu sad, ne znam, ne znam formalno pravno kako ide. Ali, ako je Psihijatrijska klinika već od 2006. godine dobija negativan odgovor i Klinički centar kao temeljna ustanova, ne može da provede i upiše u vlasništvo ono što koristi već od 2006. godine, onda očigledno nešto nije to čisto.

Druga stvar, da li se može Regulacioni plan praviti ako nisu riješeni vlasnički odnosi? (NATAŠA PERIĆ – Može). E, to je nešto što ja ne znam i evo ja prihvatam. (NATAŠA PERIĆ – Evo rekla je gospođa na početku). Ja prihvatam, mislim malo mi jeste. (NATAŠA PERIĆ – I odgovoriće). Neću to sad polemizati. (NATAŠA PERIĆ – Ma da). Malo mi nelogično da sad, ovaj, pravi se, al takav je (NATAŠA PERIĆ – Pa takvo je pravilo. Takva su pravila). U redu je. Ne, ne, ne, ne sporim to. (NATAŠA PERIĆ – Mislim, možda je to sad i...). U redu je. A uopšte nije sporno dal to nama treba? Šta to nama znači? To je bez daljnjeg. (NATAŠA PERIĆ – Ma razumijem, al evo, mislim, gospođa je odma na početku svojih obrazlo...). Ja se bojim samo da ne uđemo u (NATAŠA PERIĆ – Nećemo uć) nešto što kasnije nećemo mi imat problem vezano za to. (NATAŠA PERIĆ – Pa ja, mislim da trebamo vjerovat struci i...). Ma ne u redu je to. (NATAŠA PERIĆ – Pa zato kažem. Replika. Kome?). Al evo Klinički centar od 2006. godine (NATAŠA PERIĆ – Znam) ne može da uđe u, u, u vlasničku strukturu.

## **NATAŠA PERIĆ**

Izvolite. Šefik. Jel replika? Izvolite. De samo Zijah ako možete.

## **ŠEFIK HUSIĆ**

Upravo ovo o čemu je kolega Zijah rekao, znači, pitanje, neosporno je znači da se ne slažem sa izgradnjom tog kompletnog Komplexa i njegovom svrhom i tako dalje, nego je pitanje, znači, nisam čuo da je gospođa rekla i molio bi samo evo da ponovi. Jel se može graditi, znači, ako nisu riješeni imovinsko pravni odnosi? (NATAŠA PERIĆ – Možete. Smo malo molim. Odgovorićete. Usvajat plan. Nije, ona je rekla a...). Imamo dvije, imamo dvije parcele, znači, i jedna i druga (NATAŠA PERIĆ – Dobro. Molim vas). Znači, gdje je Kampus i parcela je Klinika za psihijatriju spadaju u ne perspektivnu vojnu imovinu.

Nikad nismo mogli dobit, znači, vlasništvo te parcele gdje je Klinika za psihijatriju i zato mi ovdje ne štima ništa, znači, (NATAŠA PERIĆ – Dobro. Gospođa će o...) kako je Univerzitet uveo u vlasništvo? Možemol dobit dokument, znači, koji kaže evo da je to vlasništvo Univerziteta trajno? Hvala.

## **NATAŠA PERIĆ**

U redu. Hvala vam Šefik. Evo i Senad Mehmedinović, kao posljednji vijećnik.

## **SENAD MEHMEDINOVIĆ – vijećnik Pokreta demokratske akcije**

Poštovana predsjedavajuća, zamjenici, kolege vijećnici, predstavnici Univerziteta, sve vas srdačno pozdravljam. Mislim da se trebamo držati nadležnosti Gradskog vijeća i ono o čemu mi danas treba da raspravljamo, a tako je da izglasamo Regulacioni plan prostorne cjeline Stara Kasarna- Kampus Univerziteta u Tuzli.

Ono što mene predsjedavajuća raduje, a to sam pričao i prošli put kad smo govorili o Univerzitetu u Tuzli da se, da je primjetna saradnja između Univerziteta u Tuzli i Gradske uprave Tuzla. Znači, institucije, pa evo i zgrade jedna preko puta druge i mislim da se trebaju iskoristiti potencijali kako Gradske uprave, tako se treba isto iskoristiti potencijali Univerziteta u Tuzli.

Ako govorimo o potencijalima Univerziteta u Tuzli, tu najviše mislim na studente, na buduće akademske radnike i oni koji će unapređivati i prenositi svoje znanje.

Sudbonosno je izgleda bilo da ovaj saziv Gradskog vijeća usvoji veoma bitan dokument koji se naziva Statut Grada Tuzle, a mislim i da je sudbonosno da Gradsko vijeće u ovom sazivu usvoji nešto što se odnosi na Regulacioni plan i na Kampus Univerziteta u Tuzli, koji je jedan od najvećih sigurno projekata proteklih godina.

Kada govorim o saradnji Grada Tuzle i Univerziteta, vrijedi naglasiti i ovdje što je navedeno u uvodu da je ova za budući dio grada vrlo značajna zona. Prepoznata je najprije prostornim planom grada Tuzle za period 2010 – 2030. godine, kojim je utvrđena kao zona budućeg razvoja. Ono što bi ja (NATAŠA PERIĆ – Molim vas malo tišine) informacije koje ja imam, naravno ovo može trajati deset, dvadeset, trideset, četrdeset i pedeset godina, međutim, mislim da će se parcijalno projekat izvoditi, a kad govorim parcijalno izvoditi, to znači da će se sa prilivom određenih sredstava raditi i na rekonstrukciji objekata u Kampusu Univerziteta u Tuzli.

Moj prijedlog bi bio sljedeći, obzirom da vidim da se ovdje dobar dio vijećnika drži svoje struke. Držim se naravno i ja svoje struke i predložio bi da ova rekonstrukcija objekata koja bude, da se vodi računa o principima univerzalnog dizajna.

Dakle, mi imamo studente sa invaliditetom, koji pohađaju Univerzitet u Tuzli i mislim da bi bilo lijepo da vodimo računa o uredbi i uklanjanju arhitektonskih barijera koja je usvojena na nivodu Federacije, kako bismo stvorili jel tako inkluzivno društvo i odnosno da studirati mogu svi, a ne da imaju određene arhitektonske prepreke.

Ja čestitam menadžmentu Univerziteta u Tuzli. Jasno je da menadžment Univerziteta u Tuzli ima jasnu viziju kada je u pitanju Kampus i ono što ćemo mi profitirati od Kampus, profitirat ćemo zato što će to biti mjesto gdje će se razmjenivati i unapređivati znanje, a mislim da je znanje nacionalno blago. Hvala najljepše.

## **NATAŠA PERIĆ**

U redu. Hvala. Zaključujem raspravu vijećnika. Zamoliću sada gospodina Husejna Dropića da odgovori na pitanja, a onda i Selmu, ako ima potrebe. Znači, nema više postavljanja pitanja, diskusija, ništa. Al evo može Husejn je zapisivao, je li tako?

## **HUSEJN DROPIĆ - diplomirani inženjer arhitekture**

Jesam, nešto sam bilježio. Evo ja osjećam potrebu, prije svega da vam se zahvalim svima za izražene pohvale, za ovo što smo radili mi i Zavod za urbanizam. To je jedno. I drugo. Možda samo da napomenem, ona neka pitanja koja nisu odgovorena, a vezana su za gospodina vijećnika Delalića. Vezano za sportske sadržaje.

Tamo su predviđena dva bazena. Jedan 33,33 metara, znači, oficijelno takmičarski bazen i jedan bazen 25 metara. To su zatvoreni bazeni. Oba su zatvorena.

Predviđena je sportska dvorana veličine rukometnog igrališta, sa ovaj, puno vanjskih igrališta za tenis i za odbojku.

Neko je spominjo i fudbalsko igralište. Vidite. Fudbalsko igralište je jedna velika površina koja je objektivno preskupa u ovom Kompleksu i nije, nije fudbalsko igralište nije predviđeno niti ima potrebe i ja nisam sreo da se u nekim savremenim kampusima nalazi, ovaj, to, ta vrsta, ovaj, igrališta pored ovih kažem sportova koji traže manje površine.

Ovo sam još htio reći. Trebalo bi da možda eto, ovaj, i kolegica Imamović je objasnila, a evo i ja ću vam reći. Plan ko plan. Vi ovo što vidite ovdje to je dio onoga što je, što je urađeno. Dio. Eto da računate da je ovdje provučena i kompletna infrastruktura podzemna koja se ne vidi. Isto ko kad vi gledate bilo koga nas, ne vidi se unutrašnjost, ovaj, nego vidite neku spoljašnjost.

I plan je jedan ozbiljan dokument za bilo kakvu, ovaj, intervenciju u ovom prostoru. Znači, mi imamo već povučene osnovne trase instalacija, provučene saobraćajnice, provučene, ovaj, sve, sve instalacije provučene. I znamo tačno gdje, gdje se može ovo gradit. Pod kakvim uslovima, sa kakvim priključcima. To je, to je jedan, ovaj, kažem, kad bi sve se to prezentiralo, to bi bilo jako, jako puno toga. I mislim da i nema potrebe.

I zbog toga je plan i zbog toga je plan jako dobar. Plan je plan. U kojoj mjeri će se ovo realizirati? To je stvarno ovaj isto diskutabilno. Ali Univerzitet ima svoj plan razvoja. Ide sad na prvu fazu realizacije. To je ova ovdje evo ova centralna, centralna ova, ova zona. To je ovdje ovaj dio, ovaj dio ovdje, gdje su one četiri kasarne koje treba redizajnirati i dograditi i još ovdje izgraditi ovaj ove neke sadržaje, odnosno, Fakultet, ovaj, dramskih, Akademiju dramskih umjetnosti i ovo. Hoću, hoću reći, ovo će nastajt onako kako se bude i moglo i bude, ovaj, željelo i moglo, da tako kažem.

A kad je u pitanju ovdje Klinički, moram reći da je Psihijatrijska klinika izvan ove zone obuhvata. Izvan. I eto to je onaj sasvim jedan drugi lokalitet, koji je gore, ovaj, daleko još. A najveći doprinos vjerovatno Kliničkom centru ovaj Kampus bi dao izgradnjom ove, ovaj,



garažne višespratne kuće i lokacijom Medicinskog i Stomatološkog fakulteta, kao i lokacijom ove studentske ambulante u neposrednoj blizini Kliničkog centra, ovaj, to je vrlo, vrlo blizu.

I nisu oni slučajno postavljeni ovdje da bi baš pomogli u funkcionisanju i, i poboljšali uslove sadašnjeg stanja gore u Kliničkog centru. Eto to je. (NATAŠA PERIĆ – U redu. Hvala vam). Ako, ako zaista treba još nešto? (NATAŠA PERIĆ – Ne treba ništa). Ali kažem, vrlo je široka ova i ovo je kompleksno sve skupa da, da bi vas opterećivao.

## **NATAŠA PERIĆ**

Hvala Selmi i hvala vama Husejne i svima iz Univerziteta.

Stavljam na usvajanje Nacrt regulacionog plana...al predlažem ove podtačke da zajedno glasamo. Dobro. Znači pod:

a) NACRT REGULACIONOG PLANA PROSTORNE CJELINE ZONA BUDUĆEG RAZVOJA „STARA KASARNA – KAMPUS UNIVERZITETA U TUZLI“

b) NACRTA ODLUKE O PROVOĐENJU REGULACIONOG PLANA PROSTORNE CJELINE ZONA BUDUĆEG RAZVOJA „STARA KASARNA – KAMPUS UNIVERZITETA U TUZLI“ i

c) PROGRAMA JAVNE RASPRAVE O NACRTU REGULACIONOG PLANA PROSTORNE CJELINE ZONA BUDUĆEG RAZVOJA „STARA KASARNA – KAMPUS UNIVERZITETA U TUZLI“ i molim vijećnike da se izjasne o pročitanim tačkama, podtačkama. Glasanje je okončano.

Konstatujem da je NACRT REGULACIONOG PLANA PROSTORNE CJELINE ZONA BUDUĆEG RAZVOJA „STARA KASARNA – KAMPUS UNIVERZITETA U TUZLI“

NACRT ODLUKE O PROVOĐENJU REGULACIONOG PLANA PROSTORNE CJELINE ZONA BUDUĆEG RAZVOJA „STARA KASARNA – KAMPUS UNIVERZITETA U TUZLI“ i

PROGRAM JAVNE RASPRAVE O NACRTU REGULACIONOG PLANA PROSTORNE CJELINE ZONA BUDUĆEG RAZVOJA „STARA KASARNA – KAMPUS UNIVERZITETA U TUZLI“ usvojen sa,

23 glasa za, niko nije bio protiv i nije bilo suzdržanih.

Još jednom se svima zahvaljujem koji su došli i predočili nam ovo stanje. Hvala vam.

Samo malo. Ja bih evo ako može na četvrtu tačku pa onda pauza da bude? A vi možete ići. Vi ste slobodni koji nemate...(Hvala vam.) Hvala vama.

Prelazimo na četvrtu tačku to je:

## **ODLUKA O IZMJENI ODLUKE O PRISTUPANJU IZRADI ZONING PLANA REKREACIONE ZONE “ŠIĆKI BROD” U TUZLI**

Predlagač je gradonačelnik Grada Tuzla.

Obrađivač: Služba za prostorno uređenje i zaštitu okoline i Upravna organizacija Zavod za urbanizam, a materijal su razmatrali: Komisija molim vas malo tišine. Komisija za statutarna pitanja i propise, Komisija za prostorno uređenje i zaštitu okoline i klubovi vijećnika.

Ima li potrebe za uvodnim izlaganjem? Nema.

Ima li potrebe da se pročitaju izvještaji komisija? Nema.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Omer Berbić. Kasno ste digli ruku za Klub pa...(vijećnik Omer Berbić govori bez uključenog mikrofona op.a) Aha.

### **OMER BERBIĆ**

Eto jer imam samo (NATAŠA PERIĆ – Recite.) samo jedno pitanje. U suštini mene zanima čija je ideja da se pristupi prolongiranju ovog Zoning plana rekreacione zone (NATAŠA PERIĆ – Dobro.) i da li to znači da je ovo još jedan plan koji nećemo provest u djelo u idućih 5 godina, nego je samo bilo neko predizborno, predizborni spin?

### **NATAŠA PERIĆ**

Dobro. Da li se još neko javlja od vijećnika? Vijećnik Senad Mehmedinović. Omare vi možete sjesti ovdje. Izvolite Senade.

### **SENAD MEHMEDINOVIĆ**

Ma ništa samo jedna tehnička u tekstu ovdje ovo Bosna i Hercegovina Federacija Bosne i Hercegovine predsjedavajuća pa je to ispod tekstova dole a trebalo bi da bude gore. Ne može Država Bosna i Hercegovina biti dole u dnu znači, ona treba da bude iznad svega, pa tako da se prilikom pisanja akata samo gore prebaci.

### **NATAŠA PERIĆ**

U redu. Hvala. Da li se još neko javlja ispred vijećnika? Ne.

Zaključujem raspravu vijećnika.

Zamolit ću Omara da odgovori na pitanje vijećnika Berbića. Izvolite. Omar Hadžić pomoćnik gradonačelnika – Služba za prostorno.

### **OMAR HADŽIĆ – pomoćnik gradonačelnika za Službu za prostorno uređenje i zaštitu okoline**

Hvala predsjedavajuća. Lijep pozdrav vama i svima prisutnima. Kratak odgovor gospodinu Berbiću. Ne radi se o prolongiranju nego se radi o tome da će plan da važi ne 5 godina nego 10 godina što znači, da se u roku od 10 godina može, mogu tražiti dozvole u skladu sa planiranim sadržajima. Mi ćemo ovaj plan u formi prijedloga imat u decembru mjesecu. Odlukom o pristupanju izradi se utvrđuje period važe-nja regulacionog plana do kada taj plan važi , ne kada će se realizovati, nego hoćel se realizovat ili neće i u kojem omjeru isto kao i maloprije mi to ne znamo. Znači, maksimalan period važenja nekog planskog dokumenta je pet do deset godina. Mi smo se sad opredjelili da ispravimo na vrijeme prije nego što dođemo sa prijedlogom koji će biti u decembru da 5 godina zamjenimo sa maksimalnih 10 da bi se zapravo imalo više vremena i prilike da se realizuju sadržaji koji su planirani regulacionim planom. Hoće li se realizovati u jedan, pet, deset, petnest, sto, pedeset posto to mi ne možemo nikad znati, ali plan će da važi 10 godina ukoliko danas to izglasate.

### **NATAŠA PERIĆ**

U redu. Hvala vam Omare. (Hvala vama.)

Stavljam na izjašnjavanje ODLUKU O IZMJENI ODLUKE O PRISTUPANJU IZRADI ZONING PLANA REKREACIONE ZONE "ŠIĆKI BROD" U TUZLI i molim vijećnike da se izjasne. Glasanje je okončano.

Konstatujem da je ODLUKA O IZMJENI ODLUKE O PRISTUPANJU IZRADI ZONING PLANA REKREACIONE ZONE "ŠIĆKI BROD" U TUZLI usvojena sa, 20 glasova za, nije bilo protiv i nije bilo suzdržanih.

Predlažem da još jednu tačku razmotrimo pa da napravimo jednu pauzu.

Znači peta tačka je:

**RAZMATRANJE I USVAJANJE :**

**RJEŠENJA O RAZRJEŠENJU DVA ČLANA GRADSKE IZBORNE KOMISIJE**

**b) IZVJEŠTAJA O PROVEDENOJ PROCEDURI ZA IMENOVANJE DVA ČLANA GRADSKE IZBORNE KOMISIJE PO JAVNOM OGLASU ZA IMENOVANJE DVA ČLANA GRADSKE IZBORNE KOMISIJE TUZLA, OBJAVLJENOG 03. 10. 2022. U "VEČERNJEM LISTU" I NA WEB STRANICI GRADA TUZLA ([www.tuzla.ba](http://www.tuzla.ba))**

**c) RJEŠENJA O IMENOVANJU DVA ČLANA GRADSKE IZBORNE KOMISIJE TUZLA I**

**d) RJEŠENJE O IZMJENI RJEŠENJA O PRENOSU OVLAŠTENJA ZA OBAVLJANJE POSLOVA KOJIMA SE VRŠI RASPOLAGANJE SREDSTVIMA GRADSKE IZBORNE KOMISIJE**

Predlagač je Kolegij.

Obradivač: Stručna služba Gradskog vijeća (pod a, c i d) i Konkursna komisija za imenovanje dva člana Gradske izborne komisije (pod b).

Materijal su razmatrali: Komisija za statutarna pitanja i propise Komisija za izbor i imenovanja i klubovi vijećnika.

Ima li potrebe za uvodnim izlaganjem? (Nema.)

Otvaram raspravu klubova vijećnika. Vijećnik Omer Berbić. Izvolite.

**OMER BERBIĆ**

Hvala ljepo. Ja mislim da je ovo jako bitna tačka Konkursna komisija za imenovanje dva člana Gradske izborne komisije Tuzla. Vidjeli smo da iako je naša izborna Komisija uradila vrlo korektan ovaj zadatak za ove izbore ovdje se opet postavlja pitanje zbog čega se i da li se politički neki ljudi stavljaju u Gradsku izbornu komisiju. Zašto ovo govorim?

Prošli puta kada je bilo opet postavljanje ljudi u Gradsku izbornu komisiju, odnosno biranje, kolega Mehmedinović je, ja ću ovaj, njega moram citirat jer je to jedan od boljih citata koje sam čuo u ovom Gradskom vijeću. Vidi se da su neki ljudi ovdje hafizi Izbornog zakona u suštini znaju ga napamet i ovdje se vidi da su ljudi koji su prošli Izborni zakon malte ne citirali u riječ do riječ, odnosno da su ljudi koji su ovdje prošli imali vrlo jednake odgovore u odnosu na dva kandidata koja nisu prošla što opet postavlja jednu sumnju u cijeli proces da li su ljudi imali ta pitanja unaprijed ili nisu imali pitanja unaprijed. Jer ako pogledate zaista se vidi da je na intervjuu spušten, spuštenu kandidatkinja Jelena koja ima magistarski u odnosu na kandidata Davora koji ga nema. Znači, Jelena je imala dva boda više, pa je onda na intervjuu spuštenu kod gospođe Džindo Mersihe. Umjesto da je dobila četiri boda ona je dobila tri boda. Evo kod svih ostalih dobila je četiri boda, ovdje kod gospođe Džindo je dobila tri boda, što je na kraju spustilo na 11,66 u odnosu na Davora Piljića koji je imao ukupan broj bodova od 12. Znači,

opet se na intervjuu spustio jedan kandidat koji je objektivno, odnosno kandidatkinja koja je bolja. Evo ona ima i magistarski, gospodin nema i to na jedan brutalan način se spustio, spustila ova gospođa, a kada se uzme činjenica, odnosno način na koji su oni odgovarali na ova pitanja onda se ovdje postavlja sumnja da li je, da li su ova dva čovjeka, odnosno da dva čovjeka koja su izabrana da li su oni izabrani u skladu sa zakonom i da li, da li je njihovo imenovanje zaista imenovanje najboljih ljudi od ovo četvoro koji su se ovdje prijavila? (NATAŠA PERIĆ – Hvala.) Nisam završio oprostite. (NATAŠA PERIĆ – Aha.)

Ne bi trebalo da Gradsko vijeće...ovo x y puta smo i kada se ljudi jave za nadzorne upravne odbore javne, odnosno postavljanje direktora itd. Mislim jasno je da je to politički neki izbor i ja to nikada nisam dvojbio. Okej imate to, to, na taj način napravite da je to politički izbor, ali zaista u Gradsku izbornu komisiju ne bi trebalo na politički način birati ljude i ne bi trebali ljude spuštati po osnovu intervjuu ukoliko su oni bolji po osnovu drugih dokumenata, jer i isto tako odgovori na intervjuu su i više nego zadovoljavajući i ove gospođe koja, vrlo vjerovatno ove gospođe koja nije prošla s obzirom da ona, ona ima magistarski nevjerovatno je da ona zna manje od, od gospodina Davora koji nema magistarski. Opet nažalost izgleda da se politika umješala u rad Gradske izborne komisije iako je zadnji puta kada su se birali ljudi nije bilo tako i mislim da ćemo opet dobit jednu politički, politički motivisanu Gradsku izbornu komisiju donekle, s obzirom da ljudi koji sada sjede imaju, imaju nekog iskustva i mimo politike i to ne treba da nam bude praksa i ulazimo evo u gradske izbore očigledno i u izbore za VD, odnosno za gradonačelnika kroz dva mjeseca sa jednom Gradskom izbornom komisijom u koju postoji čvrsta sumnja da je ovaj konkurs na neki način, pa mogu reći usmjeren ka dva, ka dvoje kandidata u odnosu na trećeg koji, koji ima magistarski rad. (NATAŠA PERIĆ – U redu.) Mislim da je to sramota za ovo Gradsko vijeće.

Ja ću glasati protiv ovog evo iz ovih razloga koje sam objasnio. Nemam ništa protiv ljudi lično, ali na ovaj način da se postavljaju kandidati u Gradsku izbornu komisiju protiv toga imam. Hvala ljepo.

## **NATAŠA PERIĆ**

Dobro. Da li se još neko javlja ispred klubova vijećnika. Vijećnica Esana. Izvolite.

## **ESANA KAVAZBAŠIĆ HUSKANović**

Pa ja sam, ja sam istog mišljenja kao kolega Omer Berbić, jer sinoć kad sam uzela ovu dokumentaciju i pregledala prvo što sam pogledala koji su kandidati imali najviše ocjene, odnosno koji su imali savršene ono 100% bodove i odma se moglo znati koji su ti kandidati koji su podobni za tu funkciju prema stranačkoj, nacionalnoj ili bilo kojoj opredjeljenosti.

Smatram za izbor i za imenovanja u dosadašnjem periodu da je svaki put bila ta praksa znači, da kandidati koji su podobni i maju najveći broj bodova i da se treba maći od te prakse da ljudi trebaju biti birani prema svom kvalitetu, a ne prema stranačkoj podobnosti ili nacionalnoj podobnosti i da trebamo početi već jednom ljude birati prema onom njihovom znanju, prema završenoj školi i prema svim drugim kriterijima osim ovih koji su trenutno na snazi.

Tako da vas molim...Mi ćemo glasat, ja ću glasati protiv, al smatram stvarno do sad sve izbore koje smo imali, imenovanja funkcionisali su na isti način. Žao mi je bilo sinoć kad sam pogledala ponovo Davor Piljić pet-pet-pet-pet, Gordan Isabegović pet-pet-pet-pet, prvi na listi Gordan Isabegović drugi Davor Piljić znači, maksimalni broj bodova i sve je bilo jasno. Hvala.

## NATAŠA PERIĆ

Zaključujem raspravu klubova vijećnika.

Otvaram raspravu vijećnika.

Zaključujem raspravu vijećnika.

Stavljam na izjašnjavanje pod a) RJEŠENJE O RAZRJEŠENJU DVA ČLANA GRADSKO IZBORNE KOMISIJE Ovo moram pojedinačno. Molim vijećnike da se izjasne. Glasanje je okončano.

Konstatujem da je RJEŠENJE O RAZRJEŠENJU DVA ČLANA GRADSKO IZBORNE KOMISIJE usvojeno sa, 24 glasa za, nije bilo protiv i nije bilo suzdržanih.

Pod b) Stavljam na izjašnjavanje IZVJEŠTAJ O PROVEDENOJ PROCEDURI ZA IMENOVANJE DVA ČLANA GRADSKO IZBORNE KOMISIJE TUZLA PO JAVNOM OGLASU ZA IMENOVANJE DVA ČLANA GRADSKO IZBORNE KOMISIJE TUZLA, OBJAVLJENOM 03. 10. 2022. U "VEČERNJEM LISTU" I NA WEB STRANICI GRADA TUZLE ([www.tuzla.ba](http://www.tuzla.ba)). Molim vijećnike da se izjasne. Molim? Poništavam glasanje i molim da se ponovo izjasnite. Molim vas koncentrirajte...Niste se dogovorile. Glasanje je okončano.

Konstatujem da je IZVJEŠTAJ O PROVEDENOJ PROCEDURI ZA IMENOVANJE DVA ČLANA GRADSKO IZBORNE KOMISIJE TUZLA PO JAVNOM OGLASU ZA IMENOVANJE DVA ČLANA GRADSKO IZBORNE KOMISIJE TUZLA, OBJAVLJENOM 03. 10. 2022. U "VEČERNJEM LISTU" I NA WEB STRANICI GRADA ([www.tuzla.ba](http://www.tuzla.ba)) usvojen sa,

20 glasova za, 2 su bila protiv i 2 suzdržana.

Molim da se izjasnimo o RJEŠENJU O IMENOVANJU DVA ČLANA GRADSKO IZBORNE KOMISIJE TUZLA. Glasanje je okončano.

Konstatujem da je RJEŠENJE O IMENOVANJU DVA ČLANA GRADSKO IZBORNE KOMISIJE TUZLA usvojeno sa,

20 glasova za, 2 su bila protiv i 2 suzdržana.

Stavljam na izjašnjavanje RJEŠENJE O IZMJENI RJEŠENJA O PRENOSU OVLAŠTENJA ZA OBAVLJANJE POSLOVA KOJIMA SE VRŠI RASPOLAGANJE SREDSTVIMA GRADSKO IZBORNE KOMISIJE TUZLA. Molim vijećnike da se izjasne. Glasanje je okončano.

Konstatujem da je RJEŠENJE O IZMJENI RJEŠENJA O PRENOSU OVLAŠTENJA ZA OBAVLJANJE POSLOVA KOJIMA SE VRŠI RASPOLAGANJE SREDSTVIMA GRADSKO IZBORNE KOMISIJE usvojeno sa,

24 glasa za, nije bilo protiv i nije bilo suzdržanih.

Pauza 30 minuta. (Pauza.)

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Molim vijećnike da uđu u salu za sjednicu počinjemo sa sjednicom, odnosno nastavljamo.

Nastavljamo sa sjednicom.

Došli smo do tačke broj šest:

**ZAHTJEV SAMOSTALNOG SINDIKATA DRŽAVNIH SLUŽBENIKA I NAMJEŠTENIKA U ORGANIMA DRŽAVNE SLUŽBE, SUDSKOJ VLASTI I JAVNIM USTANOVAMA U FEDERACIJI BIH, SINDIKALNA ORGANIZACIJA GRADA TUZLA I SINDIKALNA ORGANIZACIJA PROFESIONALNE VATROGASNE JEDINICE TUZLA ZA ISPLATU JEDNOKRATNE POMOĆI I USKLAĐIVANJE OSNOVICE ZA PLAĆE SA POVEĆANIM TROŠKOVIMA ŽIVOTA**

Predlagač: Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji BiH, Sindikalna organizacija Grada Tuzla i Sindikalna organizacija Profesionalne vatrogasne jedinice Tuzla.

Materijal su razmatrali: klubovi vijećnika.

Da li ima potrebe za uvodnim izlaganjem? Nema.

Otvaram raspravu klubova vijećnika. Gospodin Mensur Alić.

**MENSUR ALIĆ**

Zahvaljujem predsjedavajuća. Evo dobili smo, imali smo ovaj zahtjev i na Kolegiju gdje smo ga i prihvatili da danas bude na Dnevnom redu. Poznavajući situaciju i velika poskupljenja koja su se desila od korone pa evo do ovog nesretnog rata u Ukrajini je su cijene porasle po mojoj nekoj evidenciji što vodim i što radim na tome je otprilike negdje oko 80% kada je u pitanju prehrambena, prehrambeni dio, a takođe i ostalih svi. Građevinski materijal, sve je poskupilo.

Tako da, mislim da ovaj zahtjev je opravdan, opravdan i da o njemu ne treba puno raspravljati zbog toga što dugo vremena nismo podizali lične dohotke kad je u pitanju javne ustanove i kada je u pitanju Gradska uprava.

Time neću dalje uopšte diskutovati nego ću predložiti odmah da, pošto nećemo glasati o ovoj tački, nego ćemo usvojiti zaključke samo, glasati ćemo zaključke, time smo stvorili uslove za ono što je sindikat zahtjevao.

Predlažem da se znači, pod jedan i pod dva obadva zaključka stave na glasanje, posle diskusija naravno i da evo ja kao predsjednik Kluba Tuzlanske alternative ću naravno, mi ćemo podržati ovaj, ove zaključke. Zahvaljujem se. Ne bih dalje.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem vijećniku Aliću. Za diskusiju se dalje javio vijećnik Nedžad Jusić, a neka se pripremi vijećnik Anel Ibeljić.

**NEDŽAD JUSIĆ**

E hvala. Ja se ne bih ponavljao vezano kolega Mensur nam što je rekao i vezano za ovaj zahtjev. I ja lično smatram takođe da je opravdan pomenuti zahtjev i da se treba na kraj krajeva pomoći radnicima koji su zaposleni u javnim ustanovama i nemam ništa protiv toga znači, da se to odradi.

Međutim, s obzirom pošto imamo i javna preduzeća ja bi dao jedan zaključak ukoliko je prihvatljivo za Gradsko vijeće, a to je: Da damo jednu preporuku javnim preduzećima u gradu

Tuzla da u skladu sa svojim mogućnostima pomognu svojim radnicima u vidu jednokratne novčane pomoći ili na neki drugi način. Hvala.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Vijećnik Anel Ibeljić, a neka se pripremi za diskusiju vijećnik Omer Berbić.

**ANEL IBELJIĆ**

Hvala zamjenice. Neću biti dug i opširan. Podržavam sve što je rekao kolega Mensur. Realnost jeste u stvari da je svakodnevni život građana poskupio usljed mnogobrojnih višestrukih razloga. Znamo svi da nas je zadesila nesretna pandemija, pa i ova agresija Rusije na Ukrajinu. Sve to je dovelo do visoke, jako visoke inflacije, tako da trenutne plate zaposlenih u Gradskoj upravi je li i u javnim ustanovama stvarno nisu, nisu visoke.

Da je to tako proizilazi iz ovog zahtjeva u kojem se navodi da se na pojedina mjesta uopšte ne prijavljuju novi kandidati. Znači, više pozicije, plate i Gradska uprava i javne ustanove nisu toliko atraktivne za, nisu toliko atraktivne za nove, za, za zaposlenike, za naše građane, tako da ta mjesta znači, moramo nekako poboljšati na način da stimuliramo one koji žele da rade taj posao kako bi pružili adekvatnu i što bolju uslugu našim građanima.

Bojim se, bojim se da, da ovim što, što do sad radimo ne doprinosimo mnogo tome, te smatram da su u stvari ovi zahtjevi, odnosno zaključci koji, koji se navode u ovim zahtjevima pozitivni, trebamo ih podržati i evo predlažem da ove, ove zahtjeve usvojimo u ime Kluba vijećnika SDP-a.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Replika. Omer Berbić.

**OMER BERBIĆ**

Pa mislim da je zaista malo smiješna tvrdnja da pozicija rada u Gradskoj upravi nije pozicija koja se traži, odnosno nije pozicija koja privlači mnoge ljude da na to apliciraju. Zaista mislim da je to jedna tvrdnja koja nema uporište u realnosti. Ja vam garantuje ukoliko bi ljudi znali da ova mjesta nisu namještena i da nisu politički podjeljena, da bi sigurno imali na svakom Javnom konkursu preko sto-dvjesto-tristo ljudi koji apliciraju, osim za one pozicije koje su deficitarne znači, na tržištu gdje su plate veće na tržištu za te stvari ja se slažem da treba možda povećati plate da bi se nekako napravila ta konkurencija tržišnim cijenama, ali za 70% pozicija, odnosno ljudi koji rade u Gradskoj upravi i sigurno imate više od sto-dvjesto aplikacija koji bi bez problema u svakom trenutku aplicirali. To je za mene malo smiješna tvrdnja.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Replika. Anel Ibeljić.

## **ANEL IBELJIĆ**

Pa ja se ne mogu složiti sa kolegom Omerom Berbićem. Ja sam razgovarao sa zaposlenicima Gradske uprave i sa šefovima nekih službi, konkretno Zavod za urbanizam. Oni su raspisali neki konkurs za, za prijem inženjera. Niko na taj konkurs se nije prijavio. Takva su ja mislim bila dva konkursa. Jednostavno plata za tu poziciju inženjersku nije, nije stimulirajuća za one koji su završili taj, taj fakultet iz razloga što je plata npr. inženjera u Sapni veća nego plata inženjera u Tuzli. Mislim na neki način moramo te, te razlike nivelisati i otkloniti sve to. Hvala.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Replika. Esana Kavazbašić. Kome?

## **ESANA KAVAZBAŠIĆ HUSKANović**

Ja se ne bih baš složila sa kolegom Anelom Ibeljićem iz jednog prostog razloga. Ja mislim da nije samo razlog zašto se ljudi ne prijavljuju na konkurse sami iznos plate, već da je više što ljudi su izgubili vjeru na način na koji se ljudi biraju na tim konkursima. Baš kao što se danas desilo za ovu Komisiju da oni koji po stranačkoj pripadnosti ili nekoj nacionalnoj pripadnosti znači su pogodni za tu poziciju, pa onda ljudi jednostavno ne žele više ni da se prijavljuju, jer znaju da neće dobiti to mjesto, pa zašto bi onda plaćali konkursnu dokumentaciju i sve ostalo kad ide uz to kad znaju da neće biti odabrani na to mjesto. Hvala.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Replika. Elvir Bijedić. Kome?

## **ELVIR BIJEDIĆ**

Replika kolegici Esani i kolegi Omeru Berbiću. Dakle, mi ovdje pričamo, mi imamo pred sobom dakle, zahtjev za isplatu jednokratne pomoći i usklađivanje osnovice za plaće sa povećanim troškovima života kao što je to ljepo obrazložio kolega Mensur Alić i kolega Anel Ibeljić.

Dakle, to nije pretpostavka niti insinucija. Činjenica je dakle, da mi imamo povećane troškove života, a ovo o čemu pričaju kolega Berbić i kolegica Esana su insinucije i koji apsolutno ne nailaze na...dakle, niti i jednog trenutka ne mogu da budu predmet ove diskusije tako da vas molim da se samo vratimo. Pa zato što insinuirate da, da, da su ovo stranački postavljena mjesta. Ja vas molim da te stvari ostavimo za neku drugu priliku. Hvala ljepo.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Replika. Omer Berbić.



## **OMER BERBIĆ**

Prvo kada replicirate molim vas da navedete ko je šta naveo. Da se razumijemo. Ja sam replicirao na ovo što je kolega Ibeljić rekao, a to je da radna mjesta u Gradskoj upravi nisu više privlačna. To je smiješno. Svako od nas zna da jesu privlačna. Okej za neke pozicije inženjeri možda, ne znam ljudi koji se bave nekim stručnim stvarima okej, tržišne plate su veće i zato ih nema, ali 70-80% poslova u Gradskoj upravi odnosno, poslova za koje ja odgovorno tvrdim da 50% ljudi ne radi više od dva sata dnevno su i te kako privlačne. Znači, ja sam na to replicirao i molim vas da mi te neke stvari ne stavljate u usta ako bez obzira evo razvodnjavate ovu diskusiju. Stvarno nema potrebe za tim.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Jel isto replika? Prvo gospodin vijećnik Zijah Rifatbegović. Replika kome?

## **ZIJAH RIFATBEGOVIĆ**

Izvinite molim vas. Može li se ograničiti broj replika po Poslovníku? (SABIHA MUJKANović MUJAČIĆ - Ograničava se.) Kolko dvije replike?

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Dvije. Jednoj osobi. Jednoj osobi. Pratim. Zato sam i pitala kome. Vijećnik Šefik Husić. Je li replika?

## **ŠEFIK HUSIĆ**

Pitanje za vas. (SABIHA MUJKANović MUJAČIĆ – Za mene?) Zašto nas ignorišete? (SABIHA MUJKANović MUJAČIĆ – Koga?) Pa evo moj Klub. Predsjedavajuća u prošloj diskusiji Vi u ovoj diskusiji znači, tri puta se javljam, niste mi dali riječ. (SABIHA MUJKANović MUJAČIĆ - Ali još uvijek traju diskusije, krenule su replike.) Prvi sam se javio.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Nisam vidjela. Izvinjavam se. Evo svi su zapisani ovdje. Uostalom ispred Kluba se javio i gospodin Ćerim Rastoder.

Nastavljamo sa diskusijama. Vijećnik Omer Berbić, a neka se pripremi vijećnica Selma Ćatibušić.

## **OMER BERBIĆ**

Hvala ljepo. Nije sporno ovo što je gospodin Mensur govorio i u pravu je. Otišle su cijene pogotov prehrambene robe strašno visoko i slažem se evo i sa sindikatom da bi trebalo

ovu pomoć isplatiti. Ali se isto tako ne slažem da bi ovu pomoć od 1080 maraka trebalo isplatiti linearno jer nije ista, nije isti život za ljude koji zarađuju dvije i po-tri hiljade ili tri i po hiljade kao što je gradonačelnik ili za ljude koji zarađuju sedamsto maraka kao što su recimo čistačice.

Znači, možda je bilo bolje da se ova pomoć isplati od 1080 maraka najugroženijima, a da se pomoć spusti za one koji imaju platu iznad recimo hiljadu i po maraka, pa platni razred da se napravi kako bi mi uštedili neke pare u Budžetu a i pomogli ljudima koji rade u Gradskoj upravi, jer nije fer da gradonačelnik dobije 30% od svoje plate, a da čistačica dobije 120-130% od svoje plate. Neće im isto promijeniti život i neće im isti efekat imati na njihovo, na njihov životni stil. I iz tog razloga mislim da bi možda bilo bolje da smo ove, da, da je ova stvar ili evo ovako na ovaj način nas, ovaj način riješena.

I ovo što je gospodin Jusić govorio. Meni je neprihvatljivo da mi sada raspravljamo o isplati u javnim ustanovama i u Gradu Tuzla a da se ničim nismo obavezali da recimo Komunalac gdje su plate prosječno sigurno 40% manje nego u Gradskoj upravi radnicima, da njih nismo obavezali da isplati 1080 maraka.

Koliko sam ja dobio informaciju, a ona je provjerena i tačna u Komunalcu imaju plate koje su ispod zakonske norme. U Komunalcu imaju plate radnicima koji tamo rade na papučici što se to profesionalno kaže 530, 550, 600 maraka, pa njima bi puno više i ovih 1080 značilo nego za ljude koji zarađuju u Gradskoj upravi preko dvije i po hiljade maraka.

Evo i ja podržavam ovaj zaključak da se Gradsko vijeće jednim zaključkom obaveže da javna preduzeća isplate ovu pomoć, ali sa naglaskom želim da kažem na Komunalac. Da Komunalac isplate pomoć od 1080 u punom iznosu svojim radnicima s obzirom da su i na rebalansu dobili puno više novca nego što su imali za prošlu godinu. I iz tog razloga evo želim da kažem da smatram da treba pomoći. Možda ne treba pomoći svima jednako, ali sigurno treba pomoći ovaj evo ljudima koji rade u Gradskoj upravi i...ali pogotovo naglašavam ljudima koji rade u Komunalcu, a gdje imamo prosječno najniže plate u Gradu Tuzla što se tiče javnih ustanova i javnih preduzeća Grada Tuzla.

Znači, to, to je onako sa ljudske strane i ja mislim da bi bilo korektno da se takav jedan zaključak usvoji i da se pošalje prema, prema, prema Komunalcu, iako Komunalac do sada sve naše apele koji se tiču dizanja najnižih cijena nije, nije isporučio. Cijene ljudi koji rade na papučici, odnosno njihove plate nisu dignute i tamo se predlaže neka linearna povećanja svima, a to nije, to nije ni malo korektno, pogotovo evo ovaj kada dobijemo izvještaj opet ćemo vidjeti i potvrdit će se ovo o čemu ja govorim.

Tako da evo to bi bio, to bi bila neka suština moje diskusije. Možda je bilo bolje da ne idemo sa linearnim vam povećanjem, pa možda te pare da prebacimo Komunalcu kako bi se isplatila pomoć za najniže plate u prosjeku za ono zašto smo mi nadležni. Hvala ljepo.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Replika. Anel Ibeljć.

**ANEL IBELJIĆ**

Evo ja ću samo kratko da repliciram kolegi Omeru Berbiću. Meni je otprilike jasno ta neka, neka pravična svrha i pravičnost kada je riječ o ovom linearnom ili ne linearnom isplati jednokratne pomoći međutim, isplata neke druge pomoći, a koja ne bi bila na line-aran način bilo je protivna svim pravnim propisima prije svega i Granskom kolektivnom ugovoru ali i Uredbi Vlade Federacije, jer na taj način bi se izvršila diskriminacija državnih službenika i namještenika, jer ne postoji ni jedan valjan pravni osnov da vi, da vi kažete nekom ćemo isplatiti

stotinu maraka a nekom ćemo isplatiti 1000 maraka i mislim stvarno da to nije moguće, da to nije moguće uraditi trenutno kako to kolega Omer predlaže. Hvala.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Vijećnik Elvir Bijedić. Replika isto.

**ELVIR BIJEDIĆ**

Ma ja dakle, u omjeru Berbiću, u smislu dakle, samo dopune zaključka ukoliko se slaže da obavezujemo preduzeća ali dakle, da isplate po istom principu ali samo u skladu sa njihovim mogućnostima.

Dakle, ne možemo obavezati nekog ko zaista je na nekom rubu poslovanja ili da obavezujemo, da nas obavezuje da iz Budžeta crpimo sredstva. Dakle, moramo tu biti oprezni. Samo eto Omere u tom smislu ako ste za je li? (vijećnik Mensur Alić govori bez uključenog mikrofona op.a.) Izvinjavam se. Ili preporučuje. Da. Hvala Mensure.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem. Omer Berbić. Replika kome?

**OMER BERBIĆ**

Hvala ljepo. Evo ja ću se...nisam se mislio javljati u diskusiji vijećnika, ali ću se javiti da dam zaključak da ovo Gradsko vijeće evo provjeri sa pravnom Službom u Gradu Tuzla da li je moguće na ovaj način napraviti to linearno povećanje, iako ja ne sumnjam u stručnost gospodina Ibeljića, iako ja ne sumnjam u stručnost gospodina Ibeljića, ali opet bi volio da dobijem, dobijem jedno drugo pravno mišljenje povodom ove, ove same tačke.

A što se tiče kolege Bijedića pa evo ovako. Nemam ja ništa protiv da mi to stavimo po mogućnosti, ali mi kada god stavimo po mogućnosti ta mogućnost bude jako mala za ljude koji su najviše oštećeni i iz tog razloga ja ne znam koliko sam saglasan s tim, jer pazite. Ako neko u Komunalcu ima platu od 530 maraka 1080 maraka će mu jako promjeniti život, a ako neko u nekom drugom javnom preduzeću ima platu 1300 maraka 1080 maraka mu neće toliko promjeniti život.

Znači, ja samo želim da se najugroženiji među nama na neki način zaštite. Ako već isplaćujemo i ako smo evo, kolektivno evo donjet će se neka odluka gdje će se ovo isplatiti, dajte onda za sve da imamo iste aršine i da zaštitimo nekako one najugroženije među nama. To je moj...nije et to je, to je bila svrha ove moje diskusije. Hvala ljepo.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem. Vijećnica Selma Čatibušić, a neka se pripremi vijećnik Čerim Rastoder.

## **SELMA ĆATIBUŠIĆ**

Evo ovako. Prvo hoću da kažem da se skroz slažem sa, sa kolegom Omerom Berbićem, sa njegovom diskusijom nekako i moja je u tonu toga.

Želim reći da usljed ovih svih silnih povećanja cijena i uopšte troškova života skoro svakoj osobi je zaista potrebno neki stimulans malo, ali ono što ja želim reći jeste da sam ja izabrana jel glasovima ljudi i uvijek kako glasam iskreno glasam po svojoj savjesti, ali i glasam onako kako mi ljudi zapravo kažu zato što se stvarno slobodno tako mogu reći bojim naroda, jer smatram da smo mi ovdje upravo i narod i da smo dužni biti samo na neki način prenosnici javnog mnjenja kako žele, u kojem toku želi da, da, žele da idu ove odluke na Vijeću.

Ja sam čitala i komentare i razgovarala sa ljudima i čini mi se da ovakva odluka nije baš naišla na prihvata od strane javnog mnjenja, odnosno naroda, a čak mislim da, da, da su ljudi poprilično revoltirani ovim nekim stvarima, tako da hoću da kažem da slažem se da, pogotovo kada su u pitanju manje plate apsolutno mora i treba da bude određen stimulans svakom građaninu i građanki ove zemlje i to je država na kraju krajeva i dužna obezbjediti, ali isto tako da se mora voditi računa o prioritetima. Eto toliko.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Hvala. Vijećnik Ćerim Rastoder.

## **ĆERIM RASTODER**

Zahvaljujem se. ZAHTJEV ZA ISPLATU JEDNOKRATNE NOVČANE POMOĆI I USKLAĐIVANJE OSNOVICE NA PLAĆE Mi smo raspravljali na Kolegiju na kojem je prisustvovao i gospodin Sead Mustajbašić. Vidio sam da je i danas prisutan ovdje i on je u ovom aktu naveo razloge zbog čega, šta traže u zahtjevu. Evo kolege su, sad da ne nabrajam, većina podržali, većina dali svoje mišljenje da je to opravdano i ja mislim isto tako da je opravdano. Navedeni su ovdje sad više razloga. Sad naravno kad bi ulazili u neke detalje jel pravedno nije pravedno, ali koliko znamo i u ovom zahtjevu i u medijima da su to učinili uglavnom gotovo svi službenici, da su dobili od Vlade Federacije, kantona, gradova, opština, ja ne vidim nikakav razlog da mi ova dva zaključka ne podržimo i ja ću lično podržat.

I isto tako nije loš prijedlog koje su dali jel i Jusić i ko je još diskutovao Alen, odnosno Bijedić i ostali, da damo jedan zaključak našim javnim ustanovama, pa oni će vjerovatno odgovoriti u skladu sa svojim mogućnostima i isplatiti određena sredstva koliko budu mogli. (NATAŠA PERIĆ – Preduzećima.) Preduzećima pardon. Pardon preduzećima. Eto toliko. Hvala.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem. Javlja li se još neko ispred klubova vijećnika?

Zatvaram raspravu klubova vijećnika.

Otvaram raspravu vijećnika. Vijećnik Šefik Husić, neka se pripremi vijećnica Esana Kavazbašić.

## ŠEFIK HUSIĆ

Ma ništa ovako genezi znači, Vlada Federacije na čelu sa premijerom Novalićem je donjela Odluku, odnosno preporuku da se isplati one ustanove koje mogu radnicima znači, tu razliku koja se stvorila svim poskupljenjima. Mislim da ne treba diskutovati previše. Ovo što je kolega Berbić rekao, plata nekoga zavisi znači, u osnovi od stručne sprema, a ovo linearno poskupljenje znači nivelise se ovim iznosom koji je preporučen, to treba podržat.

U suštini ako Grad ima sredstva da može svim radnicima obezbjediti svakako da trebamo podražiti i to je nešto što ne trebamo previše diskutovati. Hvala.

## **SABIHA MUJKANović MUJAČIĆ – zamjenik predsjedavajućeg Gradskog vijeća Tuzla,**

**- samostalni vijećnik**

Zahvaljujem vijećniku Husiću. Vijećnica Esana Kavazbašić Huskanović, a neka se pripremi vijećnik Alen Kapidžić.

## **ESANA KAVAZBAŠIĆ HUSKANović**

Ovaj slažem se sa kolegom Omerom i Selmom znači, zaista jeste došlo do poskupljenja života ali s jedne strane, a s druge strane šta sa drugim građanima koji nisu budžetski korisnici, koji nisu znači na teretu Budžeta?

Druga stvar. Odakle će se ova sredstva uzet znači, nismo imali nikakvo povećanje Budžeta, a treba iz Budžeta sad izvući za plate određen iznos zato što je došlo od, naredba od Federacije od Novalića da, da se to mora uradit jer to trenutno nije realno? U privatnom sektoru to nije realno, ne znam zašto bi bilo i u ovom državnom.

Druga stvar izvrši isplatu jednokratne pomoći radnicima u visini do 1080 konvertibilnih maraka. Znači, ne mora uopšte biti isplaćeno 1080 maraka. Možda ovo što je kolega Berbić predlagao da radnicima koji imaju niže plate kao što su u Komunalcu i nekim drugim institucijama minimalne radne plate isplati kompletan iznos od 1080 maraka, a ljudi koji imaju iznos plate preko 1500 konvertibilnih maraka da im se isplati 500 maraka što bi meni bilo realno jer svakako zakonski znači, imamo u visini do 1080 maraka.

Druga stvar koja me interesuje. Ovdje znači samo su obuhvaćene znači javne ustanove? Znači, predškolski odgoj „Naše dijete“ , Gradski stadion „Tušanj“ , Centar za kulturu Tuzla i Centar za socijalni rad. Šta je sa Domom zdravlja, sa uposlenicima Doma zdravlja? Šta je sa Komunalcem? Znači, ako ćemo već podržat ovaj zakon i ako ćemo podržat ovo povećanje plate onda ima, nek ide za sve javna preduzeća ne samo javne ustanove, jer smatram da nije u redu prema njima što jedan doktor, jedna medicinska sestra znači, u Domu zdravlja ne vrijedi koliko vrijedi znači, neki radnik koji radi u Centru za socijalni rad ili u ustanovi „Naše dijete“ smatram da to nije u redu.

Ja bi volila da se doda na zaključak znači, ako će već doći do isplate ove jednokratne pomoći onda da ide svim javnim preduzećima i javnim ustanovama.

Druga stvar i po cijenu toga znači, da se isplati manji iznos svima, al znači da budu svim korisnicima isplaćeni, jer zaista nije u redu da jedan dio javnih preduzeća dobije jednokratnu pomoć drugi dio preduzeća ne dobije tu...to zaista nije fer odnos. Eto hvala.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem. Anel Ibeljić. Ispravka krivog navoda.

**ANEL IBELJIĆ**

Da se ne bih stvorila neka pogrešna predstava ja ću samo morat ispraviti kolegicu Esanu. Mi nismo dobili nikakvu naredbu od premijera Fadila Novalića da isplatimo neku...(vijećnik Esana Kavazbašić Huskanović govori bez uključenog mikrofona op.a.) Kratko ću ja znači. (SABIHA MUJKANović MUJAČIĆ – Nemojte dobacivat s mjesta molim vas.) Mi nismo kao Gradsko vijeće i vijećnici nikakvu naredbu dobili. Znači, Vlada Federacije je donjela Uredbu. Znači, uredba i naredba stvarno su neka, dva različita pojma da u stvari se ne bi stvorila neka pogrešna slika da mi na osnovu neke naredbe postupamo, mi postupamo na osnovu Uredbe Vlade Federacije i na osnovu zahtjeva-prijedloga sindikata koje mi podržavamo ili ne podržavamo našim, našom odlukom.

Takođe mi ovdje ne donosimo koliko mi je poznato nikakav zakon. Nećemo glasati ni o kakvom zakonu ni o nekoj odluci, nego ćemo čisto donjeti zaključak da se isplati ili ne isplati u skladu sa mogućnostima Grada Tuzle. Toliko.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem. Vijećnik Mensur Alić. Replika kome?

**MENSUR ALIĆ**

Replika je Esani. Kad je u pitanju privatni sektor kaže zašto nema u privatnom sektoru? Pa mi smo ti koji odlučujemo u svojim firmama da li ćemo dati ova sredstva našim uposlenicima ili nećemo. Zašto je ova Uredba donešena? Ona je donešena zbog toga što ovdje nema doprinosa na, na ovaj iznos i omogućila privatnom sektoru da može isplatiti bez doprinosa iznos. Ne mora biti (ne čuje se na snimku op.a.) može biti u dijelu i polovičan što ne znači da mnoge firme već isplaćuju, privatno isplaćuju svojim uposlenicima zbog nastale situacije, a kad je u...ja kao evo govorim u ime svoje firme, ću vjerovatno u dvanestom mjesecu dio sredstava isplatiti svojim uposlenicima, isplatiti dio sredstava na osnovu svega, na osnovu ove uredbe.

Dom zdravlja moramo razgraničiti ne finansira se iz Budžeta Grada Tuzle. Ko bi bio protiv ovdje da Dom zdravlja ne dobije ako je u nadležnosti naše, a petljati se u nešto što nije u našoj nadležnosti mislim da ćemo otići daleko.

Ako uzmemo javna preduzeća ni to. Nama treba onda sredstava ne znam ni ja. Nemam ništa protiv, ali za mjesec-dva dana će biti usvojen takođe zakon o minimalnom ličnom dohotku. Neće biti više 500 maraka plaća nigdje. To zaboravimo. To je prošlost. Plaće idu na minimalac od 900 do 1000 maraka time će se sve ovo nivelirati i ispraviti se ove ne-pra-vda koja je urađena i u javnim preduzećima i u privatnim preduzećima i ostalo sve.

Nažalost ne-možemo svima pomoći, jer ovo je zahtjev sindikata koji je došao zvanično nama, a mi da mijenjamo sad ovdje suštinu njihovog zahtjeva i da pravimo nekakve kombinacije druge otišli bi daleko i ne bi ovo došlo do Nove godine, ne bi mogli isplatit, a mi ovo moramo isplatiti u...do 31. dva-ne-stog, ne mi nego Gradska uprava-finansije i za budžet

oni to mora...Ova Uredba važi do 31. 12. 2022. godine, svaki...trećeg ona više ne važi i zbog toga su oni na vrijeme podnijeli ovaj zahtjev.

Nismo ni od kojeg drugog sindikata dobili ovakav zahtjev mi smo samo dobili zahtjev ovaj i o njemu danas raspravljamo i to je, to je ono što treba danas da, da uradimo bez neke velke rasprave.

Najlakše je ovdje političke tražiti pojene, najlakše je reći ja idem za ono preduzeće, ja ću za ovo preduzeće ovdje tražiti, ovo ono. Nema od toga ništa gospodo. Pokažite na terenu. Pokažite ljudsku stranu. Pokažite kao poslodavci da ste odgovorni prema ovoj državi i da radite kako treba. Hvala ljepo.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem. Vijećnik Šefik Husić. Replika samo kome?

**ŠEFIK HUSIĆ**

Kolegica Esana (U redu.) Ovako znači. Ovdje je upućen zahtjev od Samostalnog sindikata državnih službenika i namještenika. Ono što je u ingerencija Grada je da Gradskoj upravi znači to isplati a javna preduzeća su zasebne znači ustanove koje niti mi možemo dat ko Vijeće znači, preporuku, jer preporuka je data od strane Federalne Vlade, a o iznosu opet da vam kažem.

Znači, ekonomski lanac predviđa što više novca stavimo u promet znači, od toga punimo Budžet, tako da opet kažem treba podržat i ne trebamo širit diskusiju bez veze, mislim samo gubimo vrijeme.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem. Vijećnica Esana Kavazbašić Huskanović. Replika kome?

**ESANA KAVAZBAŠIĆ HUSKANović**

Prvo ću Aliću Mensuru. Replika je njemu. Ja smatram da se sve javne ustanove i javna preduzeća u ovom slučaju trebaju uskladiti nema veze ko je podnio zahtjev, ali kad već idemo u tom smislu da budemo humani i da budemo odgovorni prema svojim radnicima i prema svojim uposlenicima i pošto se i onako novac isplaćuje iz Budžeta onda zašto ne bismo mi dali prijedlog, evo zaključak kao Gradsko vijeće da se i oni uključe znači u ovaj, u ove okvire o kojima sada trenutno diskutujemo. Realnost na terenu što se tiče isplate svim radnicima nema veze sa onim što je znači preporučeno od strane Vlade Federacije Bosne i Hercegovine. Ja u svojoj firmi sam to uradila za svoje radnike, al ne znači da su i ostale firme to uradile.

Druga stvar replika isto na kolegu. Znači, sredstva se isplaćuju iz Budžeta znači ne isplaćuju samo...ne isplaćuju ove ustanove same sebi, isplaćuje se iz Budžeta znači, ne vidim razlog zašto ne bi bilo isplaćeno i ostalim drugim javnim preduzećima. Toliko.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Ispravka krivog navoda. Mensur Alić, pa Šefik Husić

**MENSUR ALIĆ**

Samo da ispravim ovdje navod. Znači, javna, javne ustanove se finansiraju iz Budžeta Grada Tuzle. Javna preduzeća se ne finansiraju iz Budžeta Grada Tuzle. Da budemo jasni.

Onaj ko ne zna neka uzme neka pročita i neka ne daje replike koje nisu utemeljene i koje ne znače pravo stanje onako kako jeste. Proučimo materijal i onda razgovaramo otvoreno za sve. Inače rijetko se javljam za repliku ali ovaj put sam morao. Nije replika nego ispravka krivog navoda. Zahvaljujem.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Šefik Husić. Ispravka krivog navoda.

**ŠEFIK HUSIĆ**

Ništa. Ja sam htjeo znači reći upravo ovo što je rekao kolega Mensur i da se zahvalim kolegi Anelu na iscrpnom izlaganju. Hvala.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Vijećnik Omer Berbić. Replika kome?

**OMER BERBIĆ**

Evo replika gospodinu Mensuru i Šefiku. Gospodinu Šefiku. Mi smo imali rebalans Budžeta prije mjesec dana, nepunih mjesec dana i u tom rebalansu Budžeta je vrlo jasno da se i javna preduzeća finansiraju iz Budžeta. Znači, nema javnog preduzeća koje nije dobilo para iz Budžeta i možemo mi sad govorit da se ona finansiraju, ne finansiraju da sad idemo naprijed nazad, ali je činjenična situacija da ne postoji ja mislim javno preduzeće koje nije dobilo nešto para iz Budžeta počevši od Komunalca, Centralnog grijanja, x-y ostalih stvari koji se finansiraju direktno ili indirektno. Istina je da oni imaju svoj Budžet i da oni imaju i da oni imaju. Istina je da imaju svoj Budžet i istina je isto tako da oni imaju svoja privredna društva odvojena od Grada, odnosno Gradskih ustanova. Ali na rebalansu Budžeta smo mi opredijelili neka novca recimo za Komunalac konkretno i postavlja se pitanje da li je od tog novca isplaćena ova pomoć ili je ono otišlo na neke druge projekte koje nemaju veze s tim jer ja opet želim da podcrtam, Komunalac se finansira iz Budžeta.

Na prošlom rebalansu je dobio ne znam koliko stotina hiljada više nego u odnosu na početak ove godine, odnosno na, na Budžet za ovu godinu, tako da niste ni Vi 100% u pravu kada kažete da se javna preduzeća ne finansiraju iz Budžeta, jer to nije činjenično stanje na



terenu. Možda u teoriji to nije tako. Jesu ona odvojena pravna lica, ali se finansiraju iz Budžeta bar dijelom.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Poslovnička. Hasib Hirkić.

**HASIB HIRKIĆ – samostalni vijećnik**

Evo da pozdravim sve prisutne pošto se prvi put javljam ali mislim da je ovo prešlo sve granice. Ovdje je svima jasno o čemu se radi. Upućen je znači dopis ovdje naše...Mensur je dobro to obrazložio. Imamo par zaključaka i mislim da o tome više ne treba, o tome više ne treba da u-opšte raspravljamo da je ovo jasno ko dan. Ovdje se sada nagovaramo ko neke babe šta treba a šta ne treba. Mislim da ovo više prelazi sve granice. Hvala.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Molim vas niste se ni vi Omere pozivali na član maloprije kad ste replicirali, al molim vas dajte da ovo privedemo i da bude ovo jedna konstruktivna diskusija. Ima još puno vijećnika koji čekaju raspravu, jer ne mogu doći na red od replika.

Replika Mensur Alić. Kome? Molim vas neka...(MENSUR ALIĆ – Ko nije ugasio?) Hasibe jeste ugasili?

**MENSUR ALIĆ**

Replika je Omeru Berbiću evo zašto. Pa zato Omere, ja mislim da kad je bio i Budžet i Nacrt Budžeta i sad preraspodjela sredstava u svakoj budžetskoj godini mi dajemo javnim preduzećima sredstva ali za u-slu-ge koje oni rade za ovaj grad. Ispostavi se faktura od Komunalca za nešto što radi za ovaj grad i dobije sredstva iz Budžeta. To nije finansiranje iz Budžeta. To su usluge koje se plaćaju isto kao i drugim preduzećima koja urade za ovaj grad nešto, jer grad, ne može uraditi on nego mora javno preduzeće i zbog toga je... nije... ne finansira se...ponovo govorim.

Ja sam toliko dugo u Vijeću da poznajem ovo do u detalje. Da ne finansira se ni jedno javno preduzeće iz Budžeta, samo za u-slu-ge koje uradi za ovaj grad, onda mu se to plati i to nije prvi put. To pogledajte u Stenogramu, pogledajte u odluci, pogledajte u svemu. Prema tome ovo, ovo govorim radi javnosti. (SABIHA MUJKANović MUJAČIĆ – Ima ispravka krivog navoda. Izvinjavam se.) Ovo govorim radi javnosti da ne ode u javnost takva priča da ja ne poznajem šta je Budžet ili kako se finansiraju javna preduzeća. Zbog toga. Ovdje sebe ograđujem. Sebe lično kao Alić Mensura. Zahvaljujem.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Nije bilo više ispravki krivog navoda jelda? Znam Damire evo čekamo. Hajde molim vas. Hvala. Vijećnik Alen Kapidžić diskusija.

## **ALEN KAPIDŽIĆ**

Hvala. Evo konačno diskusija je li? Pa dobro nema šta. Ovdje vidimo zahtjev sindikata koji je upućen nama kao Vijeću je li, a u skladu sa zakonom i Uredbom Vlade Federacije. Oni su iskoristili svoje zakonsko pravo.

Međutim, ono što mene interesuje u ovom zaključku jedan, a volio bi da mi to neko odgovori kaže: Da će se za sve uposlene pomoć, jednokratna pomoć isplatiti linearano u skladu sa mogućnostima a ne više od ovih 1080 maraka. Jel to podrazumjeva da će svi zaposlenici ovih javnih ustanova dobit istu pomoć, mislim linearano istu? Pazite. Ne da...nemojte da, ja znam zašto ovo pitam. Nemojte da dođemo u situaciju da neko dobije 1080 maraka a neko dobije 500.

Druga stvar. Sve ovo što se tiče ove odluke i naravno evo i ja ću podržati ovu odluku nemam, nemam nikakav problem s tim, ali me interesuje s obzirom da su sindikati ovako decidno naveli i napisali ovaj zahtjev i pozvali se na zakon. Čak su...govore o tome koliko, koliko je povećanje priliva Budžetskih sredstava od Porezne uprave Federacije. Zašto nije navedeno koliko sredstava treba za isplatu, okviran neki iznos, ne mora bit decidno, ali okvirno? Zašto nije navedeno koliko je sredstava potrebno za isplaćivanje ove jednokratne pomoći i koliko okvirno nam sredstava treba za Budžet 2023. godine radi usklađivanja plata? Evo ako mogu to odgovorit. Hvala.

## **SABIHA MUJKANović MUJAČIĆ – zamjenik predsjedavajućeg Gradskog vijeća Tuzla, - samostalni vijećnik**

Zahvaljujem. Vijećnik Damir Muratović, a neka se pripremi vijećnik Senad Mehmedinović.

## **DAMIR MURATOVIĆ – samostalni vijećnik**

Hvala zamjenice. Pozdravljam sve prisutne pošto se prvi put obraćam. Nisam stigao se javit. Mirel nije bio tu ispred Kluba. Znači mi podržavamo kao Klub punu podršku sindikatu. Mi smo i prošle, prošle godine razgovarali kao Klub kada su bila povećanja na kantonalnom nivou od 10% dva puta u roku od godinu i po, tako da smo se zalagali da i zaposlenici Gradske uprave i javnih ustanova trebaju imat povećanje. Da se ne bih ponavljao znači, oba zaključka podržavamo u cijelosti i tražimo da Gradsko vijeće podrži zahtjeve.

Što se tiče ovog, sindikat je jasno decidno, kolega Kapidžić je jasno rekao da mi zadužujemo gradonačelnika i Službu, a hoćel to biti znači da nije do nas, tako da ne vidim prepreku.

Ono složio bih se sa kolegom Elvirom Bijedićem da nemamo nikakvih prepreka da damo preporuku i ipak mi usvajamo izvještaje javnih preduzeća, da nemamo nikakvu, znači da ne pravimo nikakvu segregaciju, diskriminaciju. Evo i kolega Alić je rekao da ti ljudi rade za ovaj grad. Znači, svi radnici rade za ovaj grad, rade za nas i iz ustanova i iz preduzeća, tako da ne vidim uz ova dva zaključka nikakvu prepreku da damo preporuku, a znamo naravno koje sposobnosti i mogućnosti usvajamo u izvještaju.

Malte ne ko malo ulazi detaljnije od vijećnika i čitaju izvještaje zna koje preduzeće može a koje ne može, tako da ne vidim nikakav razlog. Ne želim davat zaključak, to većina nek odluči, ali da damo podršku i javnim preduzećima u kontekstu ovog. Hvala.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem. Vijećnik Senad Mehmedinović.

**SENAD MEHMEDINOVIĆ**

Hvala ljepa. Ništa ja ću ukratko da kažem da imam potpuno razumjevanje prema Sindikalnoj organizaciji Grada Tuzle, Sindikalnoj organizaciji Profesionalne vatrogasne jedinice Tuzla i naravno da ću podržati ove njihove prijedloge zaključaka, a naročito što se može vidjeti ovdje da je veći priliv sredstava od Tuzlanski kanton, a samim tim će biti i veći priliv sredstava u Gradu Tuzli i ne smijemo zaboravit ovaj Zakon o raspodjeli javnih prihoda (nerazgovjetno izgovorena riječ op.a.) ponderisanje gdje je za očekivati u budućnosti da bude veći priliv sredstava kako kantonu tako i Grada Tuzle, tako da je mislim opravdano da se mogu pronaći sredstva za isplatu jednokratne pomoći.

Ja bi predložio jedan zaključak. Sad ne znam da li je to u nadležnosti Vijeća? Ali evo tu su vijećnici, tu ste vi svi pa da kažete svoje mišljenje, a u smislu solidarnosti prema drugim koji su zaposleni kod poslovnih privatnih subjekata.

Evo sad je Mensur imao neko izlaganje i rekao da će...i čestitam na tome gospodine Mensuru što ste rekli za decembar mjesec. Dakle, prijedlog bi bio da predlaže ili sugeriše, evo kako god Gradsko vijeće Grada Tuzla poslovnim subjektima registrovanim na području grada Tuzle da u skladu sa svojim mogućnostima isplate jednokratne pomoći u iznosu do 1080 konvertibilnih maraka.

Dakle, ukoliko to može da ide kao u formi nekog prijedloga-zaključka, pa evo za one svi koji su registrovani na području grada Tuzle. Hvala.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Je li to to? Evo iskoristit ću i ja priliku s obzirom da nema više prijavljenih za vijećničke diskusije.

Ne mogu da ne iskoristim priliku da kažem da naravno da ćemo podržati Zahtjev samostalnog sindikata državnih službenika i namještenika, a po-sebno Sindikalne organizacije Profesionalne vatrogasne jedinice Tuzla.

Vi znate da, ne znam, mislim da oba mandata, isključivo govorim o Vatrogasnoj jedinici, njihovim uslovima, da su to heroji ovog grada i za mene najsvjetlija tačka ovog grada i da su zaslužili svaku vrstu pomoći i evo neka ovo bude jedan vid zahvale za sve što su uradili.

Zaključujem raspravu vijećnika i dajem pauzu 5 minuta. (Pauza.)

**NATAŠA PERIĆ**

Pozivam vijećnike da uđu u salu.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Pozivam sekretara Gradskog vijeća da pročita zaključke proizašle iz rasprave.  
(SLAĐANA KRAJINA – Jedan po jedan je li?) Jedan po jedan.

**SLAĐANA KRAJINA – sekretar Gradskog vijeća Tuzla**

Prvi zaključak:

- Zadužuju se gradonačelnik Grada Tuzle, Služba za budžet i finansije i menadžmenti Javne ustanove za predškolski odgoj i obrazovanje „Naše dijete“ Tuzla, Javne ustanove Gradski stadion „Tušanj“ Tuzla, Javne ustanove Centar za kulturu Tuzla i Javne ustanove Centar za socijalni rad Tuzla da poduzmu aktivnosti na popravljanju socijalnog statusa uposlenika Gradske uprave Tuzla i uposlenika navedenih javnih ustanova, koji su bili u radnom odnosu na dan 31. 10. 2022. godine, tako što će isplatiti jednokratnu pomoć za sve uposlene linearno u skladu sa mogućnostima, a ne više od 1.080,00 konvertibilnih maraka.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Pozivam vijećnike da aktiviraju uređaje za elektronsko glasanje i da glasaju.  
Zaključujem glasanje.

Konstatujem da su zaključci koje je pročitala (SLAĐANA KRAJINA – Jedan. Jedan zaključak.) Zaključak koji je pročitala sekretar Gradskog vijeća usvojen sa,  
25 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Drugi zaključak:

- Zadužuju se gradonačelnik Grada Tuzle i Služba za budžet i finansije da predlože u Budžetu Grada Tuzle za 2023. godinu sredstva za usklađivanje plaća za uposlenike Gradske uprave Tuzla u visini osnovice od 385 konvertibilnih maraka koju je Vlada Federacije Bosne i Hercegovine parafirala sa Sindikatom državnih službenika i namještenika u federalnim organima u skladu sa Zakonom o plaćama Federacije Bosne i Hercegovine i članom 23. Kolektivnog ugovora, uz obavezno zadržavanje sadašnje vrijednosti boda.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Molim vijećnike da glasaju. Glasanje je okončano.

Konstatujem da je zaključak usvojen sa 26 glasova za, nije bilo protiv i nije bilo suzdržanih.

Molim sekretara da pročita sljedeći.

**SLAĐANA KRAJINA – sekretar Gradskog vijeća Tuzla**

Sljedeći zaključak:

- Gradsko vijeće Tuzla upućuje preporuku menadžmentima javnih preduzeća čiji je osnivač Grad Tuzla da, u skladu sa svojim mogućnostima, pomognu svojim uposlenicima u vidu isplate jednokratne pomoći ili na drugi adekvatan način.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Molim vijećnike da se izjasne. Glasanje je okončano.

Konstatujem da je zaključak usvojen sa 26 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Četvrti:

- Gradsko vijeće Tuzla upućuje preporuku menadžmentu Javnog komunalnog preduzeća „Komunalac „, Tuzla da svojim uposlenicima isplati jednokratnu pomoć u visini od 1.080,00 konvertibilnih maraka.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Molim vijećnike da se izjasne. Šefik? Glasanje je okončano.

Konstatujem da zaključak nije usvojen, 7 glasova za, nije bilo protiv i 19 suzdržanih.

**SLAĐANA KRAJINA – sekretar Gradskog vijeća Tuzla**

Sljedeći predloženi zaključak:

- Gradsko vijeće Tuzla traži od stručnih Službi da daju pojašnjenje da li je moguće jednokratnu pomoć isplatiti u zavisnosti od visine primanja, a ne linearno svim uposlenicima tako da uposlenici sa nižim primanjima dobiju veći iznos jednokratne pomoći.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Molim vijećnike da se izjasne. Glasanje je okončano.

Konstatujem da zaključak nije usvojen, za zaključak je glasalo troje vijećnika, 1 je bio protiv i 22 suzdržana.

**SLAĐANA KRAJINA – sekretar Gradskog vijeća Tuzla**

Sljedeći predloženi zaključak:

- Gradsko vijeće Tuzla smatra da je potrebno isplatiti jednokratnu pomoć uposlenicima i drugih javnih ustanova čiji je osnivač ili suosnivač Grad Tuzla, s tim da se zato potrebna sredstva obezbjeđe na način da se umanjí iznos jednokratne pomoći uposlenicima Gradske uprave.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Molim vijećnike da se izjasne. Glasanje je okončano.  
Zaključak nije usvojen, 4 glasa za, 2 protiv i 20 suzdržanih.

**SLADANA KRAJINA – sekretar Gradskog vijeća Tuzla**

Sljedeći predloženi zaključak:

- Gradsko vijeće Tuzla sugeriše i svim poslovnim subjektima čije je sjedište na području grada Tuzle da, u skladu sa svojim mogućnostima, isplate jednokratnu pomoć svojim uposlenicima.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Molim vijećnike da se izjasne. Glasanje je okončano.  
Konstatujem da je zaključak usvojen sa, 25 glasova za, nije bilo protiv i 1 suzdržan.

Prelazimo na sljedeću tačku Dnevnog reda.

Prelazimo na tačku sedam dnevnog reda:

**RAZMATRANJE I USVAJANJE POD:**

**a) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM - OMLADINSKI KOŠARKAŠKI KLUB „SLOBODA,, IZ TUZLE**

**b) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM - UDRUŽENJE OSOBA SA INVALIDITETOM „DUGA“ IZ TUZLE**

**c) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM - PLANINARSKO DRUŠTVO „HRID“ TUZLA**

**d) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM - „TEKSTIL“ D.O.O. TUZLA**

Predlagač: gradonačelnik Grada Tuzla.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Da li ima potrebe za uvodnim izlaganjem? (Nema.)

Da li imaju potrebe da se pročitaju izvještaji komisija?

Otvaram raspravu klubova vijećnika. (nema.) Nema.

Zatvaram raspravu klubova vijećnika.

Otvaram raspravu vijećnika. (Nema.) Nema.

Zatvaram raspravu vijećnika.

Možemo li glasati u paketu? Može.

Stavljam na izjašnjavanje ODLUKU O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM - OMLADINSKI KOŠARKAŠKI KLUB „SLOBODA,, IZ TUZLE POD

b) ODLUKU O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM - UDRUŽENJE OSOBA SA INVALIDITETOM „DUGA“ IZ TUZLE

ODLUKU O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM - PLANINARSKO DRUŠTVO „HRID“ TUZLA I

ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM - „TEKSTIL“ D.O.O. TUZLA.

Molim da se izjasnite. Glasanje je okončano.

Konstatujem da su pročitane Odluke usvojene sa, 25 glasova za, nije bilo protiv i nije bilo suzdržanih.

Prelazimo na sljedeću tačku Dnevnog reda:

Tačka osam:

### **RAZMATRANJE I USVAJANJE ODLUKE O ZAKUPU STANOVA U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RASPOLAGANJE**

Predlagač: Gradonačelnik Grada Tuzla.

Obrađivač: Služba za boračko-invalidsku zaštitu, stambene poslove i integraciju raseljenih lica.

Materijal su razmatrali: Komisija za statuarska pitanja i propise, Komisija za ekonomske odnose i klubovi vijećnika.

Obavještavam vijećnike da su amandmane na Odluku o zakupu stanova u vlasništvu Grada Tuzle i stanova na kojima Grad ima pravo raspolaganja podnjeli predlagač, te vijećnici Anel Ibeljić, Omer Berbić i Damir Muratović.

Podnesene amandmane ste dobili u dopuni materijala.

Da li ima potrebe za uvodnim izlaganjem? (Ima.)

Molim obrađivača da da uvodno izlaganje.

### **ADMIRA ATIĆ TUPKOVIĆ - pomoćnik gradonačelnika za Službu za boračko – invalidsku zaštitu, stambene poslove i integraciju raseljenih lica**

Dobar dan. Ja vas sve srdačno pozdravljam. Svježe je bilo. Tokom diskusije o ovoj odluci na oktobarskoj sjednici Gradskog vijeća, vijećnici su iznjeli određene primjede i sugestije koje smo smatrali, koji su ugrađeni u prijedlog ove odluke za novembarsku sjednicu Gradskog vijeća.

Vidjeli ste da smo u članu 7. Odluke koje se odnose na krug lica koje imaju pravo na zakup stana uvrstili i dobitnike priznanja Tuzlanska plaketa koja se dodjeljuju građanima grada Tuzle za njihov doprinos i postignute rezultate u radu, zatim istaknute sportiste grada Tuzle osvajače olimpijske svjetske ili evropske medalje, te sve ostale građane grada Tuzle koji do

dana objave Javnog oglasa za dodjelu stana u zakup imaju mjesto prebivališta na području grada Tuzle najmanje tri godine.

Odlukom je također utvrđeno da lice protiv kojeg se u vrijeme podnošenja prijave na Javni oglas za dodjelu stana u zakup vodi krivični postupak ili je pravosnažno osuđen za neko krivično djelo ne može ostvariti pravo na dodjelu stana u zakup.

U članu 8. Odluke brisana je alineja uposlenici i penzioneri Gradskog organa uprave Grada Tuzle i upravnih organizacija Grada Tuzle Gradskog pravobranilaštva cijeneći činjenicu da uposlenici ove kategorije mogu aplicirati na Javni konkurs kao građani grada Tuzle sa određeni brojem godina radnog staža.

Napomenula je predsjedavajuća da su stigli određeni amandmani, blagovremeni amandmani na ovu Odluku, tako da se kao obrađivač izjašnjavamo na ove pristigle blagovremene amandmane.

Prije svega na amandman vijećnika Omera Berbića koji je tražio da se u Odluku ugrade kategorije djece za...koja su izašla iz Doma za nezbrinutu djecu - djeca bez roditeljskog staranja. Dakle, radi se o djeci koja sa 18 godina napuste Dom za nezbrinutu djecu i nemaju mogućnost boravka bilo gdje osim u nekim sigurnim kućama. Smatramo da je amandman osnovan i da se ovaj u član 8., 12. odnosno 13. mogu ugraditi ove kategorije u skladu sa upravo onako kako je naveo vijećnik Omer Berbić.

Sljedeći amandman bio je vijećnik, amandman vijećnika Anela Ibeljića. Odnosi se na još jednu kategoriju, na jednu ugroženu kategoriju. Svakako to su osobe sa invaliditetom. Radi se o civilnim invalidima koji nisu bili dakle, u ovoj odluci ranije. Također smatramo da je amandman osnovan i da se trebaju ugraditi u ove članove odluke 8., 12., odnosno 7., 8. i 12.

Sličan amandman po sadržaju podnio je i vijećnik, samostalni vijećnik Damir Muratović. Odnosi se također na kategoriju civilnih invalida, tako da smatramo da smo uvaživši prethodni amandman uvažili i amandman gospodina Muratovića i Amandman II koji je on tražio da se u odluku, u odluku...u članu 13. koja se odnosi na kategorije lica za davanje stana u zakup kad su u pitanju mladi vanbračni, kategorija mladi vanbračni parovi to da se ugradi u skladu sa Porodičnim zakonom Federacije Bosne i Hercegovine također nije osnovano jel smatramo da uvažavamo kao obrađivač, a kao obrađivač smo...također smatramo osnovanim amandman nevladinog sektora dakle, kojeg smo dobili vezano za žrtve nasilja u porodici također izuzetno ugrožena kategorija ljudi, tako da kao obrađivač se, predlagач i obrađivač se slažemo da i ovaj amandman se ugradi u postojeću, prijedlog ove odluke. Toliko.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem. Ima li potrebe da se pročitaju izvještaji komisija? (Nema.)

Otvaram raspravu klubova vijećnika. Za riječ se javila vijećnica Merima Softić Sprečić. Izvolite.

**MERIMA SOFTIĆ SPREČIĆ**

Hvala predsjedavajuća. Evo obzirom da je ovo Odluka u suštini koja je od prošle sjednice vijeća išla na doradu, moram reći da poz-dravljamo kao Klub izmjenu ove odluke. Zahvaljujem se i Službi na čelu sa šeficom Admirom Tupković koja je radila sa svojim timom o izmjeni ove odluke koja je rezultat naših diskusija se prethodne sjednice. Ovo je dobar primjer kako svi zajedno možemo svojim sugestijama kreirati bolju odluku važnu za mnoge građane, te tako stvoriti još bolji ambijent za sigurniji život. Hvala svima koji su doprinjeli da ova odluka



sadrži još neke kategorije koje imaju prednost kod zakupa i svakako da ćemo u ovakvoj formi kao Klub SDP-a podržati ovaj materijal.

Posebno želim istać da sam zahvalna kao vijećnica što su dva prijedloga koja sam predložila u prethodnoj raspravi, a tiču se tuzlanske plakete iz razloga što ta kategorija podrazumijeva mnogo onih istaknutih ličnosti iz mnogih sfera umjetnosti, kulture, nauke koji su svojim trudom i radom doprinijeli da promovišu grad Tuzla u Evropi i svijetu i na određenim međunarodnim njihovim predstavljajima kao i kategoriju istaknutih sportista ali zadovoljna zaista i prijedlozima svih ostalih vijećnika evo koje smo danas čuli, koji su podnijeli svoje amandmane.

Posebno evo želim istaći da smo kao Klub razmatrali ovu, ovaj amandman predložen od strane Vive-Žene koji je prihvaćen od strane Službe i ev ako on, on, a on vjerovatno postaje sastavni dio takođe ove odluke. Evo kao što bi kolega Omer na kraju znao reći suma sumarum odluka je dobra i glasat ćemo kao Klub SDP-a za ovakve izmjene i ovakvu odluku koju danas imamo na Dnevnom redu. Hvala.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem. Vijećnik Nedžad Jusić, a neka se za diskusiju pripremi vijećnica Selma Čatibušić.

**NEDŽAD JUSIĆ**

Hvala predsjedavajuća. Evo ovo kolegica Merima je dosta toga rekla i ja bi se takođe zahvalio Službi koja je prihvatila jednostavno sugestije, dobronamjerne sugestije koje su bile na prethodnoj sjednici, tako da sad sigurno imamo kvalitetniju ODLUKU O ZAKUPNU STANOVA U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RASPOLAGANJA.

Takođe sam ponosan na kraj krajeva što je se prihvatila moja sugestija a to je da svi građani grada Tuzle imaju pravo da se prijave na Javni poziv za dodjelu stana, normalno u skladu sa kriterijima koji su je sastavni dio ove odluke. Tako da je dodato pod (i) da pravo imaju i ostali građani grada Tuzle koji do dana objave Javnog oglasa za dodjelu stana u zakup imaju mjesto prebivališta na području grada Tuzle najmanje tri godine. I ovo je izuzetno dobra, dobar pasus da svi građani imaju pravo da nitkom ne zabranimo samo da se prijavi što ne pripadaju određenoj kategoriji i ja kao vijećnik ispred reda nacionalnih manjina ću podržati ovu odluku i želim sreću svima onima koji će u narednom periodu konkurisati i nadam se dobiti stan na korištenje od Grada Tuzle. Hvala.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem vijećniku Jusiću.

Prije nego što dam riječ vijećnici Selmi molim vas samo da se, da, da pojasnimo neke stvari.

Znači, ovo nije amandman Udruženja građana Vive Žene. To je molba i dopis koji je stigao, a predlagač je to kao svoj amandman stavio u sklopu odluke pa da ne bude da je amandman znači Viva Žena jer one nemaju pravo na to u ovom slučaju. Znači, to je molba i do-pis, a predlagač je to stavio kao amandman na svoju odluku.

Zahvaljujem. Vijećnica Selma Ćatibušić, a neka se pripremi vijećnik Omer Berbić za diskusiju.

## **SELMA ĆATIBUŠIĆ**

Pa dobro u svakom slučaju Vive Žene su najzaslužnije zato što se ovo uopšte našlo na ovaj je li u sklopu ove odluke i ja sam to podržala et priložila kao inicijativu ali ono što je činjenica jeste da to udruženje je definitivno glavno došlo na ideju i hvala im u to ime, tako da evo slobodno možemo reći da je to i njihov amandman. Manje više i nije ni važno.

Želim da kažem da, opet ponavljam, ovo je tema kojom sam se pored djece u predškolskom obrazovanju i poteškoćama u razvoju čini mi se nekako najviše i bavila i to ću uvijek da napomenem zato što ne bavim se svim temama jer smatram da ne mogu jednako doprinjeti svugdje, ali evo kada su u pitanju stanovi definitivno tu sam najviše stvarno se oko toga dala i drago mi je što eto kako tako napokon imamo neki pravilnik. Smatram da je puno bolji, puno bolja ova odluka u odnosu na prethodnu koja je bila na prošloj sjednici i zanima me, samo jedno pitanje imam.

Kada je u pitanju evo ovaj amandman pa se daje 5 bodova, pa me zanima na osnovu čega je to cifra od 5 bodova a ne, ne više iskreno, jer npr. te žene et kad, reću da je nebitno osoba žrtva nasilja ukoliko se ne može vratiti svojoj kući, ukoliko je neki krivični postupak u toku Sigurna kuća nema dovoljno kapaciteta znači ona nema faktični stvarno gdje da se vrati?

Smatram i eto kroz zaključak ću predložiti da umjesto 5 bodova da se radi o makar 10 bodova. Tako da, ako može kao zaključak, jer mislim nisam mogla da priložim amandman na ovo jer smo danas dobili da je 5 bodova, tako da bi et voljela da se glasa koliko tolko o zaključku ako ništa da se et izmjeni ova odluka u budućnosti. Tako da podržavam et, samo me također interesuje zašto 5 bodova?

## **SABIHA MUJKANović MUJAČIĆ – zamjenik predsjedavajućeg Gradskog vijeća Tuzla, - samostalni vijećnik**

Zahvaljujem. Vijećnik Omer Berbić, a neka se za diskusiju pripremi vijećnik Damir Muratović.

## **OMER BERBIĆ**

Eh hvala ljepo. Evo ja ću prije nego što krenem diskusiju, ja ću prošetati do šefice Službe da joj pružim ruku jer mislim da je ovo prvi put da je zaista neka služba uvažila...Hvala ljepo. Ovaj mislim ovo je, ovo je prvi puta zaista evo dok sam ja u Gradskom vijeću da je jedna Služba poslušala diskusiju i sve uvažila vijećnike i uvažila i civilno društvo, odnosno nevladine organizacije i da je napravila možda najbolji pravilnik koji smo mi mogli nekako da anticipiramo ili nekako da ga, da ga predložimo.

I zaista se zahvaljujem ne samo zato što je Služba uvažila sugestije šta treba da se stavi, da se stavi unutar same odluke, nego zato što je ova Služba evo sa šeficom gospođom Tupković uvažila činjenicu da neke stvari treba da se izvade odavde jer to ne pripada u ugrožene kategorije.

Moram reći, evo prvi puta zaista na Gradskom vijeću da je i opozicija i trenutna vlast i organizacija civilnog društva da su poslušane i bez daljnje neke diskusije ja mislim s obje ruke glasam za ovo i moram da kažem evo da mi je, da mi je zaista drago i da sam, da sam u jednu ruku i ponosan na ovakav, na ovakav način rada, rada Službi i nadam se da će više ovakvih stvari biti, biti u budućnosti. Hvala ljepo.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem. Vijećnik Damir Muratović.

**DAMIR MURATOVIĆ**

E hvala. Prije svega i ja bih da se zahvalim Službi znači, evo sa šeficom znači vezano za ove amandmane koje smo uputili.

Što se tiče prvog amandmana vezano za osobe sa invaliditetom o tome sam razgovarao. Zahvaljujem se kolegi Berbiću, a evo amandman se u većem dijelu podudaraju sa amandmanom kolege Anela Ibeljića i smatram da i ovi bodovi i svi ovi članovi i stavovi koji su promijenjeni idu u prilog osobama s invaliditetom i to mi je posebno drago.

Što se tiče drugog amandmana to vam se odnosi na Porodični zakon Federacije. Stvarno je bilo nejasno znači, da je bila bračni i vanbračni parovi znači, zato sam samo insistirao da, samo da ne bi bilo zloupotrebe kod zakupa stanova za vanbračne parove.

Znači, porodični zakon jasno propisuje da muškarac i žena moraju živjeti tri godine zajedno ili kraći period ukoliko imaju zajedničko dijete i to je i bila isključiva svrha ovog amandmana, tako da još jednom se zahvaljujem na kolegijalnosti i smatram da, da ovaj pravilnik, odnosno ovu Odluku o zakupu trebamo usvojiti jednoglasno. Hvala vam.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Hvala. Zatvaram raspravu klubova vijećnika.

Otvaram raspravu vijećnika.

Zatvaram...Vijećnica Selma Čatibušić. Neka se pripremi vijećnik Anel Ibeljić.

**SELMA ČATIBUŠIĆ**

Sad sam nešto raspravljala sa kolegom Senadom i pitala ga za savjet i iskreno et voljela bi čuti možda i mišljenje. Sad opet to nije ni struka možda konkretno šefice ove Službe, ali interesuje me. Pošto me zanima. Npr. žrtve nasilja imamo veliki broj slučajeva. To je opet hajde da kažem, svako ima pravo da radi šta hoće međutim, žrtve nasilja vrlo često se vraćaju nasilniku i onda dolazimo do jedno te iste tačke gdje ne dešavaju se pomaci. Da li...šta u tom slučaju? Da li bi se trebalo onda urediti nekom odredbom? Da li je to uopšte moguće na kraju krajeva? Ali na neki način da se kako bih rekla motiviše da i žene ili muškarci koji su žrtve nasilja ipak napokon odluče da ne smiju i trebaju da se vraćaju nasilniku, jer će gubiti u ovom slučaju neke druge beneficije, a prvenstveno zato što vraćaju se u jedno te isti problem.

Tako da me eto interesuje da li postoji mogućnost za na neki način definisanje toga i kroz odredbu u ovom pravilniku il možda se mi et ne bismo trebali u tom, u taj dio miješati? Ali mislim da svakako da, da bismo trebali makar u slučaju ukoliko se žrtva nasilja vrati nasilniku da u budućnosti onda gubi pravo ukoliko bi se nasilje ponovilo.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem. Vijećnik Anel Ibeljić.

**ANEL IBELJIĆ**

Hvala zamjenice. Ja ću samo kratko da se osvrnem na ovu odluku. Meni je drago što je šefica Službe stvarno odgovorno pristupila svojem poslu i zadatku stvarno i uvažila sve primjedbe, sugestije, kritike, pohvale i sve ono o čemu smo mi diskutovali na prošloj sjednici. Svi naši prijedlozi su se u stvari našli u ovoj odluci.

Takođe i svi ovi amandmani koji su dostavljeni, a koji su takođe po mom mišljenju stvarno opravdani i trebaju se naći u ovoj odluci, trebaju biti sastavni dio ove odluke su prihvaćeni od šefice Službe.

Ja ću samo ukratko da se osvrnem na svoj amandman i drago mi je evo što je i šefica Službe u uvodnom izlaganju istakla kako je i ovaj amandman koji sam dostavio u stvari opravdan.

Naime, slučajno, vjerovatno ne namjerno došlo je do određenih možda i greški možemo ih tako nazvati, da su na neki način osobe sa invaliditetom kao ne ratni invalidi bili na neki način diskriminirani.

Evo drago mi je što ukoliko usvojimo ovaj amandman da će, da ćemo tu potencijalnu i moguću diskriminaciju otkloniti. I stvarno čestitamo evo upravo šefici Službe na, na ovoj odluci koju je pripremila. Hvala.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem. S obzirom da nema više vijećnika prijavljenih za diskusiju.

Zaključujem raspravu.

S obzirom da se obrađivač materijala izjasnio u uvodnom izlaganju da li prihvata amandmane ili ne mislim da ako smo dobro shvatili samo je jedan amandman vijećnika Damira Muratovića odbijen, nije prihvaćen, pa me zanima da li ostajete pri amandmanu? (SLAĐANA KRAJINA – Ne, ne prihvaćen je. Samo, evo ja ću.) Ako sam dobro shvatila to je amandman kao i kod sličan...

**SLAĐANA KRAJINA – sekretar Gradskog vijeća Tuzla**

Zato što je prvo stigao amandman vijećnika Anela Ibeljića (SABIHA MUJKANOVIĆ MUJAČIĆ - Tako je.) i o njemu se izjašnjavala obrađivač prvo i prihvaćen je. A vaš je naknadno. Ali pošto je već to sve sadržano u ovom amandmanu (SABIHA MUJKANOVIĆ MUJAČIĆ - Tako je.) vi ste već rekli da, da je to uglavnom sve sadržano i da je prihvaćeno, ali samo zbog Stenograma. (SABIHA MUJKANOVIĆ MUJAČIĆ - Zbog Stenograma.) Ipak se on malo razlikuje pa samo da kažete da...(DAMIR MURATOVIĆ – Ja se slažem.) Dobro.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem.

Sada stavljam na izjašnjavanje ODLUKU O ZAKUPU STANOVA U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RASPOLAGANJA uz amandman predlagача i amandmane koje je predlagач prihvatio i koji su postali sastavni dio Odluke, a koji će sada pročitati sekretar Gradskog vijeća.

**SLADANA KRAJINA – sekretar Gradskog vijeća Tuzla**

**Amandmani predlagача na Odluku o zakupu stanova u vlasništvu Grada Tuzle i stanova na kojima Grad Tuzla ima pravo raspolaganja:**

U članu 8. koji se odnosi na kategorije lica za davanje stana u zakup dodaje se alineja: pod „j) žrtve nasilja u porodici“

U članu 12. koji se odnosi na mjerila za utvrđivanje rang liste dodaje se nova alineja „status žrtve nasilja u porodici“

U članu 13. koji se odnosi na bodovanje dodaje se stav:  
stav (9) „Bodovanje po osnovu statusa žrtve nasilja u porodici .....5 bodova“.

**Amandmani vijećnika Anela Ibeljića.**

**Amandman I**

Član 8. mijenja se i glasi:

U članu 8. stav 1., dosadašnja tačka i) postaje tačka j), a dodaje se nova tačka i) koja glasi:

Pod „i) Osobe sa invaliditetom“.

**Amandman II**

Član 12. mijenja se i glasi:

U članu 12. stav 1., dosadašnje alineje III, IV, V, VI, VII i VIII postaju alineje IV, V, VI, VII, VIII i IX, a dodaje se nova alineja III koja glasi:  
„- procenat invaliditeta“.

**i III Amandman**

Član 13. mijenja se i glasi:

U članu 13., dosadašnji stavovi (3), (4), (5), (6), (7) i (8) postaju stavovi (4), (5), (6), (7), (8) i (9), a dodaje se novi stav koji glasi:

stav „(3) Bodovanje po osnovu invaliditeta

Osobe sa invaliditetom (podnosilac zahtjeva ili član porodičnog domaćinstva):

- procenat invalidnosti od 100% ..... 20 bodova
- procenat invalidnosti od 90% ..... 16 bodova i
- procenat invalidnosti od 80% ..... 12 bodova.“

**I Amandmani vijećnika Omera Berbića.**

U članu 8. koji se odnosi na kategorije lica za davanje stana u zakup dodati stav pod h) “Osobe koje su nakon punoljetstva napustile dom za djecu bez roditeljskog staranja.”

U članu 12. koji se odnosi na Mjerila za utvrđivanje rang liste dodati stav “Pripadnost populaciji djece i mladih koji nakon 18. godine napuste dom za djecu bez roditeljskog staranja.”

I u članu 13. koji se odnosi na definisanje bodova, dodati stav 9 koji glasi: “Bodovanje po osnovu izlaska iz doma za djecu bez roditeljskog staranja u visini od 10 bodova.”

### **I Amandman vijećnika Damira Muratovića.**

U članu 8. koji se odnosi na kategorije lica za davanje stana, stav f) Mladi bračni/vanbračni parovi do navršenih 35 godina života, iza zareza dodati riječi “u skladu sa Porodičnim zakonom Federacije Bosne i Hercegovine”.

U članu 13. koji se odnosi na kategorije lica za davanje stana, stav 4) mijenja se i glasi: “Bodovanje za mladi bračni ili vanbračni par do 35 godina starosti u skladu sa Porodičnim zakonom Federacije Bosne i Hercegovine”.

### **SABIHA MUJKANOVIĆ MUJAČIĆ – zamjenik predsjedavajućeg Gradskog vijeća Tuzla, - samostalni vijećnik**

Pozivam vijećnike da aktiviraju uređaje za elektronsko glasanje i da se izjasne. Glasanje je okončano.

Konstatujem da je sa, 26 glasova za, nije bilo protiv i nije bilo suzdržanih usvojena ODLUKA O ZAKUPU STANOVA U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RASPOLAGANJA, uz amandmane predlagača i amandmane koje je predlagač prihvatio i koji su postali sastavni dio Odluke, a koje je pročitala sekretar Gradskog vijeća.

Pozivam sekretara Gradskog vijeća da pročita zaključke proizašle iz rasprave.

### **SLAĐANA KRAJINA – sekretar Gradskog vijeća Tuzla**

Mislim da je bio samo jedan zaključak.

- Gradsko vijeće Tuzla sugeriše da se razmotri mogućnost da se u narednom periodu broj bodova, kada je u pitanju kategorija lica za davanje stana u zakup, žrtve nasilja u porodici, poveća sa 5 bodova na 10.

### **SABIHA MUJKANOVIĆ MUJAČIĆ – zamjenik predsjedavajućeg Gradskog vijeća Tuzla, - samostalni vijećnik**

Pozivam vijećnike da se izglase. Da se izjasne. Glasanje je okončano.

Konstatujem da je zaključak koji je pročitala sekretar Gradskog vijeća usvojen sa, 25 glasova za, nije bilo protiv i nije bilo suzdržanih.

Prelazimo na tačku devet Dnevnog reda:

**RAZMATRANJE I USVAJANJE IMOVINSKO PRAVNIH ODLUKA I RJEŠENJA POD :**

**a) Odluka o prodaji nekretnina u vlasništvu Grada Tuzle neposrednom pogodbom radi rekonstrukcije, dogradnje i nadogradnje zgrade Vlade Tuzlanskog kantona i radova vanjskog uređenja terena oko zgrade Vlade Tuzlanskog kantona u Tuzli**

**b) Rješenje o imenovanju Komisije za provođenje postupka pregovaranja za prodaju nekretnina u vlasništvu Grada Tuzle neposrednom pogodbom radi rekonstrukcije, dogradnje i nadogradnje zgrade Vlade Tuzlanskog kantona i radova vanjskog uređenja terena oko zgrade Vlade Tuzlanskog kantona u Tuzli**

**c) Odluka o prodaji idealnog dijela nekretnine u suvlasništvu Grada Tuzla i davanju saglasnosti na zaključenje ugovora o prodaji**

**d) Odluka o zasnivanju služnosti na nekretnini u vlasništvu Grada Tuzla ( u korist Mrkonjić Nike)**

**e) Odluka o zasnivanju služnosti na nekretnini u vlasništvu Grada Tuzla ( u korist Jedrinović Vladimira)**

**f) Zaključak o odbacivanju, kao preuranjenog zahtjeva Ramić Halida za zakup parcele označene kao k.č. broj 2979, KO Tuzla II**

Predlagač: gradonačelnik Grada Tuzla.

Obrađivač: Služba za geodetske i imovinsko-pravne poslove a materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za izbor i imenovanja (pod b) i klubovi vijećnika.

Da li ima potrebe za uvodni izlaganjem? (Nema.)

Da li ima potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i zaključujem raspravu

Sada stavljam na izjašnjavanje IMOVINSKO-PRAVNE ODLUKE I RJEŠENJA. Možemo li u paketu ponovo? (Može.)

Pod a) Odluka o prodaji nekretnina u vlasništvu Grada Tuzle neposrednom pogodbom radi rekonstrukcije, dogradnje i nadogradnje zgrade Vlade Tuzlanskog kantona i radova vanjskog uređenja terena oko zgrade Vlade Tuzlanskog kantona u Tuzli.

b) Rješenje o imenovanju Komisije za provođenje postupka pregovaranja za prodaju nekretnina u vlasništvu Grada Tuzle neposrednom pogodbom radi rekonstrukcije, dogradnje i nadogradnje zgrade Vlade Tuzlanskog kantona i radova vanjskog uređenja terena oko zgrade Vlade Tuzlanskog kantona u Tuzli.

c) Odluka o prodaji idealnog dijela nekretnine u suvlasništvu Grada Tuzla i davanju saglasnosti na zaključenje ugovora o prodaji.

d) Odluka o zasnivanju služnosti na nekretnini u vlasništvu Grada Tuzla ( u korist Mrkonjić Nike)

e) Odluka o zasnivanju služnosti na nekretnini u vlasništvu Grada Tuzla ( u korist Jedrinović Vladimira)

f) Zaključak o odbacivanju, kao preuranjenog zahtjeva Ramić Halida za zakup parcele označene kao k.č. broj 2979, KO Tuzla II i pozivam vijećnike da aktivirajau uređaje za elektronsko glasanje i da se izjasne. Nikice molim vas izjasnite se. Hvala. Selma? (NATAŠA PERIĆ – Molim vas malo tišina.) Glasanje je okončano.

Konstatujem da su pročitane odluke i rješenja usvojena sa,  
23 glasa za, nije bilo protiv i nije bilo suzdržanih.

Prelazimo na sljedeću tačku Dnevnog reda.

Tačka deset:

### **RAZMATRANJE INFORMACIJE O UPRAVLJANJU I ODRŽAVANJU ZAJEDNIČKIH DIJELOVA I UREĐAJA ZGRADA**

Predlagač: gradonačelnik Grada Tuzla.

Obrađivač: Služba civilne zaštite a materijal su razmatrali: klubovi vijećnika.

Da li ima potrebe za uvodnim izlaganjem? (Nema.)

Da li ima potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. (Nema.)

Zatvaram raspravu vijećnika i zaključujem raspravu.

Konstatujem da je Gradsko vijeće Tuzla primilo k znanju **INFORMACIJU O UPRAVLJANJU I ODRŽAVANJU ZAJEDNIČKIH DIJELOVA I UREĐAJA ZGRADA.**

**NATAŠA PERIĆ**

Samo malo molim vas. Ima još jedna tačka da budemo samo strpljivi.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Tačka jedanaest:

### **RAZMATRANJE IZVJEŠTAJA KOMISIJE ZA IZBOR I IMENOVANJA**

**SLAĐANA KRAJINA – sekretar Gradskog vijeća Tuzla**

Hoćemol početi? Ovako.

Komisija za izbor i imenovanja je razmatrala prijedlog Hasiba Hirkića samostalnog vijećnika za izmjenu člana Savjeta mjesne zajednice, te je usvojila sljedeći zaključak:

Komisija za izbor i imenovanje je razmotrila, te Gradskom vijeću Tuzla na izjašnjanje upućuje Prijedlog Hasiba Hirkića, samostalnog vijećnika da se:

- Sabina Imširović razrješi dužnosti člana Savjeta mjesne zajednice Mramor,
- a da se na dužnost člana Savjeta Mjesne zajednice Mramor izabere Miralem Omerović.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Stavljam na izjašnjanje prijedlog. (SLAĐANA KRAJINA – Nisu svi glasali.)

**NATAŠA PERIĆ**

Molim ko je u sali da glasa.



**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zaključujem glasanje.

Konstatujem da je prijedlog usvojen sa, 21 glasom za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Sljedeći prijedlog:

Komisija za izbor i imenovanja je razmatrala Prijedlog Hasiba Hirkića, samostalnog vijećnika za izmjenu člana Komisije za komunalne poslove i pitanja mjesnih zajednica, te je usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjanje upućuje Prijedlog Hasiba Hirkića, samostalnog vijećnika da se:

- Halid Bajrami razrješi dužnosti člana Komisije za komunalne poslove i pitanja mjesnih zajednica,

- a da se na dužnost člana Komisije za komunalne poslove i pitanja mjesnih zajednica izabere Alija Jusufi.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Molim vijećnike da se izjasne. Mirele izjasnite se. Glasanje je okončano.

Konstatujem da je navedeni prijedlog usvojen sa, 22 glasa za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Komisija za izbor i imenovanja je razmatrala Prijedlog Senada Mehmedinovića, vijećnika Pokreta demokratske akcije - PDA za razrješenje člana Savjeta Mjesne zajednice Ljubače, te je usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjanje upućuje Prijedlog Senada Mehmedinovića, vijećnika Pokreta demokratske akcije – PDA da se:

- Azemina Mujkanović razrješi dužnosti člana Savjeta Mjesne zajednice Ljubače.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Molim vijećnike da se izjasne. Glasanje je okončano.

Konstatujem da je navedeni prijedlog usvojen sa, 23 glasa za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Sljedeće:

Komisija za izbor i imenovanja je razmatrala Prijedlog Nikice Vidovića, vijećnika Hrvatske demokratske zajednice Bosne i Hercegovine, za imenovanje člana Savjeta Mjesne zajednice Ljubače, te je usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjanje upućuje Prijedlog Nikice Vidovića, vijećnika Hrvatske demokratske zajednice Bosne i Hercegovine, da se:

- Dejan Kovačević izabere na dužnost člana Savjeta Mjesne zajednice Ljubače.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Molim vijećnike da se izjasne. Glasanje je okončano.

Konstatujem da je navedeni prijedlog usvojen sa, 21 glas za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Komisija za izbor i imenovanja je razmatrala prijedlog Kluba samostalnih vijećnika za izmjenu predsjednika i članova radnih tijela Gradskog vijeća, te je usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjanje upućuje Prijedlog Kluba samostalnih vijećnika da se:

- Amela Zaimović razrješi dužnosti predsjednika Komisije za stambena pitanja,
- a da se na dužnost predsjednika Komisije za stambena pitanja izabere Jasmin Brkić,
- Nermina Muratović razrješi dužnosti člana Komisije za saradnju sa jedinicama lokalne uprave i samouprave,
- a da se na dužnost člana Komisije za saradnju sa jedinicama lokalne uprave i samouprave izabere Osman Bajrić,
- Kenan Hadžihasanović razrješi dužnosti člana Komisije za mlade, obrazovanje i sport,
- a da se na dužnost člana Komisije za mlade, obrazovanje i sport izabere Emina Beširević,
- Mirza Kabil razrješi dužnosti člana Komisije za kulturu i očuvanje kulturno historijskog i prirodnog nasljeđa,
- a da se na dužnost člana Komisije za kulturu i očuvanje kulturno-historijskog i prirodnog nasljeđa izabere Nezira Mujanović. Ima još izvinjavam se.
- Kerim Isović razrješi dužnosti člana Komisije za prostorno uređenje i zaštitu okoline,
- a da se na dužnost člana Komisije za prostorno uređenje i zaštitu okoline izabere Damir Džafić,
- Halid Bajrami razrješi dužnosti člana Komisije za zaštitu prava nacionalnih manjina,
- a da se na dužnost člana Komisije za zaštitu prava nacionalnih manjina izabere Kemal Kurtić.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Molim vijećnike da se izjasne. Šefik molim vas da se izjasnite. Esana? Selma? Glasanje je okončano.

Konstatujem da navedeni prijedlog nije usvojen, 6 vijećnika je bilo za, nije bilo protiv i 17 suzdržanih.

## **SLADANA KRAJINA – sekretar Gradskog vijeća Tuzla**

Komisija za izbor i imenovanja je razmatrala Prijedlog Kluba samostalnih vijećnika za izmjenu članova savjeta mjesnih zajednica, te je usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjavanje upućuje Prijedlog Kluba samostalnih vijećnika da se:

- Damir Tucaković razrješi dužnosti člana Savjeta mjesne zajednice Brčanska Malta,
- a da se na dužnost člana Savjeta mjesne zajednice Brčanska Malta izabere Mensur Kamber,
- Emir Hujdur razrješi dužnosti člana Savjeta Mjesne zajednice Kreka,
- a da se na dužnost člana Savjeta Mjesne zajednice Kreka izabere Ada Osmanović,
- Ifat Mumić razrješi dužnosti člana Savjeta Mjesne zajednice Ši Selo,
- a da se na dužnost člana Savjeta Mjesne zajednice Ši Selo izabere Alma Šehanović,
- Bajazit Bašić razrješi dužnosti člana Savjeta Mjesne zajednice Šićki Brod,
- a da se na dužnost člana Savjeta Mjesne zajednice Šićki Brod izabere Anadin Džinić,
- Nedžad Selimović razrješi dužnosti člana Savjeta Mjesne zajednice Sjenjak,
- a da se na dužnost člana Savjeta Mjesne zajednice Sjenjak izabere Hasan Jahić,
- Šefik Halilović razrješi dužnosti člana Savjeta Mjesne zajednice Slavinovići,
- a da se na dužnost člana Savjeta Mjesne zajednice Slavinovići izabere Mirsad Fejzić,
- Ramo Husagić razrješi dužnosti člana Savjeta Mjesne zajednice Lipnica,
- a da se na dužnost člana Savjeta Mjesne zajednice Lipnica izabere Sadržmir Djedović,
- Medin Bečić razrješi dužnosti člana Savjeta Mjesne zajednice Dobrnja,
- a da se na dužnost člana Savjeta Mjesne zajednice Dobrnja izabere Zehrudin Bečić.

## **SABIHA MUJKANović MUJAČIĆ – zamjenik predsjedavajućeg Gradskog vijeća Tuzla, - samostalni vijećnik**

Molim vijećnike da se izjasne. Glasanje je okončano.

Prijedlog nije dobio potrebnu većinu, 7 vijećnika je bilo za, nije bilo protiv i 16 suzdržanih.

Prelazimo na dvanaestu tačku Dnevnoga reda:

### **TEKUĆA PITANJA**

Obzirom da nije bilo prijedloga koji bi se razmatrali u okviru ove tačke Dnevnog reda konstatujem da je Dnevni red iscrpljen.

Zahvaljujem se vijećnicima, predlagačima i obrađivačima materijala i zaključujem 21. redovnu sjednicu Gradskog vijeća Tuzla.

(S obzirom da je Dnevni red iscrpljen i 21. redovna sjednica Gradskog vijeća Tuzla zaključena ista je završena u 14:48 sati.)

### **STENOGRAM SAČINILI:**

**Selma Šehić**

**Jasminka Delalić**

### **P R E D S J E D A V A J U Ć I**

**Nataša Perić, prof. s.r.**